

МЪЗГИНИЙА ЛЬ ГОРА МЭТТА

Пешготьна институте

Ль гора р'езкърна к'йтебед Пэймана^Ф Ну, «Мъзгинийа^Ф Иса^Ф Мэсиһ^Ф ль гора Мэтта» к'йтеба пешьн (э'wльн) э. Бь фькьра занә эва к'йтеба сэдсалийа пешьнда ль Энтакйайе һатийә нъвисаре. Жь һынгеда һ'эта ньһа эва к'йтеба буйә ч'э'вканик бона ван мәрвьед^Ф кө дьхвазын р'астийа Хвәде нас кьн, ава готи Иса Мэсиһ. Ль гора ш'эдәтийа щьвина^Ф сэдсалийа дөдада, хөдане ве к'йтебе Мэттайе шанди^Ф буйә, йе кө һе бәри р'астһатьна Иса хәрщгьр^Ф бу, кө жер'а «Леви^Ф» жи дьготьн (Марқос 2:14; Луқа 5:27).

Эва к'йтеба мъзгинийа ве йәке дьдә, кө Иса йә Хьлазкьр^Ф у П'адшайе жь Хвәдеда создайи. Эва мъзгинийа дьбежә, кө Иса нә т'әне Хьлазкьре мьләте щьһуйа^Ф йә, ле йе мьләтед т'эмамия дьнийә йә жи.

Мъзгинийа Мэтта жь һәр се Мъзгинийед майин зедәтър бә'са Пэймана^Ф Кэвьн дькә, чьмки мәрәме ве к'йтебе әв ә, wәки избат кә, кө Иса һәма хут хвәха йә әв Хьлазкьре создайи у бь ви авайи нъвисаред щьһуйайә пироз^Ф (ава готи нъвисаред Пэйман Кэвьн) һатьнә сери. Мэтта к'йтеба хвәда жь чьл щара зедәтър бә'са ван нъвисаред Пэймана Кэвьн дькә. Жь ван щийа гәләк аһа нъвисар ьн: «Әв йәк аһа қәwьми, кө әв готьна Хөданә^Ф бь заре^Ф п'ехәмбәр^Ф һатьбу готьне бе сери...» (1:22; 2:15, 17-18, 23; 4:14-16; 8:17; 12:17-21 у йед майин). Өса жи Мэтта гәләк щара дьнъвисә, кө Иса чава «Көр'е^Ф Даwьд» те һ'әсабе, чьмки Мэсиһе создайи we жь р'ьк'ьнийата^Ф Даwьд^Ф

п'адша бьһата (1:1, 20; 9:27; 12:23; 15:22; 20:30-31; 21:9, 15; 22:41-45).

Әв Мьзгини жь һәрсекед майин бь ви авайи жи бәрч'ә'в дьбә, кө дәвса наве «Хвәде» гәләк щара хәбәра «Ә'зман» һатийә хәбате, сәбәб әв бу кө щьһуйа нәдьхвәстьн һәр гав наве Хвәде банина сәр заре хвә, чьмки пироз ә, ләма жи Мәтта дурва дьһат. Мәсәлә, дәвса «П'адшатийа^ф Хвәде» 33 щара «П'адшатийа^ф Ә'змана» ньвисар ә, ле «П'адшатийа Хвәде» т'әне пенщ щара ньвисар ә.

Ньвиск'аре к'ьтебе сәрһатийа Иса бь һур-гьли дьньвисә. Әв жь р'ьк'ьнийат у буйина Исада дәстпедькә, паше дьньвисә әв чава пе аве те ньхөмандьне^ф (ьматкьрьне), те щер'ьбандьне^ф, паше дәрһәда кьред вийә Щәлиледи^ф дьньвисә, чава даннасин кьр, һин кьр у нәхвәш қәнщ кьрын. Паше дьньвисә кө әв чава жь Щәлиле те Оршәлиме^ф, р'ожд һ'әфтийа хвәйә хьлазийе ль вьр чава дәрбаз дькә у чава һатә хачкьрьне^ф у жь мьрьне р'абу.

Мьзгинийа Мәттада Иса чава дәрсдарәки^ф мәзьн к'ьфш дьбә, йе кө һ'өкөме ви һәйә Қануна^ф Муса^ф шьровәкә у бона П'адшатийа Хвәде даннасин кә. Өса жи дьдә к'ьфше кө әв вәк'иле Қануна Хвәде у пәйманейи амьн ә, кө мәрәме Хвәде дьқәдинә у тинә сери. Мьзгинийа Мәттада һинкьрьнед Иса п'ар-п'ар дийар дьбьн у әв п'ар бь ве р'езкьрьне бәрч'ә'в дьбьн:

1. Даннасинийа сәре ч'ийе бәр мәрьвайе вәдькә, кө зар'ед П'адшатийа Хвәде чьқаси хвәзьли нә у гәрәке р'абун-р'ушьстьн, борщ у жийина хвәда жи чава бьн (сәре 5-а һ'әта 7-а).

2. Т'эмийед бона шагърта^Ф, wәки qөльхе шандитийа хwәда чава П'адшатийа Хwәде даннасин кьн (сәре 10-а).
3. Сөр'а П'адшатийа Хwәде у h'эфт мәсәлә (13-а).
4. Ль сәр ве дьне зар'ед П'адшатийа Хwәде, аwa готи бawәрмәндед Иса Мәсiһ гәрәке һьндава һәвда чава бьн (сәре 18-а).
5. һинкьрьнед ль сәр р'ожед ахьрийе у һатьна П'адшатийа Хwәде (сәре 24-а у 25-а).

Сәрәщәма фькьра к'ьтебе

Р'ьк'ьнийата Иса у буйина wi (1:1-2:23)

Qөльхе Йуһ'әннайе^Ф ньхөмдар^Ф (3:1-12)

Ньхөмандьн у щер'ьбандьна Иса (3:13-4:11)

Даннасини у шьхөлед Исайә ль Щәлиледа (4:12-18:35)

Р'ийа Исайә жь Щәлиле һ'әта Оршәлиме (19:1-20:34)

Һ'эфтийа Исайә хьлазийе ль Оршәлиме у дор-бәрәд weда (21:1-27:66)

Р'абуна Иса жь мьрьне у шагъртава хөйабуна wi (28:1-20)

Р'ьк'ьнийата Иса

(Луqа 3:23-38)

1 ¹ Эв э р'әqәма р'ьк'ьнийата^Ф Иса^Ф Мәсiһ^Ф, р'ьк'ьнийата Даwьд^Ф, р'ьк'ьнийата Бьраһим^Ф:

² Бьраһимр'а Исаq^Ф бу,

Исаqр'а Аqуб^Ф бу,

Аqубр'а Щьһуда^Ф у бьрава бун,

³ Щьһудар'а Перес у Зэра бун, (наве дийа ван Т'амара бу),

Переср'а һэсрун бу,

һэсрунр'а Р'ам* бу,

⁴ Р'амр'а Аминадав бу,

Аминадавр'а Нәһшон бу,

Нәһшонр'а Сәлмон бу,

⁵ Сәлмонр'а Боваз бу, (наве дийа ви Р'эхаб^Ф бу),

Бовазр'а Овед бу, (наве дийа ви Р'ут' бу),

Оведр'а Йеша^Ф бу

⁶ у Йешар'а Дауьд п'адша бу.

Дауьд п'адшар'а Сълеман^Ф бу, (дийа ви бәре к'өлфэта^Ф Урийа бу),

⁷ Сълеманр'а Р'эһобовам бу,

Р'эһобовамр'а Әбийа бу,

Әбийар'а Асаф* бу,

⁸ Асафр'а Йеһошәфат бу,

Йеһошәфатр'а Йорам бу,

Йорамр'а Узийа бу,

⁹ Узийар'а Йотам бу,

Йотамр'а Аһаз бу,

Аһазр'а һызқийа бу,

¹⁰ һызқийар'а Мьнашә бу,

Мьнашәр'а Амос бу,

Амоср'а Йошийа бу

¹¹ у Йошийар'а Йәхонийа у бьрава бун. Ви чахи щьмә'т сьргун^Ф чу Бабилоне^Ф.

¹² Ле пәй сьргунчуйина Бабилонеда,

* 1:3 Нав дэстньвисаред һнәкада дәвса «Р'ам» «Арам» һәйә.

* 1:7 Нав дэстньвисаред һнәкада дәвса «Асаф» «Аса» һәйә.

жь Йэхонийар'а Шалтийел бу,
 Шалтийелр'а Зэрубабэл бу,
¹³ Зэрубабэлр'а Абийуд бу,
 Абийудр'а Елйақим бу,
 Елйақимр'а Азур бу,
¹⁴ Азурр'а Садоқ бу,
 Садоqr'а Ахин бу,
 Ахинр'а Елйуд бу,
¹⁵ Елйудр'а Елазар бу,
 Елазарр'а Мэтан бу,
 Мэтанр'а Ақуб бу,
¹⁶ Ақубр'а Усьв^ф бу, мере Мэрийэме^ф,
 йа кө Иса^ф жь we wэльди, кө Мэсиһ^ф те готье.

¹⁷ Аwa жь Бьраһим һ'эта Даwьд чардәһ ньсьл^ф дәрбаз бьбун, жь Даwьд һ'эта сьргунчуйина Бабилонеда чардәһ ньсьл у жь сьргунчуйина Бабилонеда һ'эта Мэсиһ диса чардәһ ньсьл бун.

Буйина Иса

(Луқа 2:1-7)

¹⁸ Буйина Иса Мэсиһ бь ви тьһәри бу. Мэрийэма дийа wi Усьвр'а нишанкьри бу, ле дэргистийа хwэда Мэрийэм бь һ'өкөме Р'өһ'e^ф Пироз һ'эмлэ к'ьфш бу. ¹⁹ Ле Усьве дэргистийе we кө мэрьвәки^ф р'аст бу, нәхwәст we р'ур'әш кә, фькьри кө дьзива we бәр'дә. ²⁰ Чахе Усьв he сәр ve йәке дьфькьри, мьляак'этәки^ф Хөдан^ф хәwнеда wива хөйа бу у готе: «Усьве көр'е Даwьд! Нәтьрсә, кө дэргистийа хwә Мэрийэме бьстини. Әwi кө we жь we бьбә, әw жь Р'өһ'e

Пироз э. ²¹ Эве көр'эки бинэ у гэрэке тө наве ви Иса* дайни, чьмки эве щьмэ'та хвэ жь гөнөд ван хьлаз^ф кэ».

²² Эв һәр тышт аһа қәшьми, вэки эв готьна Хөданэ бь заре^ф п'ехэмбэр^ф бе сери кө дьбежэ: ²³ «Ва қиза бьк'эр^ф we һ'эмлэ бэ, көр'эке жер'а бьбэ у наве ви Иммануиел we дайньн»*, кө те фэ'мкьрьне: «Хвэде т'эви мэ йэ».

²⁴ Гава Усьв жь хэве һ'ышйар бу, эви ль гора готьна мьльйак'эте Хөдан кьр, дэргистийа хвэ станд. ²⁵ Ле тэме хвэ ль we хьраб нэкр, һ'эта кө эв көр'* жер'а бу. У наве ви Иса дани.

Стэйрнасед р'оһьлате

2 ¹ Гава Иса Бэйтлэһ'ма^ф Щьһустанеда^ф, р'ожед п'адшатийа һеродэсда бу, һынге чэнд стэйрнас жь р'оһьлате һатьнэ Оршэлиме^ф ² у готьн: «К'ане П'адше щьһуйайи^ф кө гэрэке бьбуя? Мэ стэйрка ви ль р'оһьлате дит у эм һатьнэ, кө сэре хвэ ль бэр ви дайньн».

³ Гава һеродэс п'адша эв йэк бьһист, т'эвиһэв бу у т'эмабийа Оршэлиме жи пер'а. ⁴ һынге эви һ'эму қанунзанед^ф щьмэ'те у сэрэкед к'аһина^ф щьвандьн у жь ван пьрси: «К'идэре гэрэке Мэсиһ бьбэ?» ⁵ Вана жер'а гот: «Бэйтлэһ'ма Щьһустанеда, чьмки бь дэсте п'ехэмбэра аһа ньвисар э:

⁶ «Йа Бэйтлэһ'ма вэлате Щьһуда,
тө ль нав сэрверед Щьһудайеда нэ йе һәри бьч'ук и,

* 1:21 «Иса» бь зьмане ибрани^ф аһа те фэ'мкьрьне: «Хөдан хьлаз дькэ», йан «хьлазкьр», йан жи «забун».

* 1:23 Ишайа 7:14.

* 1:25 Нав дэстньвисаред һьнэкада «көр'е вейи ньхөри» һэйэ.

чъмки сәрверәке жь тә р'абә,
кө шьвантийе щьмә'та мьн Исраеле^ф бькә»*».

⁷ Ёнге һеродәс дьзива гази стәйрнаса кьр у вәхте хойабуна стәйрке жь ван пе һ'әсийа. ⁸ Паше әв шандьнә Бәйтләһ'ме у гот: «Һәр'ын бона көр'ьк ә'сәйи пе бьһ'әсьн. Чахе кө һун ви бьбиньн, мьнр'а бежьн, кө әз жи бем сәре хвә ль бәр дайнъм».

⁹ Гава вана әв тышт жь п'адше бьһист, чун. У әв стәйрка кө ль р'оһьлате дитьбун пешийа ван чу, һ'әта сәр ви щийе к'ө көр'ьк ле бу сәкьни. ¹⁰ Гава вана әв стәйрк дит, гәләки әшq у ша бун, ¹¹ чунә һьндөр', көр'ьк т'әви дийа ви Мәрийәме дитьн, ль бәр ви дәвәр'у чун, сәре хвә ль бәр данин у хьзнед хвә вәкьрын, п'ешк'ешед^ф зер', бьхуре^ф ә'рәби у зьмьр^ф данә ви. ¹² Ле ван хәвнеда ә'мьр станд, кө вәнәгәр'ьнә щәм һеродәс, әв иди р'екә дьнва чунә вәлате хвә.

Р'әва бәр бь Мьсьре^ф

¹³ Гава кө әв жь вьр чун, мьльак'әтәки Хөдан хәвнеда Усьва хойа бу у готе: «Р'абә көр'ьк у дийа ви һьлдә бьр'әвә Мьсьре^ф. Ль вьр бьминә һ'әта кө әз тәр'а бежьм, чъмки һеродәсе көр'ьк бьгәр'ә, кө ви бькөжә».

¹⁴ Усьв жи р'абу көр'ьк у дийа ви һьлдан, шәв чунә Мьсьре ¹⁵ у һ'әта мьрьна һеродәс әвана ль вьр ман. Әв йәк аһа бу, кө әв готьна Хөданә бь заре п'ехәмбәр һатьбу готьне бе сери: «Мьн жь Мьсьре гази көр'е хвә кьр»*.

* 2:6 Миха 5:2.

* 2:15 һосәйя 11:1.

Qьp'a зар'ока

¹⁶ Гава һеродэс дит кӧ эw жь стӕйрнаса һатӕ хапандьне, гӕлӕки һерс к'эт. Эwi э'мьр кьр кӧ һ'ӕму зар'окед кӧр'инӕ ль Бӕйтлӕһ'ме у дор бӕре we, йед дӧ сали у жь ван бьч'уктьр һӕбун, кӧ бенӕ кӧштъне, ль гора wi wӕхте кӧ жь стӕйрнаса пе һ'ӕсийа бу. ¹⁷ һынге эw готъна бь заре Йерӕмийа^ф п'ехӕмбӕр һатӕ сери:

¹⁸ «Жь Р'амайе дӕнгӕк һат,
дӕнге гьри у ши́на гьран,
Р'аһел бона зар'окед хwӕ дьгьрийа
у нӕдъхwӕст кӧ бӕр дьлада бен,
чьмки иди зар'ок нӕмабун»*.

һатъна жь Мьсьре

¹⁹ Гава һеродэс мьр, мьлйак'этӕки Хӧдан ль Мьсьре хӕwнеда Усьwва хӧйа бу ²⁰ у готе: «Р'абӕ, кӧр'ьк у дийа wi һьлдӕ у һӕр'ӕ wӕлате Исраеле, чьмки эwед пӕй кӧр'ьк к'ӕтьбун кӧ бькӧштана мьрьнӕ».

²¹ Усьw жи р'абу, кӧр'ьк у дийа wi һьлдан, вӕгӕр'ийанӕ wӕлате Исраеле. ²² Ле гава Усьw бьһист wӕки Архелайо^ф дӕwса баве хwӕ, һеродэс сӕр Щьһустане буйӕ п'адша, тьрсийа кӧ һӕр'ӕ wьр. һынге хӕwнеда э'мьр станд, кӧ һӕр'ӕ алийе рӕза Щӕлиле^ф. ²³ Эw жи чунӕ бажаре кӧ жер'а Ньсрӕт дьготън ле һеwьрин. Эв йӕк аһа бу, кӧ эw готъна бь заре п'ехӕмбӕра бе сери кӧ дьбежӕ: «Эwе ньсрӕти бе готъне».

* 2:18 Йерӕмийа 31:15.

Даннасинийа Йуһ'әннайе^ф ныхөмдар^ф

(Марқос 1:1-8; Лука 3:1-18; Йуһ'әнна 1:19-28)

З¹ Ван р'ожада Йуһ'әннайе^ф ныхөмдар^ф р'абу нава бэр'ийа^ф Щьһустане даннасин кър ²у дыгот: «Жь гөнэкърне вэгэр'ьн^ф, чьмки П'адшатийа^ф Ә'змана незик буйә». ³Йуһ'әнна әw бу, бона к'ижани Ишайа^ф п'ехәмбәр готьбу:

«Дәнгәк бэр'ийеда дькә газы:

«Р'ийа Хөдан һазьр бькьн

у шьвэр'ийед^ф wi р'аст бькьн»*».

⁴К'ьнще Йуһ'әнна жь пьр'ча дәве бу у қайишәкә ч'әрм ль пыште бу. Хварьна wi жи көли^ф у һьнгьве чоле бу. ⁵Һьнге щьмә'та Оршәлим у т'әмамыйа Щьһустане у һ'әму алийед ч'әме Урдөне дьһатьнә щәм wi, ⁶гөнед хwә дьданә р'уйе хwә у жь wi ль нав ч'әме Урдөне дьһатьнә ныхөмандьне^ф.

⁷Гава Йуһ'әнна дит кө жь ферьси^ф у садуқийа^ф жи гәләк һатьнә wәки бенә ныхөмандьне, әwi готә ван: «Ч'ежькед^ф мә'ра! К'е wәр'а гот, кө һун жь хәзәба те бьр'әвьн? ⁸Дә бь кьред қәнщ бьдьнә к'ьфше, кө һун жь гөнэкърне вэгэр'ийанә. ⁹У нав хwәда нәфькьрын нәбежьн: «Бьраһим баве мә йә». Әз wәр'а дьбежьм, кө Хwәде жь ван кәвьра жи дькарә зар'а Бьраһимр'а дәрхә. ¹⁰Ва йә балт'ә^ф ль сәр р'awe^ф даре йә. һәр дара кө бәре қәнщ нәйнә, we бе бьр'ине у авитьне нава егьр. ¹¹Әз wә бона гөнәвэгэр'андьне бь аве дьньхөминьм, ле йәки жь мын қәваттьр we бе. Әз нә һежа мә чарьхе wi жи бьгьрьмә дәсте хwә. Әwe wә пе Р'өһ'е Пироз у егьр бьньхөминә. ¹²Мәлһ'әба wi дәсте wiда йә. Әwe бедәра хwә пақьж кә,

* 3:3 Ишайа 40:3.

гэньме хwэ бькэ э'мбаре, ле кайе we бь агьре кö натэмьрэ бьшэwьтинэ».

Иса те ньхөмандьне

(Марқос 1:9-11; Лука 3:21-22)

¹³ Ынгге Иса жь Щэлиле hatэ Урдөне, щэм Йуһ'энна, кö жь wi бе ньхөмандьне. ¹⁴ Ле Йуһ'энна бона ве йэке wir'а қайл нэдьбу у готэ wi: «Эз h'эwщэ мэ кö бь дэсте тэ бемэ ньхөмандьне у тө тейи щэм мьн?» ¹⁵ Иса ле вэгэр'анд у готе: «Ньһа бьһелэ, чьмки ль мэ дьк'эwэ кö эм h'эму р'астийе биньнэ сери^ф». Паше Йуһ'энна қайл бу.

¹⁶ һэма чава Иса hatэ ньхөмандьне у жь аве дэрк'эт, э'зман wэбун у эwi дит кö Р'өһ'e Хwэде мина кэвоткэке hatэ хwаре у сэр wi дани. ¹⁷ У дэнгэки жь э'змана гот: «Эв э Көр'e мьни дэлал, кö эз жь wi р'азии мэ».

Щер'ьбандьна^ф Иса

(Марқос 1:12-13; Лука 4:1-13)

4 ¹ Ынгге Р'өһ' Иса бьрэ бэр'ийе^ф, кö жь Мирещьн^ф бе щер'ьбандьне^ф. ² Эwi чьл р'ож у чьл шэви р'ожии^ф гьрт, пэйр'а бьр'чи бу. ³ Йе кö дыщер'ьбинэ незики wi бу у готе: «Һэгэр тө Көр'e^ф Хwэде йи, дэ бежэ ван кэwьра кö бьбьнэ нан». ⁴ Ле Иса ле вэгэр'анд у готе: «Ньвисар э: «Инсан т'эне бь нен нажи, ле бь һэр хэбэра кö жь дэве Хwэде дэрдьк'эwэ»».

⁵ Ынгге Мирещьн эw бьрэ Бажаре Пироз^ф, сэр бьльндщийа бане п'арьстгэһе^ф да сэкьнандьне ⁶ у готэ wi: «Һэгэр тө Көр'e Хwэде йи, дэ хwэ бавежэ хwаре, чьмки ньвисар э: «Хwэде we т'эмийа тэ бьдэ мьльйак'этэд

* 4:4 Қануна Дөщари 8:3.

хвэ у we тэ сэр дэсте хвэ быгърын, wэки ньге тэ кэвър нэк'эвэ»*. ⁷ Иса готе: «Эв жи ньвисар э: <Хөдан Хвэдейе хвэ нэщер'ьбинэ»**».

⁸ Ынге Мирещын эw бър р'акърэ сэр ч'ийаки гэлэки бьльнд у h'эму п'адшатийед дьнийае, р'эwша ванва нишани wi дан ⁹ у готэ wi: «hэгэр тö дэвэр'уйа бейи, сэре хвэ ль бэр мьн дайни, эзе ван h'эмуяа бьдьмэ тэ».

¹⁰ Ынге Иса готе: «Дури мьн hэр'э, Щьно^Ф! Чьмки ньвисар э: <Сэре хвэ ль бэр Хөдан Хвэдейе хвэ дайнэ у т'эне wi бьh'эбинэ!»**»

¹¹ Wi чахи Мирещын эw һьшт чу у мьлйак'эт hatьн жер'a бэрдэсти кьрын.

Иса qэза Щэлилeда дэст бь к'аре хвэ дькэ

(Марqос 1:14-15; Луqа 4:14-15)

¹² Гава Иса бьһист, wэки Йуh'энна hatэ гьртьне, эw р'абу чу Щэлиле. ¹³ Эwi Ньсрэт һьшт, чу Кэфэрнаһума дэве гола Щэлиле, ль нав синоре Зэбулоне у Нэфтэлийе щивар бу. ¹⁴ Эв йэк аһа бу, кө эw готьна бь заре Ишайа п'ехэмбэр бе сери:

¹⁵ «Wэлате Зэбулоне у wэлате Нэфтэлийе,
ль сэр р'ийа бэрбь голе, wi алие Урдөне,
Щэлила нэщьһуйа^Ф,

¹⁶ эw щьмэ'та кө нав тэристанийеда р'уньшьбу,
р'онайикэ мэзын дит
у эвед кө ль wэлат у сийа мьрьнеда р'уньшьбун,

* 4:6 Зэбур 91:11-12.

* 4:7 Qануна Дöщари 6:16.

* 4:10 Qануна Дöщари 6:13.

р'онайи жь ванар'а дэрк'эт»*.

¹⁷ Жь хьнгева Иса дэст бь даннасинийе кьр у гот: «Жь гөнэкьрьне вэгэр'ьн, чьмки П'адшатийа Э'змана^Ф незик буйә».

Иса гази һәр чар мә'сигьра дькә

(Марқос 1:16-20; Лука 5:1-11)

¹⁸ Чахе Иса ль дэве гола Щәлиле дьгэр'ийа, р'асти дө бьра һат, Шьмһ'уне^Ф кө жер'а Пәтрус^Ф дьһатә готьне у Әндрауьсе бьре ви. Вана т'ор' давитә голе, чьмки мә'сигьр бун. ¹⁹ Иса ванар'а гот: «Пәй мьн вәрьн, эзе вә бькьмә неч'ирванед мәрьва». ²⁰ Вана жи һәма ве дәме т'ор'ед хвә һьштьн у пәй ви чун.

²¹ Гава Иса жь ви щийи хьнәки пешда чу, р'асти дө бьред дьн жи һат, Ақубе^Ф Зәбәди у Йуһ'әннайе^Ф бьре ви. Вана т'әви баве хвә, Зәбәди қәйькеда т'ор'ед хвә һивез дькьрьн. Иса гази ван жи кьр. ²² Вана жи һәма ве дәме қәйьк у баве хвә һьштьн у пәй ви чун.

Иса даннасин дькә, һин дькә у қәнщ дькә

(Лука 6:17-19)

²³ Иса ль т'әмамийа Щәлиле дьгэр'ийа, к'ьништед^Ф ванда һин дькьр у Мьзгинийа^Ф П'адшатийе дьда у һәр щур'ә еш у нәхвәши жи кө нав щьмә'теда һәбун қәнщ дькьрьн. ²⁴ Нав-дәнге ви ль т'әмамийа Сурйайе бәла бу, щьмә'те һәр щур'ә мәрьвед нәхвәш анинә щәм ви, йед кө щур'ә-щур'ә еш у щәфада бун: Йед щьнак'әти^Ф, һивк'әти^Ф, шьлушә'т у әви әв һ'әму жи қәнщ кьрьн. ²⁵ Гәләк ә'лаләт

* 4:16 Ишайа 9:1-2.

жи жь Щэлиле, жь рэза Декаполисе*, жь Оршэлиме, жь Щьхустане у жь ви алийе Урдөнейи р'оһьлате пэй ви дьчун.

Даннасинийа сэре ч'ийе

5¹ Чахе Иса э'лалэт дит, һьлк'ьшийа ч'ийе, р'унышт у шагъртед^ф ви һатьнэ щэм ви. ² Эви дэст бь һинкьрьна хвэ кьр у ванр'а гот:

Һинкьрьна бона хвэзьлийа р'аст

(Лука 6:20-23)

- ³ «Хвэзи ль р'өһ'фэқира*,
чьмки П'адшатийа Э'змана йа ван э.
⁴ Хвэзи ль һ'эзнийа,
чьмки бэр дьлед ванда we бе һатьне.
⁵ Хвэзи ль шкэстийа,
чьмки дьнйайе п'ара ван бэ.
⁶ Хвэзи ль ван, кө т'и у бьр'чийе р'астигэдандьне нэ,
чьмки эве т'ер бьн.
⁷ Хвэзи ль дьлр'э'ма,
чьмки эве р'э'ме бьбиньн.
⁸ Хвэзи ль дьлпақьжа,
чьмки эве Хвэде бьбиньн.
⁹ Хвэзи ль ван, кө э'дьлайийе дькьн,
чьмки эве зар'ед Хвэде бенэ һ'эсабе.

* 4:25 «Декаполис» бь зьмане йунани те фэ'мкьрьне: «Дэһэ Бажар», чьмки эва рэза бэреда бь йэктийа дэһэ бажара һатийэ чекьрн.

* 5:3 Бь готьнэкэ дьн: «Р'өһ'к'эсиба», ава готи р'өһ'е ван һ'эвще Хвэде йэ, бэр Хвэде шкэсти нэ.

¹⁰ Хwэзи ль ван, кӧ бона р'астигэдандьне тенӧ зерандьне,
чъмки П'адшатийа^ф Э'змана йа ван э.

¹¹ Хwэзи ль wэ, гава бона наве мьн wэ беһӧрмэт кьн, бьзеринын у һэр щур'э бӧхдан ль wэ бькьн. ¹² Эшq у ша бьн, чъмки һәqе wэ ль э'змана гәләк э. Бь ви щур'әйи п'ехәмбәред кӧ бәри wэ һәбун, зерандьн.

Хwе у р'онайи

(Марqос 9:50; Луqа 14:34-35)

¹³ һун хвейа әрде нә. Ле һәгәр хwе тә'ма хwә онда кә, паше әwе бь чь тә'ме бьстинә? Иди we кери тьштәки нәйе. We бьгьрын бавежьнә нав дәст-п'ийа.

¹⁴ һун р'онайа дьнйае нә. һәгәр бажарәк сәре ч'ийе йә, найе вәшартьне. ¹⁵ Кәсәк жи ч'ьре венахә у накә бьне фьраqе, ле датинә сәр п'еч'ьре^ф, кӧ р'онайе бьдә һ'әмуьед кӧ маледа нә. ¹⁶ Ӗса жи бьра р'онайа wэ бәр мәрьва шәwq бьдә, кӧ әwана кьрьнед wәйә qәнщ бьбиньн у пәсьне Баве^ф wәйи э'змана бьдьн.

һинкьрьна бона Qануне

¹⁷ Нәфькьрын кӧ әз һатьмә һьвисаред п'ехәмбәра у Qануне хьраб кьм. Әз нәһатьм кӧ хьраб кьм, ле ван һ'әмуьа биньмә сери. ¹⁸ Әз р'аст wәр'а дьбежьм, бәри дәрбазбуна әрд у э'зман, дәqәк йан жи һ'әрфәкә бьч'ук жь Qануне we онда нәбә, һ'әта кӧ һ'әму бенә сери. ¹⁹ Аwa к'и жь ван т'әмийа йәкә һәрә бьч'ук хьраб кә у мәрьва ӧса һин кә, әwе П'адшатийа Э'зманада жь һ'әмуьа бьч'уктьр бе һ'әсабе. Ле к'и кӧ wана пек бинә у һин бькә, әwе П'адшатийа Э'зманада мәзьн бе һ'әсабе. ²⁰ Ләма әз wәр'а дьбежьм, һәгәр р'астийа wэ жь р'астийа qанунзан у

ферьсийа зедэтыр нибэ, хун т'ө щар нак'эвнэ П'адшатийа Э'змана.

Һинкърьна дэрһэца һерсе у меркөштгынеда

²¹ Wэ бһистийэ кӧ пешийар'а һатийэ готыне: «Нэкӧжэ!» К'и кӧ бькӧжэ, диwana wi we бе кърьне. ²² Ле эз wэр'а дьбежым, к'и сэр бьре хwэ һерс к'эвэ*, we бьбэ дӑйндаре диwane у к'и бежэ бьре хwэ: «Бе аqьл», эwe бьбэ дӑйндаре диwana щьвина гьрэгьра у к'и кӧ бежэ: «Ахмах», we бьбэ дӑйндаре агьре доже^ф. ²³ Аwa һэгэр тӧ һ'эдийа^ф хwэ бини сэр горигӑһе^ф у ль wър бе бира тэ, кӧ дьле бьре тэ жь тэ майэ, ²⁴ һ'эдийа хwэ we дӑре ль бэр горигӑһе бьһелэ у пешийе һэр'э бьре хwэр'а ль һэв wэрэ у паше wэрэ һ'эдийа хwэ бьдэ.

²⁵ Чахе нӑйаре тэ тэ к'аши щэм һ'акьм дькэ, р'еда т'эви wi зу ль һэв wэрэ. һэгэр на, эwe тэ бьдэ дӑсте һ'акьм, һ'акьме жи тэ бьдэ дӑсте бӑрдӑстийе хwэ у тэ бавежэ кӑле. ²⁶ Эз р'аст тӑр'а дьбежым, тӧ жь wър дӑрнак'эви һ'эта поле^ф* пашьн нӑди.

Һинкърьна дэрһэца зьнек'арийеда

²⁷ Wэ бһистийэ кӧ һатийэ готыне: «Зьнийе нӑкӧ»*. ²⁸ Ле эз wэр'а дьбежым, к'и бь тӑме хьраб жьнӑке бьньһер'э, эwi дьле^ф хwӑда иди т'эви we зьнек'ари кър. ²⁹ Аwa һэгэр ч'эве тӑйи р'асте тэ жь р'е дӑрдыхэ, wi дӑрхэ у жь хwэ бавежэ.

* 5:21 Дӑрк'ӑтън 20:13.

* 5:22 Нав дӑстньвисаред һьнӑкада аһа йӑ: «К'и кӧ щики бе сӑбӑб сэр бьре хwӑда һерс к'эвэ».

* 5:26 «Пол» п'ӑре һӑри һур э.

* 5:27 Дӑрк'ӑтън 20:14.

Бона тэ һе қәнщ э кӧ эндәмәки тэ онда бэ, ле бэдәна тэ пева нәк'эвэ щә'ньме^ф. ³⁰ У һэгәр дәсте тәйи р'асте тэ жь р'е дәрдыхэ, ви жекэ у бавежэ. Тәр'а һе қәнщ э кӧ эндәмәки тэ онда бэ, ле бэдәна тэ пева нәк'эвэ щә'ньме.

Һинкърьна дәрһәқа жьнбәр'данеда

(Мәтта 19:9; Марқос 10:11-12; Лука 16:18)

³¹ Эв жи һатийэ готъне: «К'и к'ӧлфәта хвэ бәр'дэ, бьра к'ахаза жьнбәр'дане бьдэ we*». ³² Ле эз вәр'а дьбежъм, к'и кӧ бе сәбәбийа қавийе^ф жьна хвэ бәр'дэ, эв дьбә сәбәбе зьнекърьна we, һэгәр диса эв мер кә* у к'и кӧ йәкә мербәр'даи бьстинэ, эв зьнийе дькә.

Һинкърьна бона сонде

³³ Wэ эв жи бьһистийэ кӧ пешийар'а һатийэ готъне: «Дәрәw сонд нәхвэ у сонде хвэ ль бәр Хӧдан бинэ сери». ³⁴ Ле эз вәр'а дьбежъм, т'ӧ щар сонд нәхвьн, нэ бь э'змен, чьмки эв т'әхте Хвәде йә, ³⁵ нэ жи бь ә'рде, чьмки эв щийе бьн п'ийед ви йә, нэ жи бь Оршәлиме, чьмки эв бажаре П'адше мэзън э ³⁶ у нэ жи бь сәре хвэ сонд бьхвэ, чьмки тӧ нькари муки сьпи ки йан р'эш ки. ³⁷ Ле бьра готъна wэ бьбә «бәле-бәле» йан жи «на-на». Жь ве зедәтър жь Мирещън ә*.

* 5:31 Қануна Дӧщари 24:1.

* 5:32 Эв хәбәра «һэгәр диса эв мер кә» йунанида т'ӧнә. Эвана мәнә зьнек'арийе шьровәдыкьн, чьмки ә'дәте щьһуйада^ф изьна жьна мербәр'даи т'ӧнәбу диса мер кьра, һ'әта мере we сах буйа.

* 5:37 Бь йунани хәбәр бь хәбәр аһа йә: «Жь йе хьраб ә».

пинкьрна дэрhəqа һ'эйфһьлданеда

(Луqа 6:29-30)

³⁸ Wə бһистийə кӧ һатийə готһне: <Ч'əв дəwса ч'əв у дьран дəwса дьран>*. ³⁹ Ле эз wəp'а дьбежьм, мьqабьли хьраба нэсəкьнһн. һəгэр йəк шəмаqəке ль р'уйе тəйи р'асте хə, йе дьн жи бьдə бэр. ⁴⁰ У һəгэр йəк тə к'аши бэр диwане кə у бьхwазə кьрасе тə жь тə бьстинə, п'оте хwə жи жер'а бьһелə. ⁴¹ У һəгэр йəки qӧльхеда зоре ль тə бькə, wəки километьрəке* тə бьбə, т'əви wi дӧда һэр'ə. ⁴² Бьдə wi, к'и жь тə дьхwазə у бəре хwə жь wi нəгӧһезə, йе кӧ дьхwазə жь тə дəйн бькə.

Дьжмьнед хwə һ'ыз бькьн

(Луqа 6:27-28, 32-36)

⁴³ Wə бһистийə кӧ һатийə готһне: <һəвалe хwə һ'ыз бькə* у бьжəнə дьжмьне хwə>. ⁴⁴ Ле эз wəp'а дьбежьм, дьжмьнед хwə һ'ыз бькьн у бона wан дӧа бькьн, йед кӧ wə дьзериньн*, ⁴⁵ wəки һун бьбьнə зар'ед Баве хwəйи Əзмана. Чьмки əw тə'ва хwə дəрдьхə һьн сэр qəнщa, һьн жи сэр хьраба у баране дьбаринə һьн сэр р'аста, һьн жи сэр нэр'аста. ⁴⁶ һəгэр һун һ'ызкьред хwə һ'ыз бькьн, һуне чь һəд бьстиньн? Нə хэрщгьр^ф жи ӧса дькьн? ⁴⁷ У һəгэр

* 5:38 Дəрк'əтһн 21:24; Qануна К'аһинтийе 24:20; Qануна Дӧщари 19:21.

* 5:41 Бь йунани хəбэр бь хəбэр аһа йə: «Милəк». Мила Р'оме^ф (Италийа) 1,478.5 метьр бу.

* 5:43 Qануна К'аһинтийе 19:18.

* 5:44 Нав дəстньвисаред һьнəкада аһа йə: «...бона йед кӧ ньфьр'а wə дькьн, дӧа бькьн у хернəхwазед^ф хwэр'а qəнщийе бькьн».

Һун т'әне сьлаве бьдьнэ бьред хвэ, иди Һун чь тышти жь эвед дьн зедэтьр дькьн? Нэ п'утп'арьст^Ф жи өса дькьн?
⁴⁸ Ава к'амьл бьн, чава кө Баве вэйи Э'змана к'амьл э.

Һинкьрьна бона херкьрьне

Б¹ Наш жь хвэ һэбьн, кө Һун қәнщийед хвэ бэр мэрьва нэкьн, вэки жь ван бенэ к'ьфше. Йан на, Һун жь Баве хвэйи э'змана һэқ настиньн.

² Ава чахе тө хера дьки, пешийа хвэ бор'ийе нэхэ, чава дөр'у к'ьништ у к'учада дькьн, вэки мэрьв пэсьне ван бьдьн. Эз р'аст вэр'а дьбежьм, кө вана һэде хвэ иди стандийэ. ³ Ле чахе тө хера дьки, бьра дэсте ч'эпе ньзаньбэ дэсте р'асте чь хер кьр, ⁴ кө херед тэ дьзива бьн. У Баве тэйи тыштед кө тө дьзива дьки дьбинэ, we һэде тэ бьдэ тэ.

Һинкьрьна бона дөа

(Луқа 11:2-4)

⁵ Гава Һун дөа дькьн, мина дөр'уйа нэбьн. Эw һ'эз дькьн к'ьништ у мэйданада бьсэкьньн дөа бькьн, кө бэр мэрьва бенэ к'ьфше. Эз р'аст вэр'а дьбежьм, иди вана һэде хвэ стандийэ. ⁶ Ле чахе тө дөа дьки, бьк'эвэ ода хвэ, дэри ль хвэ бьгьрэ у Баве хвэр'а кө найе дитьне дөайе хвэ бькэ. У Баве тэйи тыштед кө тө дьзива дьки дьбинэ, we һэде тэ бьдэ тэ.

⁷ Гава кө Һун дөа дькьн, мина п'утп'арьста п'ьр'хэбэр нэбьн. Вана т'ьре^Ф бона п'ьр' хэбэрдана ван дөайед ване бенэ бьһистьне. ⁸ Һун мина ван нэбьн, чьмки бэри хвэстьна вэ, Баве вэ занэ чь вэр'а лазьм э.

⁹ Ле Һун аһа дөа бькьн:

«Баве мэйи э'змана! Наве тэ пироз^Ф бэ,*

¹⁰ П'адшати́а тэ бе, э'мьре тэ бэ, ча́ва ль э'змен, о́са жи ль сэр э'рде.

¹¹ Нане мэйи р'оже р'ож бь р'ож бьдэ мэ.

¹² Дэйнед мэ бьбахшинэ, ча́ва ко́ эм дьбахшиньнэ дэйндаред хвэ.

¹³ У мэ нэбэ щер'ьбандьне^Ф, ле мэ жь йе хьраб* хьлаз кэ, чьмки п'адшати, қэват у р'умэт йед тэ нэ, һ'эта-һ'этайе. Амин^{Ф**}.

¹⁴ Нэгэр һун нэхэдийед мэрьвайэ һьндава вэда ко́ дькьн бьбахшиньн, Баве вэйи Э'змана жи we вэ бьбахшинэ.

¹⁵ Ле нэгэр һун нэхэдийед мэрьва нэбахшиньн, Баве вэ жи нэхэдийед вэ набахшинэ.

Һинкьрна бона р'ожийе

¹⁶ Гава ко́ һун р'ожи дьгьрн, мина дөр'уйа мэдэкьри нибьн. Эw мэ'де хвэ дькьн, wэки мэрьв бьзаньбьн ко́ эw р'ожи нэ. Эз р'аст wэр'а дьбежьм, ко́ вана һэфе хвэ стандийэ. ¹⁷ Ле чахе то́ р'ожи дьгьри, сэрч'э'ве хвэ бышо, сэре хвэ шэ кэ*, ¹⁸ wэки мэрьв ньзаньбьн ко́ то́ р'ожи йи, ле т'эне Баве тэйи ко́ найе дитьне заньбэ. У Баве тэйи тыштед ко́ то́ дьзива дьки дьбинэ, we һэфе тэ бьдэ тэ.

* 6:9 Бь готьнэкэ дьн: «Бьра инсан қэдьре наве тэйи пироз бьгьрэ».

* 6:13 Аһа жи те фэмкьрне: «Жь Мирещьн».

** 6:13 Нав дэстньвисаред һэрэ қэншда эв йэк т'өнэ: «Чьмки п'адшати, қэват у р'умэт йед тэ нэ, һ'эта-һ'этайе. Амин».

* 6:17 Бь йунани хэбэр бь хэбэр аһа йэ: «Сэре хвэ р'ун^Ф кэ», ча́ва нишана шайийе.

Хьзна э'змана

(Луца 12:33-34)

¹⁹ Ль сэр дьне хьзне хwэр'а нэщьвиньн. Ль ве дэре зэнг у бьзуз хьраб дькьн у дьз дэрэвэдькьн дьдзьн. ²⁰ Ле хьзне хwэр'а ль э'змен быщьвиньн. Ль ве дэре зэнг у бьзуз хьраб накьн у дьз жи дэрэвэнакьн надьзын. ²¹ Чьмки хьзна тэ к'идэре бэ, дьле тэ жи ве ль ве дэре бэ.

Ч'ьра бэдэне

(Луца 11:34-36)

²² Ч'ьра бэдэне ч'эв э. һэгэр ч'э'ве тэ п'ак э, т'эмамия бэдэна тэйе р'онайи бэ. ²³ Ле һэгэр ч'э'ве тэ хьраб э, т'эмамия бэдэна тэйе тэ'ри бэ. Аwa һэгэр эw р'онайа кö нав тэда йэ тэ'ри йэ, тэ'ри ве чьqас зедэ бэ!

Хwэде у һэбука^ф дьнийайе

(Луца 16:13)

²⁴ Т'ö кэс нькарэ дö ахар'а хöламтийе бькэ, чьмки йан ве һ'иле wi жь йэки һэр'э у йе дьне һ'ыз бькэ, йан жи ве qэдьре йэки бьгьрэ у йе дьне беһöрмэт кэ. һун нькарьн һьн Хwэдер'а, һьн жи һэбукер'а^ф хöламтийе бькьн.

Һинкьрына дэрһэqа хэмкьрынеда

(Луца 12:22-31)

²⁵ Лэма эз wэр'а дьбежьм, бона э'мьре хwэ хэма нэкьн, кö һуне чь бьхwьн у чь вэxwьн, нэ жи бона бэдэна хwэ, кö һуне чь ль хwэ кьн. Нэ э'мьр жь хварьне qимэттьр э у

* 6:24 Хэбэр бь хэбэр аһа йэ: «Мамон». Мэ'на ве эв э: Мале дьне, п'эрэ, дэwлэтийа ве дьне.

бэдэн жи жь к'ынща? ²⁶ Дина хвэ бьднэ тэйрэдед э'змен. Эвана нэ дьр'эшиньн, нэ дьдрун у нэ жи э'мбарада дьщвиньн, ле Баве вэйи Эзмана р'сге ван дьгһинэ. Нэ һун жь ван қимэттьр ын? ²⁷ Иди жь вэ к'и дькарэ бь хэмед хвэ дэқэке сэр э'мьре хвэда зедэ кэ?*

²⁸ У бона к'ынща һун чьма хэм дькьн? Дина хвэ бьднэ сосьнед чоле, чава шин дьбьн, нэ дьхэбьтн у нэ жи дьр'есьн. ²⁹ Ле эз вэр'а дьбежьм, кө Сьлеман жи ль нава т'эмамийа we хер-хьзна хвэда мина жь ван йэке хвэ нэкр. ³⁰ һэгэр гиһайе чоле, кө иро һэйэ у сьбе давежьнэ нава егьр, Хвэде өса дьхэмьлинэ, ле чьқас зедэ we ль вэ кэ, кембауэрно? ³¹ Иди хэм нэкьн у нэбежьн: «Эме чь бьхвьн?» йан: «Чь вэхвьн?» йан жи: «Чь ль хвэ кьн?» ³² П'утп'арьст ль пэй ван һ'эму тышта дьк'эвьн, ле Баве вэйи э'змана занэ кө һун һ'эвше ван һ'эму тышта нэ. ³³ Ле бэре пешьн ль П'адшатийа^Ф Хвэде бьгэр'ьн у бькьн кө р'астийа ви бьқэдиньн у эв һ'эмуйе вэр'а бенэ дайине. ³⁴ Иди бона р'ожа сьбе хэма нэкьн, чьмки р'ожа сьбе we бона хвэ хэма бькэ. Хэмед р'оже бэси we нэ.

Һинкьрна дэрһэқа ломэкрьнеда^Ф

(Луқа 6:37-38, 41-42)

7 ¹ Лома нэкьн, кө ломэ^Ф ль вэ нэбьн. ² һун чь лома бькьн, эв ломэ жи we ль вэ бьбьн у һун бь чь чапе бьпивьн, бь we чапе жи вэр'а we бе пиване. ³ Тө чьма қыршьке ч'э'ве бьре хвэда дьбини, ле к'еране ч'э'ве хвэда набини? ⁴ Йан жи чава тө дькари бежи бьре хвэ: «Бьһелэ кө эз қыршьк жь ч'э'ве тэ дэрхьм», ле ва йэ к'еран ч'э'ве

* 6:27 Аһа жи те ф'эмкьрне: «Бьһөстэке ль сэр бэжьна хвэ дьреж кэ».

тэда һэйэ? ⁵ Дөр'у! Пешийе к'еране ч'э'ве хwэ дэрхэ. Паше те қэнц бьбини кө чава қыршык жь ч'э'ве бьре хwэ дэрхи.

⁶ Тыште бөһөрти нэдынэ са у нэ жи дөр'ед^ф хwэ бавезьнэ бэр бэраза. һэгэр на, бэразе ван бьн ньгед хwэда п'епэс кьн у сэйе жи вэгэр'ьн wэ бьдър'иньн.

Бьхwазьн, бьгэр'ьн, дэри хьн

(Луқа 11:9-13)

⁷ Бьхwазьн һуне бьстиньн, бьгэр'ьн һуне бьбиньн, дэри хьн we бэр wэ вэбэ. ⁸ Чьмки к'и кө дьхwазэ дьстинэ, к'и кө дьгэр'э дьбинэ у к'и кө дэри дьхэ бэр вэдьбэ. ⁹ Жь wэ к'ижан э эw мэрьв, кө көр'е wi нан же бьхwазэ, эw кэвьр бьде? ¹⁰ Йан жи мэ'си бьхwазэ, эw мэр' бьде? ¹¹ һун кө хьраб ьн, заньн тыштед қэнц бьдынэ зар'ед хwэ, ле Баве wэйи э'змана we чьқас тыштед қэнц бьдэ эwed кө жь wi дьхwазьн.

Қануна зер'

¹² һэр чь кө һун дьхwазьн мэрьв бона wэ бькьн, һун жи өса ванар'а бькьн. Эв э мэ'на һинкьрьна Қануне у п'ехэмбэра.

Дэре тэнг

(Луқа 13:24)

¹³ Дэре тэнгр'а бьк'эвьнэ һьндөр', чьмки фьрэ йэ эw дэри у бэр э эw р'ийа кө дьбэ бэрбь ондабуне у гэлэк ьн эwed кө weда дьчьн. ¹⁴ Ле гэлэки тэнг э эw дэри у зэ'мэт э эw р'ийа кө дьбэ бэрбь жийине у һьндьк ьн эwed кө we р'ейе дьбиньн.

Дар у бәре we

(Луқа 6:43-45)

¹⁵ Н'эвза хwэ жь п'ехәмбәред дәрәw бькьн. Әwe бь п'осте пез бенә щәм wә, ле һьндөр'ва гөрөд п'әр'ани нә. ¹⁶ һуне wана жь бәред wан нас бькьн. Гәло кәсәк жь стьрийа тьрийа дьчьнә, йан жи жь дьр'ийа һежира? ¹⁷ Дара қәнщ бәре қәнщ дьдә, ле дара хьраб бәре хьраб дьдә. ¹⁸ Дара қәнщ нькарә бәре хьраб бьдә, нә жи дара хьраб дькарә бәре қәнщ бьдә. ¹⁹ һәр дара кө бәре қәнщ надә те бьр'ин у авитьне нава агьр. ²⁰ Аwa һуне wана жь кьред wан нас бькьн.

К'и һежайи П'адшатийа Ә'змана йә

(Луқа 13:26-27)

²¹ Нә кө әwe мьнр'а дьбежә: «Хөдан! Хөдан!» we бьк'эвә П'адшатийа Ә'змана, ле әwe бьк'эве, йе кө ә'мьре Баве мьни Ә'змана дьқәдинә. ²² We Р'оже гәләке мьнр'а бежьн: «Хөдан! Хөдан! Нә мә бь наве тә п'ехәмбәрти^ф кьрьн у бь наве тә щьн^ф дәрхьстьн у бь наве тә гәләк к'әрәмәт кьрьн?» ²³ һьнге эзе ашкәра wанр'а бежьм: «Жь мьн дур к'эвьн, нәһәқно! Мьн һун т'ө щар нас нәкьрьнә».

Мала йе сәрwахт у мала йе бефә'м

(Луқа 6:47-49)

²⁴ Аwa к'и кө ван готьнед мьн дьбьһе у ван дьқәдинә, әw мина мәрвьәки сәрwахт ә, кө мала хwә сәр кевьр чекьр. ²⁵ Баран бари, ба у лейи^ф р'абун, we мале хьстьн, ле әw мал һьлнәшийа, чьмки һ'име we сәр кевьр бу. ²⁶ Ле к'и кө ван готьнед мьн дьбьһе у нақәдинә, әw мина мәрвьәки бефә'м ә, кө мала хwә сәр қуме чекьр. ²⁷ Баран бари, ба

у лейи р'абун, we мале хьстын у эw мал һьлшийа, лап
wеран бу чу».

Һ'өкөме Иса

²⁸ Гава Иса эв готънед хwэ сэр һэвда ани, э'лалэт сэр
һинкърьна wi зэндэгърти^ф ман, ²⁹ чъмки эwi мина йэки
хwэйиһ'өкөм эw һин дькърьн, нэ кö мина қанунзанед
wan.

Иса йэки жь к'отибуне^ф пақыж дькэ

(Марқос 1:40-45; Луқа 5:12-16)

8¹ Паше Иса жь ч'ийе һатэ хwаре, э'лалэтэкэ гьран да
пэй wi чу. ² һынге йэки к'оти^ф һат хwэ авитэ бэр wi
у готе: «Хöдан! һэгэр бьхwази, тö дькари мьн пақыж ки*».

³ Иса дэсте хwэ дьреж кьре ле к'эт у готе: «Эз дьхwазьм.
Пақыж бэ!» У дэстхwэда эw жь к'отибуне пақыж бу. ⁴ һынге
Иса жер'а гот: «Бьньһер'э, т'ö кэсир'а тыштэки нэбежи, ле
һэр'э хwэ нишани к'аһин кэ у һ'эдийа кö Муса^ф т'эми дайэ
бьдэ, wэки һ'эмуйар'а бьбэ шэ'дэти, кö тö пақыж буйи».

Иса хöламе сэрсэдэки^ф қәнщ дькэ

(Луқа 7:1-10; Йуһ'әнна 4:43-54)

⁵ Гава Иса к'этэ Кэфэрнаһуме, сэрсэдэк^ф һатэ щэм wi,
һиви же кьр у готе: ⁶ «Хöдан, хöламе мьн шьлушэ'т малда
п'алдайэ, гэлэки щэфе дьбинэ». ⁷ Иса готэ wi: «Эзе бем
wi қәнщ кьм». ⁸ Сэрсэд ле вэгэр'анд у готе: «Хöдан, эз
нэ һежа мэ кö тö бейи мала мьн. Ле т'эне хэбэрэке
бежэ у хöламе мьне бь we хэбэре қәнщ бэ. ⁹ Эз хwэха

* 8:2 Ль гора Қануна^ф Муса^ф мэрьвед к'оти һ'эрам^ф бун. Дэрһэқа
мэрьвед к'отида ван сэрийа бьхунын: Қануна К'аһинтийе 13-14.

жи мэрвэки бьн h'өкөмда мэ у бьн дэсте мында жи эскэр хэнэ. Эз йэкир'а дьбежым: «Һэр'э», дьчэ, йэки дьнр'а дьбежым: «Wэрэ», те у хөламе хwэр'а дьбежым: «Ви тышти бькэ», дькэ».

¹⁰ Гава Иса эв йэк бьхист, зэндэгьрти ма у готэ эвед кө пэй ви дьчун: «Эз р'аст wэр'а дьбежым, Израеледа жи мын бавэрикэ^ф аһа йэкида нэдитийэ». ¹¹ Эз wэр'а дьбежым, кө гэлэке жь р'оһьлате у жь р'оавайе бен у шаййа П'адшатийа Э'зманада т'эви Бьраһим, Ишаq у Аqуб р'унен, ¹² ле зар'ед П'адшатийе we бенэ авитьне тэрийа дэрва. Ль wьр we бьбэ гьри у ч'ьркэ-ч'ьрка дьрана». ¹³ Паше Иса сэрсэдр'а гот: «Һэр'э! Бьра ль гора бавэрийа тэ тэр'а бэ». У we дэме хөламе ви qэнщ бу.

Иса гэлэк нэхwэша qэнщ дькэ

(Марqос 1:29-34; Лyqa 4:38-41)

¹⁴ Гава Иса һатэ мала Пэтрус, хwэсийа ви т'айеда п'алдайи дит. ¹⁵ Эви дэсте хwэ да дэсте we у т'айе же бэр'да, р'абу бэрдэсти wir'а кьр.

¹⁶ Гава р'о чу ава, гэлэк щьнак'эти анинэ щэм ви. Эви бь хэбэре р'өһ'ед^ф һ'эрам дэрхьстьн у һ'эму нэхwэш qэнщ кьрын. ¹⁷ Эв аһа бу, кө эw готьна бь заре Ишайа п'ехэмбэр бе сери, кө ньвисар э:

«Эви нэхwэшийед мэ һьлдан
у ешед мэ бьрын».

* 8:10 Нав дэстньвисаред һьнэкада аһа йэ: «Израеледа жи мын бавэрикэ аһа нэдитийэ».

* 8:17 Ишайа 53:4.

Щабдарийа йед кө пэй Иса дьчын

(Луқа 9:57-62)

¹⁸ Чахе Иса э'лалэт дора хвэ дит, э'мьр ль шагърта кър кө һәр'нэ ви бэри голе. ¹⁹ Ынге қанунзанэк незики ви бу у готе: «Дэрсдар^ф! Тө к'ода жи һәр'и, эзе пэй тэ бем».

²⁰ Иса готэ ви: «Р'увийар'а қол һанэ, тэйрэдед э'зменр'а жи хелин, ле бона Көр'е^ф Инсан щик т'өнэ кө сэре хвэ ле дайнэ».

²¹ Шагъртэки ви готе: «Хөдан! Изьне бьдэ мьн кө ээ пешийе һәр'ым баве хвэ дэфьн кьм». ²² Ле Иса жер'а гот: «Тө пэй мьн вэрэ. Бьра мьри мьрийе хвэ дэфьн кьн».

Иса фьртоне^ф дьсэқьр'инэ

(Марқос 4:35-41; Луқа 8:22-25)

²³ Гава Иса к'этэ қэйьке, шагъртед ви т'эви ви чун. ²⁴ Ышкева фьртонэк^ф мэзын ль голе р'абу, өса кө қэйьк пелада онда дьбу. Ле эw р'азайи бу. ²⁵ Ынге шагърт незики ви бун, эw һ'шйар кьрын у готьне: «Хөдан! Мэ хьлаз кэ! Эм онда дьбьн!» ²⁶ Иса готэ ван: «Чьма хун өса тьрсонэк ьн кембауэрно?» We дэме р'абу ль байе у голе һьлат^ф у һ'эму тышт сэқьр'ин. ²⁷ Мэрьвед т'эви ви э'щебмайи ман у готьн: «Эв к'и йэ, кө ба у гол жи ельми^ф ви дьбьн?»

Иса дө щьнак'этига қэнщ дькэ

(Марқос 5:1-20; Луқа 8:26-39)

²⁸ Гава Иса дэрбази ви алийе т'опрахед Гэрдарине бу, дө щьнак'эти жь нав гор'стана дэрк'этын у р'асти ви хатьн. Эw өса һар бун, кө кэсэк нькарьбу we р'ер'а дэрбаз буйа. ²⁹ Вана кьрэ қир'ин у готьн: «Тө чь жь мэ дьхвази,

Көр'е Хвэде? Жь вэхт зутыр хати щэфе бьди мэ?»³⁰ Жь вана ведатьр сурики бэразайи мэзын дьч'ерийа.³¹ Щьна р'эща жь ви дькыр у дьготьне: «Һэгэр тө мэ дэрдьхи, бьһелэ эм һэр'ьн бьк'эвьнэ нава сурийе бэраза». ³² Эви готэ ван: «Һэр'ьн!» Эв жи дэрк'этын чун к'этынэ нава бэраза у эв сури пева жорда р'эви, хвэ жь кэнделда авитьнэ голе у хэньдин.³³ Бэразван р'эвин чунэ бажер, чь кө һатьбу сэре щьнак'этийа готын.³⁴ Һынге һ'эму мэрьвед бажер дэрк'этынэ пешийа Иса у гава эв дитьн, р'эща жь ви кьрын кө жь э'рде ван һэр'э.

Иса шьлушэ'тэки қәнщ дькэ у гөнед ви дьбахшинэ

(Марқос 2:1-12; Лука 5:17-26)

9¹ Иса к'этэ қэйьке пашда вэгэр'ийа һатэ бажаре хвэ*.² Ве дэре шьлушэ'тэк ньвинед п'алдайи анинэ щэм. Гава Иса бавэрийа ван дит, готэ йе шьлушэ'т: «Лаво, сэр хвэ бэ! Гөнед тэ һатьнэ бахшандьне».

³ Ле жь қанунзана һьнэк нав хвэда фькьрин: «Эва к'ьфьрийа дькэ». ⁴ Фькьред ван Исава э'йан бун у гот: «Һун чьма дьле хвэда тыште хьраб дьфькьрын? ⁵ К'ижан р'ьһ'эт те готьне: «Гөнед тэ һатьнэ бахшандьне», йан «Р'абэ у бьгэр'э»? ⁶ Ле вэки һун бьзанььн кө һ'өкөме Көр'е Инсан һэйэ ль сэр дьне гөна бьбахшинэ», һынге готэ йе шьлушэ'т: «Р'абэ ньвина хвэ һьлдэ, һэр'э мала хвэ!» ⁷ Эв жи р'абу чу мала хвэ. ⁸ Гава э'лалэте эв йэк дит, хофе эв гьртын у шькьри данэ Хвэде, кө эв һ'өкөм дайэ мэрьва.

* 9:1 Ль гора Мэтта 4:13, бажаре ви Кэфэрнаһум бу.

Иса гази Мэтта дькэ

(Марқос 2:13-17; Лука 5:27-32)

⁹ Иса жь ыр пешда чу, йэки кӧ наве ви Мэтта бу ль щийе хэрщһьлдане р'унышти дит у готе: «Пэй мын ырэрэ». Эв жи р'абу пэй Иса чу.

¹⁰ Гава Иса мала Мэттада сэр сьфре р'унышьтбу, гэлэк хэрщгър у гӧнэк'аред^Ф дьн хатън т'эви Иса у шагъртед ви р'уныштын. ¹¹ Чахе ферьсийа эв йэк дит, шагъртед ви р'а готын: «Чьма дэрсдаре ыэ т'эви хэрщгър у гӧнэк'ара дьхвэ у вэдъхвэ?» ¹² Ле гава Иса эв йэк бьһист ванар'а гот: «Сахлэм нэ һ'эвще һ'эким ын, ле нэхвэш. ¹³ һэр'ын мэна ван хэбэра һин бьн: «Эз р'э'ме дьхвэзым, нэ кӧ қӧрбане^Ф». Эз нэһатъмэ гази йед р'аст кьм, ле гази гӧнэк'ара».

Пьрса р'ожигъртыне

(Марқос 2:18-22; Лука 5:33-39)

¹⁴ һынге шагъртед Йуһ'энна хатънэ щэм ви у готыне: «Чьма эм у ферьси гэлэк щара р'ожи дьгърьн, ле шагъртед тэ р'ожи нагърьн?» ¹⁵ Иса готэ ван: «Қэт дьбэ кӧ хвэндийед дэ'вате шине бькьн, һ'эта кӧ зэ'ва т'эви ван э? Ле р'оже бен, гава зэ'ва жь ван бе һьлдане, һынге ые р'ожи бьгърьн.

¹⁶ Кэсэк пе п'арч'е ну к'ьнща кэвьн п'инэ накэ, чьмки п'арч'е к'ьнща кэвьнва дьрути ые зоре ль к'ьнща кэвьн бькэ у щийе қэльши ые һе ль бэр һэв һэр'э. ¹⁷ Нэ жи шэрава ну дькьнэ мэшкэд кэвьн. һэгэр ӧса бэ, мэшкэ бьт'эқьн, шэраве бьр'ьжэ у мэшкэ жи хьраб бьн. Ле шэрава ну дькьнэ мэшкэ ну у һэр дӧ жи тенэ хвэйийкьрне».

* 9:13 һосэйа 6:6.

Оизька мьри у к'олфэтэкэ нэхwэш

(Марқос 5:21-43; Лука 8:40-56)

¹⁸ Гава Иса һе эв йэка ванаp'а дьгот, сэрwерэк һат хwэ авитэ бэр ньге wi у готе: «Оиза мьн һежа мьрийэ. Ле wэрэ дэсте хwэ дайнэ сэр we у эве бьжи».

¹⁹ Иса p'абу т'эви шагьртед хwэ да пэй wi чу. ²⁰ К'олфэтэкэ нэхwэш, кё донздәһ салед we бун сэр хуне вэбьбу, пыштева һат у p'ишийед к'ынще Иса к'эт. ²¹ Эве нета хwэда данибу: «Һэгэр эз т'эне к'ынще wi к'эвм, эзе қәнщ бьм». ²² Иса сэр мьле хwэва вэгэр'ийа эw дит у готе: «Эвде! Сэр хwэ бэ! Бавэрийа тэ тө қәнщ кьри». У we дэме эw к'олфэт қәнщ бу.

²³ Гава Иса гьһиштэ мала сэрwер, дина хwэ даје, we әлаләт т'эвиһэв буйэ у бьлурван жи зәлули ле дьхьн ²⁴ у готэ ван: «Дәрк'эвьн! Оизьк нәмьрийэ, ле һеньжийэ». Вана қәрфе^ф хwэ пе дькьрьн. ²⁵ Ле гава щьмәт дәрхьстьнэ дәрва, Иса чу һьндөр' дэсте we гьрт у қизьк p'абу сэр хwэ. ²⁶ Эва дәнг-бә'са т'эмамия wi wәлатида бәла бу.

Иса дё кора қәнщ дькэ

²⁷ Гава Иса жь wьр дәрк'эт чу, дё мәрьвед кор данэ пэй wi кьрьнэ қир'ин у готьн: «Көр'е^ф Даwьд! Мэ wэрэ p'ә'ме!»

²⁸ Гава кё гьһиштьнэ мале, эw һәр дё кор һатьнэ щәм wi. Иса жь ван пьрси у гот: «Һун бавэр дькьн, кё эз дькарьм али wә бькьм?» Вана гот: «Бәле Хөдан». ²⁹ һьнге Иса дэсте хwэ да ч'ә'вед ван у гот: «Ль гора бавэрийа wә wэр'а бэ». ³⁰ We дэме ч'ә'вед ван вәбун. Иса һ'ьшк т'эми ль ван кьр у гот: «Һаш жь хwэ һэбьн, кё т'ё кэс we йэке

нэх'эсэ». ³¹ Ле эw дэрк'этын, т'эмамыйа wi wэлатида нав у дэнге wi бэла кьрын.

Иса лал қэнц дькэ

³² Чахе эwана дэрк'этын чун, һнэка цьнак'этики лал ани щэм Иса. ³³ Гава эwi цын дэрхьст, йе лал хэбэр да. Э'лалэт э'щербмаи ма у гот: «Ль Исраеле жи тыштэки аһа т'ө шар нэқэwьмийэ». ³⁴ Ле ферьсийа дьгот: «Эw бь һ'өкөме сэрwере цьна цьна дэрдьхэ».

Гөне Иса ль цьм'эте те

³⁵ Иса һ'эму гөнд у бажара дьгэр'ийа, к'ьништед wанда һин дькьр, Мьзгинийа П'адшатийе даннасин дькьр у ль нав цьм'эте һ'эму щур'э нэхwэши қэнц дькьрын. ³⁶ Гава эwi э'лалэт дит, гөне wi ль wan һат, чьмки эwана мина пэзе бе шьван, бэр'эдаи у бэлабуйи бун. ³⁷ һынге эwi шагьртед хwэр'а гот: «Нандьрун^ф гэлэк э, ле п'алэ һндьк ьн. ³⁸ Аwa һиви жь хwэйе дьруне бькьн, wэки п'ала нандьруна хwэр'а бьшинэ».

Навед һэр донздэһ шандийа^ф

(Марқос 3:13-19; Лука 6:12-16)

10 ¹ Иса һэр донздэһ шагьрт гази щэм хwэ кьрын у һ'өкөм да wan кө р'өһ'ед һ'эрам дэрхьн, һ'эму еш у нэхwэшийа жи қэнц кьн. ² Наве һэр донздэһ шандийа^ф эв ьн: Йе пешьн Шьмһ'ун, кө Пэтрус те готьне у бьре wi Эндраwьс, Ақубе Зэбэди у бьре wi Йуһ'әнна, ³ Филипо у Бэртоломэйо, Т'ума у Мэттайе хэрщгьр,

Агубе^Ф һалфаво у Тэдайо* ⁴Шьмһ'уне вэлатп'арьст^{Ф*} у Цьһудайе Исхэрийоти^Ф, эве кӧ нэмамия^Ф Иса кър.

Шандьна һэр донздәһа

(Марқос 6:7-13; Лука 9:1-6)

⁵ Иса эв һэр донздәһи шандьн, т'эми ль ван кър у гот: «Нэчьнэ нава нэщьһуйа у нэк'эвьнэ бажаред Самэрийае^Ф.
⁶ Ле пешийе һэр'ьнэ нав пэзед мала Исраелейә ондабуйи.
⁷ Гава һун һэр'ьн, даннасин кьн у бежьн: «П'адшатийа Әзмана незик буйә». ⁸ Нэхвәша қәнщ кьн, мьрийа сах кьн, к'отийа пақьж кьн, щьна дәрхьн. Вә беһәқ стандийә, беһәқ жи бьдьн. ⁹ Ль бәр пышта хвәда т'ө тышти һьлнәдьн: Нә зер', нә зив, нә сьфьр, ¹⁰ нә турьк бона р'е, нә дӧ дәст кьрас, нә чарьх, нә шьвдар, чьмки п'алә һежайи р'ьсқе хвә йә.

¹¹ Чь бажар йан гӧнде кӧ һун бьк'эвьне, маләкә һежа бьбиньн у ль вьр бьминьн, һ'эта кӧ һун жь вьр дьчьн.
¹² Гава һун һэр'ьнә мале, сьлаве бьдьнә we у бежьн: «Әдьлайи ве малер'а». ¹³ У һәгәр әв мал һежа йә, бьра сьлава вә ль сәр we бә, ле һәгәр нә һежа йә, бьра сьлава вә ль вә вәгәр'ә. ¹⁴ Ле к'и кӧ вә қәбул нәкә у гӧһдарийа хәбәрәд вә нәкә, гава кӧ һун жь we мале, йан жи жь ви бажари дәрдьк'эвьн, т'оза ньгед хвә давшиньн. ¹⁵ Әз р'аст вәр'а дьбежьм, Р'ожа^Ф Ахрәте һ'але вэлате Содом^Ф у Гоморайе we жь йа ви бажари четьр бә.

* 10:3 Нав дәстньвисаред һьнәкада дәвса «Тэдайо» «Леви^Ф» һәйә, йан жи «Леви кӧ Тэдайо һатә бәрнавкьрьне».

* 10:4 Аһа жи те фәмкьрьне: «Шьмһ'уне жь Қанане».

Мина пез ль нав гөра

(Марқос 13:9-13; Лука 21:12-17)

¹⁶ Аwa эз wә дышиньм чаwa пэз нава гөра. Иди мина мәр'ра сәрwaхт бьн у мина кэвотка дьлсах. ¹⁷ Ле h'эвза хwә жь мәр'ва бькьн, эwe wә бьбьнэ бэр диwана у к'ьништед хwэда wә бьдьнэ бэр қамчийа. ¹⁸ P'уйе мьнда we wә бьбьнэ бэр wәлийа^ф у п'адша, кө хун бэр wan у нэщ'һуйа шэ'дэтийе бьдьн. ¹⁹ Ле чахе wә бьбьнэ бэр диwана, хэм нэкьн кө һуне чаwa йан чь хэбэр дьн. Тыштед кө һуне хэбэр дьн, we дэме wэр'a we бе дайине. ²⁰ Чьмки нэ кө һуне хэбэр дьн, ле P'öh'e Баве wәйи кө нава wэда йэ we хэбэр дэ.

²¹ Бьра we бьре хwә бьдэ көштьне, баве жи көр'е хwә у зар' жи we һьмбэри де у баве хwә р'абьн у wan бьдьнэ көштьне. ²² Бона наве мьн һуне бэр ч'э'ве h'эмуяа р'эш бьн. Ле к'и кө h'эта хьлазийе сэбьр кэ эwe хьлаз^ф бэ. ²³ У гава нав ви бажарида wә бьзериньн, бьр'эвьнэ бажарэки дьн. Эз р'аст wэр'a дьбежьм, h'эта һатьна Көр'е Инсан, хун h'эму бажаред Исраеле пер'a нагьһиньн бьгэр'ьн.

²⁴ Шагьрт жь дэрсдаре хwә нэ мәстьр э у нэ жи хөлам жь ахайе хwә. ²⁵ Бэси шагьрт э, wэки мина дэрсдаре хwә бэ у хөлам жи мина ахайе хwә бэ. һэгэр малхе малер'a «Бэлзэбул^ф» готьн, һьнге нэфэред wir'a we чь бежьн?

Бьзаньбьн кө тьрса wә жь к'е һэбэ

(Лука 12:2-7)

²⁶ Аwa иди т'ө цар жь мәр'ва нэтьрсьн. Тыштэки дьзива т'өнэ кө дэрнэйе у нэ жи вэшарти кө к'ьфш нэбэ. ²⁷ Чь кө эз тэрийеда wэр'a дьбежьм, эwi нав р'онайеда бежьн у чь кө хун гөһада дьбьһен, сэр бана бькьн дэнги. ²⁸ У

жъ ван нэтьрсын йед кӧ бэдэне дькӧжън, ле нькарын р'ӧһ' бькӧжън. Ле һун жъ ви бьтьрсын, йе кӧ дькарэ р'ӧһ' у бэдэне щэ'ньмеда онда кэ. ²⁹ Нэ дӧ ч'вик бь дьравэки чарқӧр'уше тенэ фьротане? Ле йэк жи жъ ван бейи э'мьре Баве вэ нак'эвэ э'рде. ³⁰ Ле чь ль вэ дьк'эвэ, һэр т'елэки п'ор'ед сэре вэ жьмарти нэ. ³¹ Иди нэтьрсын. һун жъ гэлэк ч'вика қимэттьр ын.

Иқрар^Ф у инк'аркьрна^Ф Иса

(Луқа 12:8-9)

³² К'и кӧ мьн бэр мэрыва иқрар^Ф кэ, эзе жи ви бэр Баве хвэйи э'змана иқрар кьм. ³³ Ле к'и кӧ мьн бэр мэрыва инк'ар^Ф кэ, эзе жи ви бэр Баве хвэйи э'змана инк'ар кьм.

Шур у э'дълайи

(Луқа 12:51-53; 14:26-27)

³⁴ Нэфькьрын кӧ эз һатъмэ дьне э'дълайийе биньм. Эз нэһатъм э'дълайийе биньм, ле шур. ³⁵ Чьмки эз һатъм кӧр' жъ баве, қизе жъ де у буке жъ хвэсийе бьрқэтиньм ³⁶ у дьжмьнед мерьв we жъ мала ви бьн*.

³⁷ Эwe кӧ баве хвэ йан дийа хвэ жъ мьн зэ'фтьр һ'эз бькэ, нэ һежайи мьн э. Эwe кӧ кӧр'е хвэ йан қиза хвэ жъ мьн зэ'фтьр һ'эз бькэ, нэ һежайи мьн э. ³⁸ Эwe кӧ хаче^Ф хвэ һьлнэдэ пэй мьн нэйе, эw нэ һежайи мьн э. ³⁹ К'и э'мьре хвэ бьгэр'э, we ви онда кэ, ле к'и э'мьре хвэ бона мьн онда кэ, we ви бьбинэ.

* 10:36 Миха 7:6.

Һәқстандын

(Марқос 9:41)

⁴⁰ Әуе кө вә қәбул дькә, мын қәбул дькә у әуе кө мын қәбул дькә, йе кө эз шандьмә қәбул дькә. ⁴¹ Әуе кө п'ехәмбәр қәбул дькә чава п'ехәмбәр, we һәқе п'ехәмбәр бьстинә у әуе кө мәрвьәки р'аст қәбул дькә чава мәрвье р'аст, we һәқе йед р'аст бьстинә. ⁴² У әуе кө т'асә ава сар жи дьдә йәки жь ван бьч'ука, бона хатьре we йәке кө әв шагьрте мын ә, эз р'аст вәр'а дьбежьм, әуе т'ө щар һәқе хвә онда нәкә».

Иса щаба пьрса Йуһ'әннайе ньхөмдар дьдә

(Луқа 7:18-35)

11 ¹ Чахе Иса т'әмийед кө данә һәр донздәһ шагьртед хвә хьлаз кьрын, жь ви щийи чу нав бажаред ван, кө һин кә у даннасин кә.

² Гава Йуһ'әнна кәледа бона шьхөлед Мәсиһ бьһист, чәнд шагьртед* хвә шандьнә щәм ви ³ у же пьрсин: «Тө әв и, йе кө гәрәке бьһата, йан әм һивийа йәки дьн бьн?» ⁴ Иса щаба ван да у гот: «Һәр'ьн, чь кө һун дьбиньн у дьбьһен Йуһ'әннар'а бежьн. ⁵ Кор дьбиньн, сәқәт дьгәр'ьн, к'оти пақьж дьбьн, кәр' дьбьһен, мьри р'адьбьн у фәқирар'а жи Мьзгини те дайине. ⁶ У хвәзи ль ви, кө мында шьк нак'әвә».

⁷ Гава әвана чун, Иса бона Йуһ'әнна ә'лаләтер'а дәстпекьр гот: «Һун дәрк'әтьнә бәр'ийе чь бьбиньн? Қамишәки^ф кө жь байе дьһ'әжә? ⁸ Йан һун дәрк'әтьн чь

* 11:2 Нав дәстньвисаред һьнәкада дәвса «чәнд шагьрт» «дө шагьрт» һәйә.

бьбиньн? Мэрьвэки к'ьнще назьк^ф ль хвэ кьри? Нэ эвед кӧ к'ьнще назьк ль хвэ дькьн, эв малед п'адшада нэ? ⁹ Йан хун дэрк'этын чь бьбиньн? П'ехэмбэрэки? Бале эз вэр'а дьбежым, жь п'ехэмбэрэки жи мэстыр э. ¹⁰ Эва эв э, бона к'ижани ньвисар э: «Ва йэ эзе қасьде хвэ пешийа тэва бышиньм. Эве р'ийа тэ пешийа тэва һазьр кэ». ¹¹ Эз р'аст вэр'а дьбежым, жь нава эвед кӧ жь к'ӧлфэта дьне к'этынэ, т'ӧ кэс жь Йуһ'эннайе ньхӧмдар мэстыр нэбуйэ. Ле П'адшатийа Э'зманада йе һэри бьч'ук жь ви мэстыр э. ¹² Жь р'ожед Йуһ'эннайе ньхӧмдар һ'эта ньһа П'адшатийа Э'змана бь зорбэтийе те һ'ыщумкьрьне у йед зорбэ дькьн кӧ зэфти хвэ кьн*. ¹³ Чьмки һ'эму п'ехэмбэра у Қануне һ'эта Йуһ'энна бона П'адшатийа Э'змана шэ'дэти дан*. ¹⁴ У һэгэр хун дьхвазьн ве йэке қэбул кьн, эв э Елйасе^ф кӧ гэрэке бьһата. ¹⁵ Гӧһе к'ейи бьһистьне һэйэ бьра бьбьһе.

¹⁶ Ньһа эз ви ньсьли мина чь бышьбиньм? Эв мина ван зар'а нэ, йед кӧ базарада р'унышти нэ, гази һэвалед хвэ дькьн ¹⁷ у дьбежьн: «Мэ бона вэ зӧр'не хьст, хун нэр'эқьсин у бона вэ бэйт'^ф готьн, вэ шин нэкр». ¹⁸ Йуһ'энна һат, нэ дьхвар, нэ вэдьхвар у дьготьн: «Щьн вида һэйэ». ¹⁹ Кӧр'е Инсан һат, дьхвэ у вэдьхвэ, бона ви дьбежьн: «Эв йэки пэй хварьн у вэхварьне к'эти йэ,

* 11:10 Малахи 3:1.

* 11:12 Аһа жи те фэ'мкьрьне: «П'адшатийа Э'змана бь қэвате пешда дьчэ у йед зорбэ дэст дьхьн».

* 11:13 Аһа жи те фэ'мкьрьне: «Чьмки һ'эму п'ехэмбэра у Қануне һ'эта Йуһ'энна п'ехэмбэрти кьрьн».

досте хэршгър у гөнэк'ара йә». Ле сэрвахти^ф бь э'мәлед* хвә к'ьфш дьбә кӧ эв р'аст э».

Бажаред нэбавәр

(Лука 10:13-15)

²⁰ Ынге Иса дәстпекър ль ван бажара һьлат, к'ижанада гәлэк к'эрәмәтед ви қәвьмибун, чьмки эв жь гөнәкърьне вәнәгәр'ийан. ²¹ «Вәй ль тә Хоразин! Вәй ль тә Бәйтсайда! һәгәр эв к'эрәмәтед кӧ нава вәда бун, Сур у Сайдеда бьбуна, әванайе зува бь к'ӧрх^ф у к'озийе^ф т'обә^ф бькьрана. ²² Ле эз вәр'а дьбежъм, Р'ожа Ахрәте, һ'але Суре у Сайде we жь һ'але вә четър бә. ²³ У тӧ Кәфәрнаһум, тә т'ьре те һ'әта ә'зман бьльнд би? Ле те һ'әта дийаре^ф мьрийа һәр'и хваре! һәгәр эв к'эрәмәтед кӧ нав тәда қәвьмин Содомеда бьқәвьмийана, әве һ'әта р'ожа иройин бьма. ²⁴ Ле эз вәр'а дьбежъм, Р'ожа Ахрәте һ'але вәлате Содоме we жь һ'але тә четър бә».

Вәрьн щәм мьн у һеса бьн

(Лука 10:21-22)

²⁵ Ынге Иса гот: «Шькър наве тә бә Баво, Хӧдане ә'рд у ә'зман, кӧ тә эв тышт жь зана у билана^ф вәшартьн у ль бәр зар'а вәкърьн. ²⁶ Бәле Баво, чьмки аһа ль тә хвәш һат.

²⁷ һәр тышт жь Баве мьн мьнр'а һатийә дайине. Кәсәк Кӧр' нас накә пештьри Баве у кәсәк Баве нас накә пештьри Кӧр' у к'ижанар'а кӧ Кӧр' бьхвәзә ванва Баве бьдә наскърьне.

²⁸ Вәрьнә щәм мьн һ'әмуйед вәстийайи у баргьран у әзе р'ьһ'әтийе бьдъмә вә. ²⁹ Нире мьн һьлдьнә сәр хвә у

* 11:19 Нав дәстньвисаред һьнәкада дәвса «ә'мәл» «зар'» һәйә.

жъ мьн һин бьн, чьмки эз шкэсти мэ у дьлмьлаһим ьм у һуне хwэр'а р'ьһ'этийе бьбиньн. ³⁰ Чьмки нире мьн р'ьһ'эт э у баре мьн сьвьк э».

Пьрса р'ожа^ф шэмийе

(Марқос 2:23-28; Лука 6:1-5)

12¹ һынге Иса р'ожэкэ шэмийе нава зэвийар'а дэрбаз бу, шагъртед ви бьр'чи бун у дэстпекьрьн сьмбьлед гэньм чьнин у хварьн. ² Гава ферьсийа эв йэк дит, вир'а готьн: «Һэла бьньһер'э, шагъртед тэ р'ожа^ф шэмийе тыште нэщайиз дькьн».

³ Иса ванар'а гот: «Wэ нэхwэндийэ кө Даwьд чь кьр, гава эw у йед пер'а бьр'чи бун? ⁴ Нэ эw к'этэ Хана^ф Хwэде у нане^ф Хwэдер'а дайи хвар, эw нан нэ вир'а щайиз бу бьхwара, нэ жи эwед т'эви вир'а, ле т'эне к'аһинар'а? ⁵ Йан жи wэ Qанунеда нэхwэндийэ, кө к'аһин р'ожед шэмийе п'арьстгәһеда шэмийе дьһ'эр'ьминьн у диса бе суц ьн? ⁶ Ле эз wэр'а дьбежьм, кө ль вьр йэки жь п'арьстгәһе мәстьр һэйэ. ⁷ һэгэр wэ заньбуйа м'эна ве хэбэре чь йэ кө те готьне: «Эз р'э'ме дьхwазьм, нэ кө қорбане»*, һынге wэйе йед бесуц гөнэк'ар нэкьрана. ⁸ Чьмки Көр'е Инсан Хөдане р'ожа шэмийе йэ».

**Иса р'ожа шэмийе мэрьве кө
дэсте ви к'ьшийабу қэнц дькэ**

(Марқос 3:1-6; Лука 6:6-11)

⁹ Иса жь wьр р'абу чу, һатэ к'ьништа ван. ¹⁰ Мэрьвэк ль wьр һэбу, кө дэсте ви к'ьшийабу. һьнэка дьхwэст кө

* 12:7 һосэйа 6:6.

хэйба Иса бькьрана, жь ви пьрсин у готьне: «Щайиз э кӧ мэрвь р'ожа шэмийе нэхwэша қэнц бькьн?»

¹¹ Эви жи ванар'а гот: «Эw жь wэ к'и йэ, кӧ пэзэкэ ви һэбэ у р'ожа шэмийе бьк'эwэ ч'э'ле, we нэгьрэ у дэрнэхэ?»

¹² Ле инсан чьқас жь пез қимэттьр э! Аwa р'ожа шэмийе қэнщикьрын щайиз э». ¹³ бнге ви мэрвир'а гот: «Дэсте хwэ дьреж кэ». Эви жи дьреж кьр у мина дәсте дьн қэнц бу. ¹⁴ Ле ферьси дэрк'этьнэ дэрва бона Иса ль һэв шешьрин кӧ чаwa ви бьдьнэ кӧштьне.

Хӧламе Хwэдейи бьжарти^ф

¹⁵ У гава Иса пе һ'эсийа, жь we дэре чу, гэлэк э'лалэт жи пэй ви чу. Эви һ'эму жи қэнц кьрын ¹⁶ у т'эми да wan кӧ бона ви нэкьнэ дэнги. ¹⁷ Эва аһа бу кӧ эw готьна бь заре Ишайа п'ехэмбэр бе сери:

¹⁸ «Ва йэ хӧламе мьн, йе кӧ мьн бьжартийэ^ф
у һ'эзкьрийе мьни кӧ мьн бэгэм кьрийэ.

Эзе Р'ӧһ'е хwэ дайньмэ сэр ви
у эwe мьлэттар'а һэқийе э'лам кэ.

¹⁹ Эwe нэ бьк'эwэ һ'ӧщэте, нэ бькэ қар'э-қар'
у нэ жи йэке дэнге ви майдана бьбьһе.

²⁰ Эw қамише п'эрч'ьқи һур накэ,
п'ьлта дьч'ьрусэ венасинэ,
һ'эта кӧ һэқийе бьгьһинэ сери.

²¹ У һ'эму мьлэт we гӧмана хwэ дайньнэ сэр наве ви»*.

* 12:21 Ишайа 42:1-4.

Иса у Бэлзэбул

(Маркос 3:20-30; Лука 11:14-23; 12:10)

²² Ынге щынак'этики кор у лал анинэ щэм ви у эви әw қәнщ кър, өса кө эви һын дит у һын жи хэбәр да. ²³ У т'эмамыйа э'лалэте зэндэгърти ма у гот: «Гэло эв э көр'е Дауьд?»

²⁴ Ле гава ферьсийа бьхист готын: «Эва бь һ'өкөме сәрwere щына Бэлзэбул щына дәрдьхэ».

²⁵ Ле нетед дьле ван Исава э'йан бун у ванар'а гот: «Һәр п'адшатийа кө нав веда т'ьфақ^ф т'өнэбэ we weран бэ у һәр бажар йан мала кө ль нава веда т'ьфақ т'өнэбэ әв наминэ. ²⁶ һэгәр Мирещьн хwэха хwэ дәрдьхэ, кө өса йэ нава п'адшатийа вида бет'ьфақи һэйэ, иди п'адшатийа ви we чава бьминэ? ²⁷ һэгәр эз бь һ'өкөме Бэлзэбул щына дәрдьхьм, ле йед кө хwэ ль wэ дьгьрын бь чь дәрдьхьн? Wэки өса йэ әwe бьбьнэ һ'акьмед wэ. ²⁸ Ле һэгәр эз бь һ'өкөме P'öh'e Хwэде щына дәрдьхьм, иди П'адшатийа Хwэде гьһиштийэ wэ. ²⁹ Йан чава йэк дькарэ бьк'эвэ мала мерхасэки у һэбука ви т'алан кэ, һэгәр пешийе ви мерхаси гьренэдэ? Гава гьреда, һынге we бькарьбэ мала ви т'алан кэ.

³⁰ К'и кө нэ т'эви мьн э, мьрабьли мьн э у к'и кө т'эви мьн т'оп накэ, бэла дькэ. ³¹ Бона ве йэке эз wэр'а дьбежьм, һәр гөнэ у к'ьфьри we ль мэрьва бенэ бахшандьне, ле әwe кө к'ьфьрийа P'öh' бькэ, ль ви найе бахшандьне. ³² К'и тыштэки мьрабьли Көр'е Инсан бежэ, we бе бахшандьне, ле һэгәр йэк һьндава P'öh'e Пирозда бежэ, ль ви найе бахшандьне, нэ ве дьне нэ жи we дьне.

Дар у бәре we

(Луқа 6:43-45)

³³ Һәгәр дар қәнщ ә, бәре we жи қәнщ ә, һәгәр дар хьраб ә, бәре we жи хьраб ә, чьмки дар жь бәре хwә те наскьрьне. ³⁴ Ч'ежькед мә'ра! Һун чава дькарьн қәнщ хәбәр дьн, һәгәр Һун хьраб ьн? Чьмки чь кӧ дьлада һәйә зар жи we дьбежә. ³⁵ Мәрвә қәнщ, жь хьзна хwәйә қәнщ қәнщйе дәрдьхә, ле мәрвә хьраб, жь хьзна хwәйә хьраб хьрабийе дәрдьхә. ³⁶ Әз wәр'а дьбежьм, Р'ожа Ахрәте мәрвь бона һәр хәбәрәкә п'уч' кӧ хәбәр дьдьн we щабдар бьн. ³⁷ Чьмки Һунә бь хәбәрәд хwә бесуц бьн у бь хәбәрәд хwә гӧнәк'ар бьн».

К'әрәмәтәке чава нишан дьхwазьн

(Марқос 8:11-12; Луқа 11:29-32)

³⁸ Һьнге Һьнәка жь қанунзан у ферьсийа wir'а готьн: «Дәрсдар! Әм дьхwазьн кӧ нишанәке жь тә бьбиньн». ³⁹ Әви ль wan вәгәр'анд у гот: «Ньсьле хьраб у хальфи^Ф нишанәке дьхwазә, ле жер'а нишанәкә дьн найе дайине пештьри нишана Уньс^Ф п'ехәмбәр. ⁴⁰ Чава кӧ Уньс се р'ож у се шәва зьке Һ'утда ма, Кӧр'е Инсан жи ӧса we се р'ож у се шәва нава к'урайийа әрдеда бьминә. ⁴¹ Мәрвьед Нинәвайе^Ф we Р'ожа Ахрәте р'абьн у диwана ви ньсьли бькьн, чьмки әwана бь даннасинийа Уньс жь гӧнәкьрьне вәгәр'ийан у ва йәки жь Уньс мәстър ль вьр һәйә. ⁴² П'адша Башуре^{Ф*} Р'ожа Ахрәте we р'абә ви ньсьли нәһәқ кә, чьмки әwa жь сәре дьне һат, кӧ сәрwахтийа

* 12:42 Әw п'адша жь Шәба Ә'рәбьстане һатә щәм Сьлеман п'адша.

Сълеман бьбьне у ва йэ йэки жь Сълеман мэстър ль вьр хэйэ.

Пашда натъна р'öh'e h'эрам

(Луца 11:24-26)

⁴³ Чахе р'öh'e h'эрам жь мерьв дэрте, щийе бе ав дьгэр'э кö р'ьх'этийе бьбинэ. Ле гава набинэ, ⁴⁴ һынге эw дьбежэ: «Эз вэгэр'ьмэ we мала хwэйэ кö же дэрк'этьмэ». Гава эw те, дьбинэ we мал вала, пацьжкьри у һэвдайи йэ. ⁴⁵ һынге дьчэ һ'эфт щьнед дьнэ жь хwэ хьрабтьр жи тинэ, дьк'эвьнэ wьр дьжин. У ахьрийа wi мэрви жь пешийе хьрабтьр дьбэ. Öса жи we бе сэре ви ньсьле хьраб».

Де у бьрайед Иса

(Марқос 3:31-35; Луца 8:19-21)

⁴⁶ He эwi э'лалэтер'а хэбэр дьда, дийа wi у бьрайед wi ль дэрва сэкьнин, дьхwэстьн т'эви wi хэбэр дана. ⁴⁷ Йэки жер'а гот: «Дийа тэ у бьрайед тэ дэрва сэкьни нэ у дьхwазьн т'эви тэ хэбэр дьн». ⁴⁸ Эwi жи ль wi вэгэр'анд у готе: «К'и йэ дийа мын у к'и нэ бьрайед мын?» ⁴⁹ һынге дэсте хwэ дьрежи шагьртед хwэ кьр у гот: «Эв ьн де у бьрайед мын! ⁵⁰ Чьмки к'и кö хwэстьна Баве мыни э'змана бинэ сери, эw э бьре мын, хушка мын у дийа мын».

Мэсэла т'охьмр'эш^ф

(Марқос 4:1-9; Луца 8:4-8)

13 ¹ We р'оже Иса жь мале дэрк'эт, ль дэве голе р'унышт. ² У һақас э'лалэт һатэ щэм wi, кö эw к'эрба к'этэ қэйке р'унышт у т'эмамийа э'лалэте дэве голе сэкьни. ³ Эwi гэлэк тышт бь мэсэла эw һин кьрын у гот: «Т'охьмр'эш^ф р'абу чу кö т'охьм бьр'эшинэ. ⁴ Гава

дър'эшанд, һьнэк жь ван к'этынэ дэве р'е, тэйрэдэ һатын у эw хварьн. ⁵ Һьнэкед дьн к'этынэ сэр эрде кэвьри, кō ль wьр хwэли кем бу. Эw зу шин бун, чьмки тэлаше хwэлийе нэ к'ур бу. ⁶ Ле чахе тэ'в дэрк'эт, эw шэwьтин у чьмки р'awед ван т'өнэбун, һ'ышк бун. ⁷ Һьнэкед дьн к'этынэ нава стьрийа, стьри р'абун у эw хэньқандьн. ⁸ Ле һьнэкед дьн жи к'этынэ нава эрде қэнщ у бэр дан, йе сэд, йе шест у йе си. ⁹ Gōhe к'ейи бьһистьне һэйэ бьра бьбьһе!»

Иса чьма бь мэсэла хэбэр дьдэ

(Марқос 4:10-12; Лука 8:9-10)

¹⁰ We гаве шагьртед wi незик буне у готьне: «Чьма бь мэсэла тō ванар'а хэбэр дьди?» ¹¹ Эwi ль ван вэгэр'анд у гот: «Wэр'а һатийэ дайине кō һун сөр'ед П'адшатийа Э'змана бьзаньбьн, ле ванар'а нэһатийэ дайине. ¹² Чьмки к'ер'а кō һэйэ, we һе ле зедэ бэ у сэрда бьр'ьжэ у к'ер'а кō т'өнэ, чь һэйэ жи we же бе стандьне. ¹³ Эз бона we йэке бь мэсэла ванр'а хэбэр дьдьм, кō эwana дьньһер'ьн у набиньн, дьбьһен, ле гōhe хwэ надьнэ сэр у фэ'м накън. ¹⁴ Ль сэр ван п'ехэмбэртийа Ишайа те сери кō дьбежэ:

⟨Һуне бьбьһен у гōһ бьдьне, ле фэ'м нэкън,
Һуне бьньһер'ьн у дина хwэ бьдьне, ле нэбиньн.

¹⁵ Чьмки эва щьмэ'та сэрһ'ышк э,
бь гōһа гьран дьбьһен
у ч'э'вед хwэ гьртьнэ,
wэки бь ч'э'ва нэбиньн,
бь гōһа нэбьһен
у бь һ'ыш фэ'м нэкън, вэнэгэр'ьн,
кō эз ван қэнщ кьм»*.

* 13:15 Ишайа 6:9-10.

¹⁶ Ле хвэзи ль ч'эвед вэ, кө дьбиньн у гөһед вэ, кө дьбьһен. ¹⁷ Эз р'аст вэр'а дьбежым, гэлэк п'ехэмбэр у мэрвевед р'аст һ'эзрэта дитьна ван тышта бун чь кө һун дьбиньн, ле нэдитьн у бьбьһистана чь кө һун дьбьһен, ле нэбьһистьн.

Шьровэкьрына мäsэла т'охьмр'эш

(Марқос 4:13-20; Лука 8:11-15)

¹⁸ Ньһа һун шьровэкьрына мäsэла т'охьмр'эш бьбьһен. ¹⁹ һэр кэсе кө хэбэра П'адшатийе дьбьһе у фэ'м накэ, йе Хьраб* те т'охьме дьле вида чанди дьр'эвинэ. Эва эв ын кө дэве р'е һатьнэ чандьне. ²⁰ Эвед ль э'рде кэвьри һатьнэ чандьне эв ын, кө чахе хэбэре дьбьһен, эв зу бь эшқ у ша қэбул дькьн. ²¹ Ле р'ав кө нава ванда т'өнэнэ, дьреж т'ав накьн. Гава бона хэбэре р'асти тэнгасийа^ф йан зерандьне тен, эв зу жь р'е дьк'эвьн. ²² Эвед ль нава стьрийада һатьнэ чандьне эв ын, кө хэбэре дьбьһен у хэмед ве дьнйайе у дэрэвед дэвлэтийе хэбэре дьхэньқиньн, эв бе бэр дьминьн. ²³ Ле эвед ль нава э'рде қэнщда һатьнэ чандьне эв ын, кө хэбэре дьбьһен, фэ'м дькьн у бэр дьдьн, һьнэк сэд, һьнэк шест у һьнэк си».

Мäsэла гэньм у зиване

²⁴ Иса мäsэлэкэ дьн жи ванар'а пешда ани у гот: «П'адшатийа Э'змана мина ве йэке йэ: Мэрвэки нав э'рде хвэда т'охьме қэнщ чанд. ²⁵ Гава һ'эму р'азайи бун, дьжмьне ви һат у ль нав гэньмда зиван жи чанд у чу. ²⁶ Гава гэньм гьһишт бэре хвэ да, һьнге зиван жи пер'а к'ьфш бун. ²⁷ Хөламед хвэйе э'рде незики ви

* 13:19 Бь готьнэкэ дьн: «Мирещьн».

бун у готьне: «Ахайе мэ! Тэ нава э'рде хвэда т'охьме қэнщ нэчанд? Ле эв зиван жь к'ө натън?»²⁸ Эви ль ван вэгэр'анд у гот: «Джмьнэки эв тышт кьрийэ». Хөлама жи готэ ви: «Ньһа тө қайл и кө эм һэр'ьн ван р'акън?»²⁹ Эви гот: «На, нэбэ чахе һун зиване р'акън, геньм жи пер'а дэрхьн.³⁰ Бьһельн бьра һэр дө жи һэвр'а бьгьһижьн һ'эта р'ожа нандьруне. Р'ожа нандьруне эзе п'алар'а бежъм, пешийе зиване бьчьһьн, гөр'з-гөр'з гьредьн бона шэвате, ле геньм бькьнэ э'мбара мьн»».

Дө мәсәлед ль сәр П'адшатийа Хвэде:

(Марқос 4:30-32; Лука 13:18-21)

³¹ Мәсәләкә дьн жи ванар'а пешда ани у гот: «П'адшатийа Э'змана мина ве йәке йә: Мәрвьәки һ'эбәкә т'охьме хәрдале^ф һьлда, нав э'рде хвэда чанд.³² Эв жь һ'әму т'охьма һуртьр э, ле гава дьгьһижә, жь һ'әму п'ьнщар'а мәстър дьбә у дьбә дар, өса кө тәйрәдед э'змен тен һелинед хвә сәр ч'ьрәлед we чедькьн».

³³ Иса мәсәләкә дьн жи ванар'а гот: «П'адшатийа Э'змана мина һәвиртьр'шк^ф э, кө к'өлфәтәке һьлда, нава се код* арда стьра, һ'эта кө һ'әму һьлат».

Иса бь мәсәла хәбәр дьдә

(Марқос 4:33-34)

³⁴ Иса эв һ'әму тышт бь мәсәла э'лаләтер'а готьн у бе мәсәлә т'ө тышт ванар'а нәдьгот.³⁵ Эв йәк аһа бу, кө әв готьна бь заре п'ехәмбәр бе сери:

«Эзе бь мәсәла ванр'а хәбәр дьм,

* 13:33 Се кодед шьһуйа дькьр қаси 25 килограма.

тыштед жь вэхте э'фьрандына дьнийайеда вэшарти
гъли към»*.

Шьровэкърьна мäsэла гәнъм у зиване

³⁶ һынге Иса э'лалэт һышт, һатэ мал. Шагъртед ви һатьнэ щэм ви у готьне: «Мäsэла гәнъм у зиване мәр'а шьровэкэ». ³⁷ Әви ль ван вэгэр'анд у гот: «Әве кö т'охьме қәнщ чанд, Көр'е Инсан э. ³⁸ Әрд дьняя йэ, т'охьме қәнщ жи мәр'вед п'ара П'адшатийе нэ, ле зиван мәр'вед п'ара йе Хьраб ын. ³⁹ Дьжмьне кö әв чанд, Мирещьн э. Нандьрун ахьрийа дьнийайе йэ, п'алэ жи мьльак'эт ын. ⁴⁰ У чава кö зиване т'оп дькьн дьшэвьтиньн, ахьрийа ве дьнийайе жи ве öса бэ. ⁴¹ Көр'е Инсан ве мьльак'етед хвэ бьшинэ у әве жь П'адшатийа ви һ'эмуйед кö мәр'ийа жь р'е дәрдьхьн у нәһәқийе дькьн бьбьжерьн ⁴² у бавежьнэ к'ура агьр. Ль вьр ве бьбэ гьри у ч'ьркэ-ч'ьрка дьрана. ⁴³ һынге мәр'вед р'аст ве П'адшатийа Баве хвэда мина тэ'ве шәвқ бьдьн. Гөһе к'ейи бьһистьне һэйэ бьра бьбьһе!

Мäsэлед хьзна вэшарти у дөр'е қимэт

⁴⁴ П'адшатийа Әзмана мина ве йәке йэ: Әрдәкида хьзнәкэ вэшарти һәбу. Мәр'вәк ве дьбинэ, вәдьшерә, шабуна дьчә һ'әму һәбука хвэ дьфьрошә у ви әрди дьк'ьр'ә.

⁴⁵ Диса П'адшатийа Әзмана мина ве йәке йэ: Мәр'вәки базьргани дөр'ед р'ьнд дьгәр'ә. ⁴⁶ Гава дөр'әки п'ьр' қимэт дьбинэ, дьчә һ'әму һәбука хвэ дьфьрошә у ви дөр'и дьк'ьр'ә.

* 13:35 Зәбур 78:2.

Мэсэла т'ор'а авити

⁴⁷ Диса П'адшатийа Э'змана мина ве йэке йэ: Т'ор'эк те авитыне нава бэ'ре у h'эму щур'э мэ'си дьк'эв'не. ⁴⁸ Гава т'ор' т'ъжи дьбэ, дьк'ьшиньнэ дэве голе у р'удьнин мэ'сийед кер дьбьжерьн дькьнэ дэрдана^ф, ле йед бекер веда давежьн. ⁴⁹ Ахьрийа дьнйае жи ве өса бэ. Мьлайк'эте дэрк'эв'н хьраба жь нав қэнца бьбьжерьн ⁵⁰ у бавежьнэ к'ура агьр. Ль вьр ве бьбэ гьри у ч'ьркэ-ч'ьрка дьрана».

Р'астийед кэв'н у ну

⁵¹ Иса жь ван пьрси: «Wэ эв h'эму тышт фэ'м кьр'н?» Вана жер'а гот: «Бэле». ⁵² Эви жи ванар'а гот: «Бона ве йэке хэр қанунзанэк кө П'адшатийа Э'змана хин буйэ, мина мэрвэки хвэ'йимьлк' э, кө жь хьзна хвэ тыштед кэв'н у ну дэрдьхэ».

Бажаре Ньсрэте, ль к'ө Иса мэз'н бьбу, ви қэбул накэ

(Марқос 6:1-6; Луқа 4:16-30)

⁵³ Гава Иса эв мэсэлэ хьлаз кьр'н, жь вьр чу ⁵⁴ хатэ щи-мьск'эне хвэ, к'ьништа ванда эв хин дькьр'н. Эв жи зэндэгьрти дьман у дьготьн: «Эв сэрвахти у қэвата к'эрэмэта жь к'ө гьништийе? ⁵⁵ Нэ эв көр'е нэщар э? Нэ наве дийа ви Мэрийэм э? Нэ Ақуб^ф, Усьв^ф, Шьмh'ун у Щьһуда^ф бьред ви нэ? ⁵⁶ Нэ h'эму хушкед ви щэм мэ нэ? Эв h'эму тышт жь к'ө гьништьнэ ви?» ⁵⁷ Бь ви авайи эв жь ви чун, ле Иса жи ванар'а гот: «П'ехэмбэр т'ө щийи нэ бекэдьр э, пештьри мала хвэ у щи-мьск'эне хвэда». ⁵⁸ Эви ль ве дэре гэлэк к'эрэмэт нэкр'н, чьмки бавэрийа ван т'өнэбу.

Көштүна Йуһ'әннайе нхөмдар

(Марқос 6:14-29; Луқа 9:7-9)

14¹ Ынге һеродәсе сәрүере Щәлиле бона Иса бһист, ² хөламед хвәр'а гот: «Әва Йуһ'әннайе нхөмдар ә жь нав мьрийа р'абуйә. Ләма жи пе ви к'эрәмәт тенә кьрьне».

³ һеродәс хвәха Йуһ'әнна гьртбу гьредабу у авитьбу кәле, р'уйе һеродийа жьна Филипойе бьре хвәда. ⁴ Чьмки Йуһ'әнна һеродәср'а готьбу: «Нә р'аст ә кө тө һеродийайе бьстини». ⁵ У һеродәс жи дьхвәст әв бькөшта, ле жь щьмә'те дьтьрсийа, чьмки щьмә'те Йуһ'әнна чава п'ехәмбәр қәбул дькьр.

⁶ Гава р'ожа буйина һеродәс һат, қиза һеродийайе шайийеда бона ван р'әқьси у дьле һеродәс гәләки хвәш һат. ⁷ Әви сонд хвар у готә қизьке: «Тө чь бьхвази әзе бьдьмә тә». ⁸ Қизьк жи жь дийа хвә һатьбу ширәткьрьне у готе: «К'а ль вьр, сәр сьнийе сәре Йуһ'әннайе нхөмдар бьдә мьн». ⁹ П'адша бәр хвә к'әт, ле чьмки ль бәр т'әглифкьрийа сонд хварьбу, ә'мьр кьр кө хвәстьна we бе дайине. ¹⁰ Әви шанд кәледа сәре Йуһ'әнна да лехьстьне ¹¹ у сәре ви ль сәр сьнийе анин данә кәч'ьке. Кәч'ьке жи дийа хвәр'а бьр. ¹² Ынге шагьртед ви һатьн щьнйазе ви һьлдан у әв дәфьн кьрьн. Паше чун Исар'а готьн.

Иса пенщ һ'әзара т'ер дькә

(Марқос 6:30-44; Луқа 9:10-17; Йуһ'әнна 6:1-14)

¹³ Гава Иса әв йәк бһист, жь we дәре бь қәйьке т'әне чу щики хәвлә. Ле гава ә'лаләте бһист, жь бажара пәйа пәй ви чун. ¹⁴ Чахе Иса жь қәйьке дәрк'әт у ә'лаләтәкә

гъран дит, һынге гөне ви ль ван һат у нэхwәшед ван қәнщ кърън.

¹⁵ Бәре еваре шагъртед ви һатънә щәм у готъне: «Әв дәр щики хъки-хwәли йә, иди дәрәнг ә. Изъна ә'лаләте бьдә кә һәр'ънә гөндә хwәр'а хөрәк бьк'ър'ън». ¹⁶ Ле Иса ванар'а гот: «Нә һ'әwщә йә кә әw һәр'ън. һун хөрәк бьдънә ван». ¹⁷ Вана ле вәгәр'анд у готъне: «Ль вьр пештърри пенщ нан у дө мә'сийа тыштәки мәйи майин т'өнә». ¹⁸ Әви ванар'а гот: «Ван нан у мә'сийа бинънә щәм мьн». ¹⁹ Иса ә'мьр кър кә ә'лаләт ль сәр шинайийе р'унен. Әви һәр пенщ нан у һәр дө мә'си һьлдан, бәре хwә ә'зменда кър шыкьри да у әw нан кәркърън. Паше да шагърта, шагърта жи да ә'лаләте. ²⁰ һ'әмуяа жи хвар т'ер бун у донздәһ сәлә жи т'ъжи һурькед бәрмайи бәрәв кърън. ²¹ Әвед кә хварън, пештърри жьн у зар'а қаси пенщ һ'әзар мера бун.

Иса п'ийа ль сәр авер'а дьчә

(Марқос 6:45-52; Йуһ'әнна 6:15-21)

²² Пер'а-пер'а Иса п'ейи сәр шагърта кър, кә бьк'әвьнә қәйьке у пешийа ви дәрбази ви бәри голе бьн, һ'әта кә хwәха ә'лаләте вәр'екә. ²³ Чахе әви ә'лаләт вәр'екър, т'әне р'абу чу сәре ч'ийе, кә дөа бькә. Гава р'о чу ава, әw ль wьра т'әне бу, ²⁴ ле қәйьк иди жь дәве голе дур к'әтьбу у нава пелада бу, чьмки ба мьқабьли we бу.

²⁵ Қәрәбәрбанге Иса сәр голер'а пәйа дьчу незики ван дьбу. ²⁶ Ле гава шагърта дит кә әw сәр голер'а пәйа дьчә, бьздийан у готънә һәв: «Әв хәйал^ф ә!» У вана жь тьрса кърә қир'ин. ²⁷ Ле Иса we дәме дәнг да ван у гот: «Сәр хwә бьн! Әз ьм! Нәтьрсьн!» ²⁸ Пәтрус ле вәгәр'анд у готе: «Хөдан, һәгәр тө йи, ә'мьр кә кә әз сәр авер'а бемә щәм тә». ²⁹ Иса готе: «Wәрә!» Пәтрус жь қәйьке пәйа бу, сәр

авер'а чу, кө һәр'э щэм Иса. ³⁰ Ле чахе эви байе қайим дит тьрсийа у иди we нōқ буйа, кьрә қир'ин: «Хōдан, мьн хьлаз кә!» ³¹ We дәме Иса дәсте хwә дьрежи wi кьр, әв гьрт у жер'а гот: «Кембаwәро! Чьма тō дōдьли буйи?» ³² Чахе к'әтьнә қәйьке, ба сәкьни. ³³ У әwед қәйькеда сәре хwә ль бәр wi данин у готьне: «Р'асти тō Көр'е Хwәде йи».

Иса Щенисартеда нәхwәша қәнщ дькә

(Марқос 6:53-56)

³⁴ Гава әw дәрбази wi бәри голе бун, ль алийе Щенисартева гьһиштьнә бәже^ф. ³⁵ Бьнәлийед wьр әw нас кьрьн, шандьн т'әмамия дор-бәра, һ'әму нәхwәш анина щэм wi. ³⁶ Wана һиви же дькьр кө т'әне р'ишийед к'ьнще wi к'әвьн. У һ'әмуийед кө ле дьк'әтьн жь нәхwәшийед хwә қәнщ дьбун.

Р'aw-р'ьзьмед^ф кал-бава у хәбәра Хwәде

(Марқос 7:1-13)

15 ¹ һьнге ферьси у қанунзанед Оршәлиме һатьнә щәм Иса у готьне: ² «Чьма шагьртед тә пәй р'aw-р'ьзьмед^ф кал у бава начьн? Дәстнәшушти нан дьхwьн».

³ Әви ль ван вәгәр'анд у гот: «Ле һун чьма бона р'aw-р'ьзьмед хwә пәй т'әмийе Хwәде начьн? ⁴ Чьмки Хwәде гот: «Qәдьре де у баве хwә быгьрә» у «Әwe кө гьлики қолайи де у баве хwәр'а бежә гәрәке бе көштьне**». ⁵ Ле һун дьбежьн: «Әwe кө дийа хwәр'а йан баве хwәр'а бежә: Әw алик'арийа кө гәрәке жь мьн быгьһижә тә әw Хwәдер'а те дайине, ⁶ иди жь wi нак'әвә кө әw қәдьре де у баве хwә

* 15:4 Дәрк'әтьн 20:12; Қануна Дōщари 5:16.

** 15:4 Дәрк'әтьн 21:17.

бьгьрэ». Бь ви авайи бона хатьре р'ау-р'ьзьмед хвэ хун хэбэра Хвэде дькьнэ хвэли. ⁷ Дөр'уно! Ишайа бона вэ р'аст п'ехэмбэрти кьрийэ у готийэ:

⁸ «Эва щьмэ'та бь заре хвэ қэдьре мьн дьгьрэ,
ле дьле ван жь мьн дур э.

⁹ Бадиһәва^ф мьн дьһ'эбиньн,

т'эмийед мэрьва чава қанунед мьн щьмэ'те хин
дькьн»*».

Тьштед кө мерьв дьһ'эр'ьминьн

(Марқос 7:14-23)

¹⁰ һьнге Иса э'лалэт гази щэм хвэ кьр у готэ ван: «Бьбьһен у фэ'м бькьн! ¹¹ Нэ кө тьште дьчэ дев, эв мэрьва дьһ'эр'ьминэ, ле чь кө жь дев дэрте, эв мэрьва дьһ'эр'ьминэ».

¹² һьнге шагъртед ви һатьн у готьнэ ви: «Тө зани гава ферьсийа эв хэбэр бьһист, дьле ван ма?» ¹³ Эви ль ван вэгэр'анд у гот: «Һэр дара кө Баве мьни Э'змана данэч'ькандийэ, we жь к'окева бе р'акьрьне. ¹⁴ Жь ван вэгэр'ьн! Эвэ кор ьн у р'ебэре кора нэ. һэгэр кор р'ебэрийе кора бькэ, һэр дөйе жи бьк'эвьнэ ч'э'ле». ¹⁵ Пэтрис ле вэгэр'анд у готе: «Ве мәсэле мэр'а шьровэкэ».

¹⁶ Иса гот: «Һун жи һэла һе фэ'м накьн? ¹⁷ Чьма һун фэ'м накьн, чь кө дьчэ дев, дэрбази нав-дьл дьбэ у дэрдьк'эвэ дэрва? ¹⁸ Ле эв тьштед кө жь дев дэртен, эв жь дьл дэртен у һэма эв ьн кө мерьв дьһ'эр'ьминьн. ¹⁹ Чьмки жь дьл^ф фькьред хьраб, көштын, зьнек'ари, қави, дьзи, дэрэви, бөхдан дэртен. ²⁰ Эв ьн кө мэрьва дьһ'эр'ьминьн, ле дэстнэшупшти нанхварьн мэрьва наһ'эр'ьминэ».

* 15:9 Ишайа 29:13.

Бавэрийа к'олфэта кэнани^Ф

(Маркос 7:24-30)

²¹ Иса р'абу жь we дэре чу алийе Сур у Сайде. ²² У к'олфэтэкэ кэнани^Ф жь we дэре хат, кьрэ гази у готэ wi: «Хөдан, Көр'е Давьд, мын вэрэ р'э'ме. Qиза мын шына дьк'эвэ, гэлэки щэфе дьбинэ». ²³ Ле эwi шаба we нэда. Шагьртед wi незики wi бун ниви же кьрын у готын: «Тыштэки бежэ ве, бьра дури мэ к'эвэ, чьмки пэй мэ к'этийэ дькэ qar'э-qar'». ²⁴ Эwi шаб да у гот: «Эз т'эне бона пэзед мала Исраелейэ ондабуи хатьмэ шандьне». ²⁵ Ле эw к'олфэта хат хwэ авитэ ньге wi у готе: «Хөдан, али мын бькэ!» ²⁶ Эwi ль we вэгэр'анд у готе: «Эв нэ р'аст э, wэки нане бэр зар'а хьлдын у бавежьнэ бэр са». ²⁷ Эwe жи гот: «Бэле Хөдан, нэ сэ жи ван хурькед кө жь сьфра хwэйе ван дьк'эвьнэ э'рде дьхwьн?» ²⁸ Wi чахи Иса ле вэгэр'анд у готе: «Э'вде, бавэрийа тэ мэзын э. Бьра анэгори хwэстьна тэ тэр'а бэ». нэма жь we дэме qиза we қэнц бу.

Qэнцкьрына гэлэка

²⁹ Иса жь wьр чу бэр гола Щэлиле, р'абу сэре ч'ийе р'унышт. ³⁰ Э'лалэтэкэ гьран хатэ щэм wi, кө т'эви хwэ гэлэк сэдэт, кор, лал, шылушэ'т у нэхwэшед майин анибун у авитьнэ бэр п'ийед Иса. Эwi жи эw қэнц кьрын. ³¹ Гава э'лалэте дит кө лала хэбэр дан, шылушэ'т қэнц бун, сэдэт гэр'ийан у ч'э'ве кора вэбун, зэндэгьрти ман у пэсьне наве Хwэде Исраеле дан.

Иса чар һ'эзара т'ер дькә

(Марқос 8:1-10)

³² Иса гази шагъртед хwә кър у гот: «Гөне мьн ве ә'лаләте те. Әва се р'ож ә т'әви мьн ә у тыштәки вани хварьне т'өнә. Әз нахвазьм ван бър'чи вәр'екьм кө р'ева дьле ван хwәва һәр'ә». ³³ Шагъртед ви жер'а готьн: «Ль ве бәр'ийе әме жь к'ө һақас нан биньн, wәки әве ә'лаләта гьран т'ер кьн?» ³⁴ Иса ванар'а гот: «Чәнд нане wә һәнә?» Wана гот: «Һ'әфт нан у чәнд мә'сийед һур».

³⁵ Иса ә'мьр кър кө ә'лаләт сәр әрде р'уне. ³⁶ Әви һәр һ'әфт нан у әw мә'си һьлдан шькьри да у кәркьрьн. Паше данә шагърта, шагърта жи данә ә'лаләте. ³⁷ һ'әмуйа жи т'ер хвар у һ'әфт зәмбил жи т'ьжи һурькед бәрмайи бәрәв кьрьн. ³⁸ Әвед кө хварьн, пештьри жьн у зар'а, wәкә чар һ'эзар мер бун. ³⁹ Паше әви ә'лаләт вәр'екьр, к'әтә қәйькәке у һатә синоре Мәгәдане.

К'әрәмәтәке чава нишан жь ә'змен дьхвазьн

(Марқос 8:11-13; Лука 12:54-56)

16 ¹ Ферьси у садуқи һатьнә щәм ви кө ви бьщер'ьбиньн у же хwәстьн кө жь ә'змана нишанәке нишани wана кә. ² Әви ль ван вәгәр'анд у гот: «Гава дьбә евар, һун дьбежьн: «Һәwa we хwәш бә, чьмки ә'зман сор буйә». ³ Ле сәре сьбәһе дьбежьн: «Иро һәwa we хwәш нибә, чьмки ә'зман хөмам у сор ә». һун р'уйе ә'змен ә'нәнә дькьн кө һәwайе чава бә, ле нишанед зәмана ә'нәнә накьн.* ⁴ Ньсьле хьраб у хальфи нишанәке

* 16:3 Нав дәстньвисаред һьнәкада жь р'еза 2-а һ'әта йа 3-а т'өнәйә.

дэхвазэ, ле жер'а нишанэкэ дьн найе дайине, пештьри нишана Уньс п'ехэмбэр». У эви эв һыштын у чу.

Һэвиртьр'шке ферьси у садудийа

(Марқос 8:14-21)

⁵ Гава шагъртед ви дэрбази ви али бун, бир кьрын хвэр'а нан һылдана. ⁶ Иса ванар'а гот: «Мьрати хвэ бьн, һ'эвза хвэ жь һэвиртьр'шке ферьси у садудийа бькьн». ⁷ Ле эвана нав һэвда хэбэр дьдан у дьготьн: «Нане мэ т'өнэ, лэма аһа дьбежэ». ⁸ Ле эв йэк Исава э'йан бу у гот: «Кембауэрно! һун чьма нав һэвда хэбэр дьдьн, кө нане вэ т'өнэ? ⁹ һун һе фэ'м накьн? Найе бира вэ, чава пенц нана т'ера пенц һ'эзар мэрьва кьр у вэ чэнд сэлэ бэрмайи һылдан? ¹⁰ У һ'эфт нана жи т'ера чар һ'эзар мэрьва кьр у вэ чэнд зэмбил бэрмайи һылдан? ¹¹ һун чава фэ'м накьн, вэки мьн бона нан вэр'а нэгот? Ле бона ве йэке, кө һун һ'эвза хвэ жь һэвиртьр'шке ферьси у садудийа бькьн».

¹² Шагърта һынге фэ'м кьр, вэки эви бона һэвиртьр'шке нан ванр'а нэгот, кө һ'эвза хвэ бькьн, ле жь һинкьрьна ферьси у садудийа.

Пэтрус шэ'дэтийе ль сэр Иса дьдэ

(Марқос 8:27-30; Лука 9:18-21)

¹³ Иса чу алийе Қэйсэрийа Филипойе у жь шагъртед хвэ пьрси: «Бь т'эхмина мэрьва Көр'е Инсан к'и йэ?» ¹⁴ Вана гот: «һьнэк дьбежьн Йуһ'эннайе ньхөмдар э, һьнэкед дьн дьбежьн Елийас э, ле һьнэкед майин жи дьбежьн Йерэмийа йэ, йан жи йэк жь п'ехэмбэра йэ».

¹⁵ Эви жь ван пьрси: «Ле һун чь дьбежьн? Бь т'эхмина вэ эз к'и мэ?» ¹⁶ Шьмһ'ун-Пэтрус ле вэгэр'анд у готе: «Тө Мэсиһ и, Көр'е Хвэдейе сах». ¹⁷ Иса ле вэгэр'анд у готе:

«Хwэзи ль тэ, Шьмh'уне кӧр'е Йуh'энна*, чьмки хун у гошт эв йэк э'йани тэ нэкьрын, ле Баве мьни э'змана. ¹⁸ Эз тэр'а дьбежым, кӧ тӧ Пэтрус* и, ава готи қэяак и у ль сэр ви қэяайи эзе щьвина^ф хwэ чекым у қэwата мьрьне we пе нькарьбэ. ¹⁹ У эзе к'ьлитед П'адшатийа Э'змана бьдьмэ дэсте тэ у чь кӧ тӧ ль сэр э'рде гьреди, э'зманада жи we гьредаийи бэ у чь кӧ тӧ ль сэр э'рде вэки, э'зманада жи we вэкьри бэ».

²⁰ Ђнгге Иса т'эми шагьртед хwэ кьр, wэки кэсир'а нэбежьн, кӧ эw Мэсиг э.

Иса дэрhэқа щэфа у мьрьна хwэда дьбежэ

(Марқос 8:31-9:1; Лука 9:22-27)

²¹ Пэй we йэкер'а Иса дэстпекьр шагьртед хwэр'а э'йан кьр кӧ гэрэке эw hэр'э Оршэлиме, жь алиие р'успийа^ф, сэрэкед к'аhина у қанунзанада гэлэк щэфа бьк'ьшинэ у бе кӧштъне, ле р'ожа сьсийа жь мьрьне р'абэ.

²² Ле Пэтрус эw да алики, ле hьлат у готе: «Дури hьндава тэ, Хӧдан! Эw тьшт ль тэ нэқэwьмэ!» ²³ Иса сэр Пэтруста вэгэр'ийа у готе: «Дури мьн hэр'э, Щьно! Тӧ кэвьр и пешийа мьн, чьмки эw нет-фькьра тэ нэ жь Хwэде йэ, ле жь мэрьвайе йэ».

²⁴ Ђнгге Иса шагьртед хwэр'а гот: «hэгэр йэк дьхwазэ ль пэй мьн бе, бьра хwэ инк'ар кэ, хаче хwэ hьлдэ у ль пэй мьн бе. ²⁵ Чьмки к'и кӧ дьхwазэ э'мьре хwэ хьлаз кэ, эwe онда кэ у к'и кӧ э'мьре хwэ бона мьн онда кэ, эwe бьбинэ. ²⁶ Чь фэйдэ hэгэр мэрьв т'эмамийа дьнийае қазьнщ кэ, ле

* 16:17 Нав дэстньвисаред қэнщда «Йона» ньвисар э. «Йона» щур'эки наве «Йуh'энна» йэ. Нав дэстньвисаред hьнэкада жи «Уньс» hэйэ.

* 16:18 «Пэтрус» бь зьмане йунани те фэ'мкьрьне: «Қэяа» йан «кэвьр».

э'мьре хвэ онда кэ? Йан жи мэрв чь дькарэ бэр э'мьре хвэва бьдэ? ²⁷ Чьмки Көр'е Инсан we бь р'умэта Баве хвэ т'эви мьлийак'этед хвэ бе. Ђынге we анэгори э'мэлед хэр кэси бьдэ ван. ²⁸ Эз р'аст вэр'а дьбежым, һынэкед ль вьр сэкьни һэнэ we мьрьне нэбиньн, һ'эта кө Көр'е Инсан бь П'адшатийа хвэва те нэбиньн».

Шагьрт Иса нава нур у р'умэтеда дьбиньн

(Марқос 9:2-13; Лука 9:28-36)

17 ¹ Пэй шэш р'ожар'а Иса т'эви хвэ Пэтрус, Ақуб у бьре ви Йуһ'энна һьлдан у р'акьрьнэ ч'ийаки бьльнд, ль вьр эв т'эне бун. ² Ђынге эв ль бэр ч'э'ве ван һатэ гөһастьне. Р'уйе ви мина тэ'ве бьрьқи у к'ьнщед ви жи мина нуре чил-қэрқаш бун. ³ Муса у Елийас ванва хөйа бун у т'эви ви хэбэр дан. ⁴ Ђынге Пэтрус Исар'а гот: «Хөдан! Чава р'ьнд э кө эм вьр ьн! һэгэр тө бьхвази, эзе се һ'олька ль ве дэре чекьм, йэке тэр'а, йэке Мусар'а, йэке жи Елийаср'а».

⁵ Эви һе хэбэр дьда, э'врэки р'онайи һат у сэр ван кьрэ си, дэнгэк жь э'вр һат у гот: «Эв э Көр'е мьни дэлал, кө эз же р'ази мэ. Гөһдарийа ви бькьн!» ⁶ Гава шагьрта эв дэнг бьһист, дэвэр'уйа чун у р'ьсасе эв гьртьн. ⁷ Ле Иса незики ван бу, дэст да ван у гот: «Р'абьн, нэтьрсьн». ⁸ Вана жи сэре хвэ бьльнд кьр у пештьри Иса кэсэк нэдитьн.

⁹ Чахе жь ч'ийе дьһатьнэ хваре, Иса т'эми да ван у гот: «Эв дитьна кө вэ дит кэсир'а нэбежьн, һ'эта кө Көр'е Инсан жь нав мьрийа р'анэбэ». ¹⁰ Шагьртед ви же пьрсин: «Ле чьма қанунзан дьбежьн пешийе гэрэке Елийас бе?» ¹¹ Иса ль ван вэгэр'анд у гот: «Р'аст э, пешийе Елийасе бе у эве хэр тьшти щи бь щи бькэ. ¹² Ле эз вэр'а дьбежым, кө

Елийас һатийэ жи, ле эw нас нэкърьн у чава кӧ хwэстын, ӧса сэре ви кърьн. We ӧса жи сэре Кӧр'е Инсан бькьн».

¹³ Ђннге шагърта фэ'м кър, кӧ бона Йуһ'әннайе ньхӧмдар ванар'а гот.

Иса кӧр'ькэки щьнак'эти қәнщ дькэ

(Марқос 9:14-29; Лука 9:37-43a)

¹⁴ Чахе һатьнэ щэм э'лалэте, мэрвьэк незики Иса бу, бэр чок да у готе: ¹⁵ «Хӧдан, ль кӧр'е мын wэрэ р'э'ме! Эw һиве^ф дьк'эwэ у гэлэки щэфа дьбинэ. Щарна дьк'эwэ нава агър у щарна жи нава аве. ¹⁶ Мын эw ани щэм шагъртед тэ, ле wана нькарьбу эw қәнщ кьра». ¹⁷ Иса гот: «Ньсьле нэбаwэр у хальфи! Ђэта к'энге эзе т'эви wэ бьм? Ђэта к'энге эзе wэ сэбър кьм? Эwi биньнэ вьр щэм мын». ¹⁸ Иса ле һьлат, щьн же дэрк'эт, кӧр'ьк пер'а-пер'а қәнщ бу.

¹⁹ Ђннге шагърт т'эне һатьнэ щэм Иса у же пьрсин: «Мэ чьма нькарьбу эw щьн дэрхьста?» ²⁰ Иса готэ ван: «Бона кембаwэрийа wэ. Эз р'аст wэр'а дьбежьм, һэгэр баwэрийа wэ wэкэ һ'эбэкэ т'охьме хэрдале һэбэ, һуне ви ч'ийайир'а бежьн: «Жь вьр дэрбази wi али бэ!» у we дэрбаз бэ. У бона wэ тыштэки нэбуйине we т'ӧнэбэ. ²¹ Ле эв щьсьне һа пе тыштэки дьн дэрнайе, пештьри бь дӧа у бь р'ожийа».*

Иса диса дэрһэқа мьрна хwэда дьбежэ

(Марқос 9:30-32; Лука 9:43б-45)

²² Гава шагърт Щэлиледа щьвийан, Иса ванар'а гот: «Кӧр'е Инсан we бьк'эwэ дэсте мэрьва, ²³ эwe wi бькӧжьн, ле р'ожа сьсийа we р'абэ». У эwана гэлэки бэр хwэ к'этын.

* 17:21 Нав дэстньвисаред һэрэ қәнщда р'еза 21-е т'ӧнэ.

Хэршдайна п'арьстгэһе

²⁴ Чахе эw һатънэ Кэфэрнаһуме, хэршгьред дөзиве бона п'арьстгэһе* һатънэ щэм Пэтрус у готьне: «Дэрсдаре wэ хэрще дөзиве надэ?» ²⁵ Эwi гот: «Бэле». Чахе Пэтрус һатэ мале, пешийе Иса жь wi пьрси: «Шьмһ'ун! Тө чава т'эхмин дьки? П'адшед дьнайе хэрщ йан бащ жь к'е дьстиньн, жь бажарванед хwэ, йан жь хэриба?» ²⁶ Пэтрус готе: «Жь хэриба». Иса готэ wi: «Кө өса йэ бажарван аза нэ. ²⁷ Ле wэки эм ван п'ьшк^ф нэкън, һэр'э голе шэwке бавеже у мэ'сийе пешьн кө дэрдьк'эwэ, бьгьрэ дэве wi вэкэ у те налэки чарзиве бьбини. Эwi һьлдэ, дэwса мьн у хwэ бьдэ ван».

К'и йэ йе һэри мэзын?

(Марқос 9:33-37; Лука 9:46-48)

18 ¹ Wi чахи шагьрт һатънэ щэм Иса у готьне: «Ль нав П'адшатийа Э'зманада к'и йэ йе һэри мэзын?» ² Иса зар'окэк гази щэм хwэ кьр, эw нав wанда да сэкънандьне ³ у гот: «Эз р'аст wэр'а дьбежьм, һэгэр һун вэнэгэр'ьн у нэбьнэ мина зар'ока, һун т'ө щар нак'эвьнэ П'адшатийа Э'змана. ⁴ Аwa к'и кө мина ве зар'оке хwэ бьч'ук кэ, эw э йе һэри мэзын П'адшатийа Э'зманада. ⁵ У к'и кө зар'окэкэ аһа бь наве мьн қэбул кэ, эw мьн қэбул дькэ.

* 17:24 Ль гора Қануна Муса налэки «дөзиве» чава хэрщ бона п'арьстгэһе дьдан (Дэрк'этын 30:13).

Жь'едэрхьстьн

(Марқос 9:42-48; Лука 17:1-2)

⁶ Ле к'и кӧ жь ван бьч'ука йэки, йе кӧ бавэрийа хвэ мьн тинэ жь р'е дэрхэ, wir'a he қәнщ э, wэки бэрашэк стуйе wива бе гьредане у бьне бә'реда бьхэньқә. ⁷ Wэй ль дьнйайе, бона әвед кӧ мәрьва жь р'е дәрдьхьн. Набә кӧ әw тышт нэбьн, ле wэй ль wi кӧ мәрьв бь wi жь р'е дьк'эвьн.

⁸ Hэгәр дәсте тә йан ньге тә, тә жь р'е дэрхэ, wi жекә у жь хвэ бавежә. Бона тә he қәнщ э кӧ тӧ қоп йан сәқәт бьк'эви жийине, нә кӧ дӧ дәст йан дӧ ньгед тә һэбьн у бейи авитьне нава агьре h'әта-h'әтайе. ⁹ У һэгәр ч'ә'ве тә, тә жь р'е дәрдьхэ, wi дэрхэ у бавежә. Бона тә he қәнщ э кӧ тӧ бь ч'ә'вәки бьк'эви жийине, нә кӧ бь дӧ ч'ә'ва бейи авитьне нава агьре доже.

Мәсәла пәза ондабуйи

(Лука 15:3-7)

¹⁰ Hаш жь хвэ һэбьн кӧ һун жь ван бьч'ука йэки беһөрмәт нәкьн, чьмки әз wәр'a дьбежьм, кӧ мьлйак'әтед ван ль ә'змана т'ьме р'уйе Баве мьни ә'змана дьбиньн.

¹¹ Kӧр'е Инсан һат кӧ йе ондабуйи бьгәр'ә у хьлаз кә.*

¹² Hун чава т'әхмин дькьн? Hэгәр сәд пәзед мәрьвәки һэбьн у йәк жь ван онда бә, әве нод нәһа нәһелә ч'ийа-банийа у нәчә кӧ йа ондабуйи бьгәр'ә? ¹³ Ле гава бьбинә, әз р'аст wәр'a дьбежьм, әве бона we he гәләки ша бә, нә

* 18:11 Нав дәстньвисаред һәрә қәнщда р'еза 11-а т'ӧнә.

кө бона нод нәһед дьнә кө онда нәбунә. ¹⁴ Өса жи Баве вәйи* ә'змана нахвазә кө жь ван бь'чука йәк онда бә.

Бьре кө гөнә дькә

(Лука 17:3)

¹⁵ һәгәр бьре тә нәһәқийе ль тә* бькә, гава тө у әв т'әне нә, ви ширәт кә. һәгәр әви гөһдарийа тә кьр, иди тә бьре хвә қазьнщ кьр. ¹⁶ Ле һәгәр гөһдарийа тә нәкьр, йәки йан дөдөйед дьн жи т'әви хвә һьлдә, вәки: «Бь дәве дө йан се ш'да һәр тышт избат бә*». ¹⁷ Ле һәгәр әви гөһдарийа ван жи нәкьр, щьвинер'а^ф бежә. У һәгәр гөһдарийа щьвине жи нәкьр, бьра әв бона тә бьбә мина п'утп'арьст у хәрщгьра.

¹⁸ Әз р'аст вәр'а дьбежьм, чь кө һун сәр ә'рде гьредьн, ль ә'змен жи ве гьредаи бә у чь кө һун ль сәр ә'рде вәкьн, ль ә'змен жи ве вәкьри бә.

¹⁹ Диса әз р'аст вәр'а дьбежьм, һәгәр дөдө жь вә ль сәр ә'рде бь т'ьфақ бона тыштәки дөа бькьн у бьхвазьн, Баве мьни ә'змана ве бьдә вә. ²⁰ Чьмки к'идәре дө йан се мәрвь бь наве мьн бьщвьн, әз ль вьр нава ванда мә».

Мәсәла бона бахшандьн у нәбахшандьне

²¹ һьнге Пәтрус незики ви бу у готе: «Хөдан. Гава бьре мьн нәһәқийе ль мьн бькә, гәрәке әз чәнд щара бьбахшиньме, һ'әта һ'әфт щара?» ²² Иса готә ви: «Әз набежьмә тә һ'әта һ'әфт щара, ле һ'әта һ'әфте щара һ'әфт*». ²³ Чьмки П'адшатийа Ә'змана мина ве йәке йә: П'адшаки

* 18:14 Нав дәстньвисаред һьнәкада дәвса «вә» «мьн» һәйә.

* 18:15 Нав дәстньвисаред һьнәкада «тә» т'өнә.

* 18:16 Қануна Дөщари 19:15.

* 18:22 Аһа жи те фә'мкьрьне: «һ'әфте у һ'әфт».

хвэст т'эви хөламед хвэ һэq-һ'эсабе хвэ р'аст кэ. ²⁴ Гава дэст бь һ'эсаба кьр, йэк анинэ щэм ви, кө дэһэ һ'эзар тэланти* дэйндаре ви бу. ²⁵ Ле чьмки нькарьбу дэине хвэ быда, хвэйе ви э'мьр кьр, кө эw, жьна ви, зар'ед ви у һ'эму һэбука ви бенэ фьротане, кө дэине ви бе дайине. ²⁶ Ђнгге хөлам дэвэр'уйа чу ньге ви, лава же кьр у готе: «Ль мьн сэбьр кэ. Эзе һ'эму жи ль тэ вэгэр'иньм». ²⁷ Гөне хвэйе ви ль ви һат, эw бэр'да у дэине ви жи бахшанде. ²⁸ Ле чахе эw хөлам дэрк'эт, р'асти хөлам-һэвалэки хвэ һат кө сэд зиви^Ф* дэйндаре ви бу, дэст кьрэ хэнэре у готе: «Тө чьqаси дэйндаре мьн и бьдэ!» ²⁹ Ђнгге һэвале хөлам хвэ авитэ ньге ви, же лава кьр у готе: «Ль мьн сэбьр кэ. Эзе ль тэ вэгэр'иньм». ³⁰ Ле эви гөһ нэда ви, чу эw авитэ кэле, һ'эта кө эw дэине хвэ бьдэ. ³¹ Чахе хөлам-һэвалед вийэ дьн эв йэк дитьн, гэлэки бэр хвэ к'этын у чун хвэйе хвэр'а тыштед кө qэwьмибу гьли кьрын. ³² Ђнгге ахайе ви гази ви кьр у готе: «Хөламе хьраб! Мьн һ'эму дэине тэ бахшандэ тэ, бона we йэке кө тэ лава жь мьн кьр. ³³ Ле жь тэ нэдьк'эт кө тө жи ль хөлам-һэвале хвэ бьһатайи р'эме чава кө эз тэ һатьмэ р'эме?» ³⁴ У ахайе ви һерс к'эт, эw да дэсте зөлмдаред кэле, һ'эта кө һ'эму дэине хвэ вэгэр'инэ. ³⁵ Өса жи Баве мьни Э'змана we ль сэре wэ һэр йэки бькэ, һэгэр һун бь дьл нэбахшиньнэ бьре хвэ».

Пьрса жьнбэр'дане

(Марqос 10:1-12)

19 ¹ Чахе кө Иса эw хэбэр сэр һэвда анин, жь Щэлиле дэрк'эт һатэ синоре Цьһустане, ви али ч'эме

* 18:24 Qимэте тэлантэки һэре п'алэки панздэһ сала зедэтьр бу.

* 18:28 Qимэте зивэки wэкэ р'ожхэбатэкэ п'ала бу.

Урдөне. ² Гэлэк э'лалэт ль пэй ви чун у эви эв ль we дэре қэнщ кьрын. ³ Жь ферьсийа һнэк незики ви бун у бона щер'бандьне же пьрсин: «Гэло ль гора Қануне р'аст э, кө бона һэр мә'нике мер жьна хвэ бэр'дэ?» ⁴ Эви шаба ван да у гот: «Wэ нэ хвэндийэ, сэре серида Э'фьрандар <эв нер у ме хольқандьн?>» ⁵ у гот: «Бона ве йэке мер we де у баве хвэ бьһелэ, хвэ ль жьне бьгьрэ у һэр дө we бьбьнэ бэдэнэк*». ⁶ Ава иди эв нэ дөдө нэ, ле бэдэнэк ын. Бона ве йэке эвед кө Хвэде кьрынэ йэк, бьра мэрвь жь һэвдө нэқэтинэ».

⁷ Вана жер'а гот: «Ле чьма Муса т'эми кьр, кө мер к'ахаза жьнбэр'дане бьдэ жьне у we бэр'дэ?» ⁸ Эви ль ван вэгэр'анд у гот: «Муса жь дэст сэрһ'ышкийа wэ изьн да wэ кө һун жьнед хвэ бэр'дьн. Ле сэрида нэ өса бу. ⁹ Эз wэр'а дьбежьм, к'и кө бе сэбэбийа қавийе жьна хвэ бэр'дэ у йэкэ дьн бьстинэ, эв зьнек'арийе дькэ*».

¹⁰ Шагьртед ви жер'а готьн: «Һэгэр нав жьн у мерда тыштэки аһа һэйэ, һе қэнщ э wэки қэт нэзэwьщьн». ¹¹ Иса ванр'а гот: «Һэр кэсир'а эв йэк дэст надэ, ле т'эне ванр'а к'ижанар'а һатийэ дайине. ¹² Чьмки нэмер^ф һэнэ, кө жь зькмакийеда өса бунэ у нэмер жи һэнэ, кө жь дэсте мэрьва бунэ нэмер у нэмер жи һэнэ, кө бона П'адшатийа Э'змана вана хвэ нэмер кьрын. К'ер'а эв йэк дэст дьдэ, бьра өса жи бькэ».

* 19:4 Дэстпобун 1:27.

* 19:5 Дэстпобун 2:24.

* 19:9 Нав дэстньвисаред һнэкада эв жи һэйэ: «У к'и кө йа бэр'даийи бьстинэ зьнек'арийе дькэ».

Иса дōа зар'ока дькә

(Марқос 10:13-16; Луқа 18:15-17)

¹³ Ынге зар'ок анинә щәм Иса, кō дәстед хвә дайнә сәр ван у дōа ль ван бькә. Ле шагъртед ви ль йед данин һьлатьн. ¹⁴ Иса гот: «Бьра әв зар'ок бенә щәм мьн, пешийа ван нәгърьн, чьмки П'адшатийа Әзмана п'ара йед öса йә». ¹⁵ У Иса дәстед хвә данинә сәр ван у жь вьр чу.

Хортәки дәвләти ль жийина^Ф һ'әта-һ'әтайе дьгәр'ә

(Марқос 10:17-31; Луқа 18:18-30)

¹⁶ Йәк незики ви бу у готе: «Дәрсар! Әз чь қәнщийе бькьм, вәки жийина һ'әта-һ'әтайе вар бьм?» ¹⁷ Әви жер'а гот: «Тō чьма бона қәнщийе жь мьн дьпърси?* Т'әне Йәки қәнщ һәйә. Ле һәгәр тō дьхвази, бьк'әви жийина һ'әта-һ'әтайе, т'әмийед Хвәде бинә сери». ¹⁸ Әви жь Иса пьрси: «К'ижан ьн?» Иса готе: «Нәкōжә, зьнек'арийе нәкә, нәдзьә, шәдәтийа дәрәв нәдә, ¹⁹ қәдье де у баве хвә бьгьрә* у һәвале хвә вәкә хвә һ'ыз бькә**». ²⁰ Хорт жер'а гот: «Мьн әв һ'әму хвәйи кьрьнә. Иди чь кемасийа мьн һәйә?» ²¹ Иса готе: «Һәгәр тō дьхвази к'амьл би, һәр'ә һәбука хвә бьфьрошә бьдә фәқира, һынге хьзна тә we ль әзмана һәбә. У пәй мьн вәрә». ²² Гава хорт әв хәбәр бьһистьн, бәр хвә к'әт у чу, чьмки гәләк һәбука ви һәбу.

²³ Ынге Иса готә шагъртед хвә: «Әз р'аст вәр'а дьбежьм, дәвләтийар'а зә'мәт ә кō бьк'әвьнә П'адшатийа^Ф Әзмана.

* 19:17 Нав дәстньвисаред һьнәкада аһа йә: «Тō чьма мьнр'а қәнщ дьбежи?»

* 19:19 Дәрк'әтън 20:12-16; Қануна Дōщари 5:16-20.

** 19:19 Қануна К'аһинтийе 19:18.

²⁴ Эз диса wэр'а дьбежым, дэвэ we qола дэрзийер'а he p'ьh'эт дэрбаз бэ, нэ кō дэвлэти бьк'эвэ П'адшатийа^Ф Хwэде». ²⁵ Гава шагърта эв йэк бьхист, гэлэки э'щербмаи ман у готын: «Иди к'и дькарэ хьлаз бэ?» ²⁶ Иса ль ван ньер'и у гот: «Эw тышт жь дэсте мерьв найе, ле һэр тышт жь дэсте Хwэде те».

²⁷ We гаве Пэтрус ле вэгэр'анд у готе: «Аwa мә h'эму тышт һыштийэ у пэй тэ һатьнэ, ле ахьрийа мә we чава бэ?» ²⁸ Иса готэ ван: «Эз р'аст wэр'а дьбежым, гава Кōр'е Инсан Дьнийа Нуда ль сэр т'эхте хwэйэ р'умэт р'уне, һунед кō ль пэй мьн тен, сэр донздэһ к'ōрсийа р'унен у диwана донздэһ qэбилед^Ф Исраеле бькьн. ²⁹ У h'эмуйед кō мала хwэ, йан бьред хwэ, йан хушкед хwэ, йан баве хwэ, йан дийа хwэ, йан жьна хwэ*, йан зар'ед хwэ, йан э'рдед хwэ бона наве мьн һыштынэ, эwe сэд qат бьстинэ у we жийина h'эта-h'этайе жи war бэ. ³⁰ Ле гэлэкед пеш we бьбьнэ паш у йед паш we бьбьнэ пеш».

П'алед р'эзед^Ф тьрийа у һэqe ван

20 ¹ «П'адшатийа Э'змана мина ве йэке йэ: Мэрьвэки хwэйимьлк' сьбэһе зу р'абу, wэки бона р'эзе^Ф тьрийе хwэ п'ала бьгьрэ. ² Эwi п'алар'а р'оже зивэк qьрар кьр у эw шандьнэ нава р'эзе хwэ. ³ Незики сьһ'эта нэһа* дэрк'эт, һнэкед дьнэ кō базареда бэтал сэкьнибун дитьн ⁴ у готэ ван: «Һун жи һэр'ьнэ нава р'эзе мьн у чь һэqe wэ йэ, эзе бьдьмэ wэ». Эw жи чун. ⁵ Диса сьһ'эта донздэһа у

* 19:29 Нав гэлэк дэстньвисаред һэрэ qэншда «йан жьна хwэ» т'ōнэ.

* 20:3 Бь йунани хэбэр бь хэбэр аһа йэ: «Сьһ'эта сьсийа». Ле wi чахи ль гора э'дэте цьһуйа сьһ'эта сьсийа бь сьһ'эта иройин сьһ'эта нэһайэ сьбэһе зу йэ. Бона цьһуйа, һьнге сьһ'эт дэрк'этьна р'ожева дэстпедьбу. Оса жи эв шьровэкьрын бона р'еза 4-а һ'эта 9-а йэ.

сѳ'эта сьсийа дэрк'эт у өса кър. ⁶ У незики сѳ'эта пенща дэрк'эт, һнәкед дьн жи кӧ бѳтал сәкьнибун дитьн у готә ван: «Чьма т'эмамия р'оже һун ль вьр бѳтал сәкьнинә?»

⁷ Вана жер'а гот: «Кәсәки әм п'алә нәгьртьн». Әви ванар'а гот: «Һун жи һәр'һнә нава р'әзе мьн».

⁸ Гава р'о чу ава, хвәйе р'әз вәк'иле мала хвәр'а гот: «Гази п'ала кә, һәде ван бьде, жь йед пашьн дәстпекькә һ'эта йед пешьн». ⁹ Әв п'алед кӧ сѳ'эта пенща гьртьбун, һатьн у һәр йәки зивәк станд. ¹⁰ Гава йед пешьн жи һатьн, вана т'ьре әве зедә бьстиньн. Ле вана жи һәр йәки зивәк станд. ¹¹ Гава һәде хвә стандьн, һндава хвәйе р'әзда бина хвә тәнг кьрьн у готьн: ¹² «Мә т'эмамия гьрания р'оже у гәрма ве к'ьшанд, ле әвед пашвәхтийе кӧ һатьн сѳ'әтәке жи нәхәбьтин, тә әв һьмбәри мә кьрьн». ¹³ Малхе жь ван йәкир'а гот: «Һәвал! Әз нәһәгийе ль тә накьм. Тӧ мьнр'а зивәки қайл нәбуийи?» ¹⁴ һәде хвә бьстинә у һәр'ә. Әз дьхвазьм чава кӧ мьн да тә, өса жи бьдмә әве пашьн. ¹⁵ Йан изьна мьн ль сәр мале мьн т'ӧнә, чь кӧ әз бьхвазьм ве жи бькьм? Йан тӧ һ'әвсудийе дьки, кӧ әз мәр'д ьм?»

¹⁶ Бь ви авайи йед паш ве бьбьнә пеш у йед пеш ве бьбьнә паш*».

Иса щара сьсийа дәрһәқа мьрьна хвәда дьбежә

(Марқос 10:32-34; Луқа 18:31-34)

¹⁷ Чахе Иса һьлдьк'ьшийа Оршәлиме, т'әне һәр донздәһ шагьртед хвә т'әви хвә бьрьн у р'еда готә ван: ¹⁸ «Ва йә әм һәвраз дьчьнә Оршәлиме. Кӧр'е Инсан ве бьк'әвә дәсте

* 20:16 Нав дәстньвисаред һнәкада әв жи һәйә: «Чьмки газикьри гәләк ьн, ле бьжарти һндьк ьн».

сэрэкед к'аһина у қанунзана. Эүе жер'а көштүне дэрхын¹⁹ у ви бьднэ дэсте нэщһуйа, вэки қарфе хвэ ль ви бькын, бьдн бэр қамчийа у хач^ф кын. Ле р'ожа сьсийа эүе жь мьрьне р'абэ».

Хвэстына дийа көр'ед Зэбэди

(Марқос 10:35-45)

²⁰ һынге дийа көр'ед Зэбэди т'эви һэр дө көр'ед хвэ һатэ щэм Иса, хвэ авитэ ньге ви тыштэк же дьхвэст. ²¹ Иса же пьрси: «Тө чь дьхвази?» Эүе готэ ви: «Бежэ, кө эв һэр дө көр'ед мьн ль нав Падшатийа тэда, йэк ль мьле тэйи р'асте, йе дьн жи ль мьле тэйи ч'эпе р'уне». ²² Ле Иса ль ван вэгэр'анд у гот: «һун ньзаньн чь дьхвазын. Гэло һун дькарын жь we к'асе вэхьын, йа кө эзе вэхьым?» Вана готэ ви: «Бэле, эм дькарын». ²³ Эви ванар'а гот: «Р'аст э һуне we к'аса мьн вэхьын, ле изьна ль мьле мьни ч'эп у р'асте р'уныштыне нэ дэсте мьнда йэ. Эв щи бона ван ьн, к'ижанар'а алийе Баве мьнда һатьнэ һазьркьрьне».

²⁴ Гава һэр дэһэ шагьртед дьн эв йэк бьһист, дьле ван жь һэр дө бьра ма. ²⁵ Ле Иса эв гази щэм хвэ кьрын у гот: «һун заньн кө миред мьлэта сэрверийе ван дькын у гьрэгьред ван һ'өкөми сэр ван дькын. ²⁶ Ле нава вэда гэрэке өса нибэ. К'и кө нава вэда дьхвазэ бьбэ йе мэзын, гэрэке бьбэ бэрдэстийе вэ. ²⁷ У к'и кө нава вэда дьхвазэ бьбэ пеш, гэрэке бьбэ хөламе вэ, ²⁸ чава кө Көр'е Инсан нэһатийэ кө жер'а бэрдэстийе бькын, ле вэки эв хвэха бэрдэстийе бькэ у э'мьре хвэ бьдэ, кө гэлэка бьк'ьр'э».

* 20:22 Нав дэстньвисаред һьнэкада эв жи һэйэ: «Йан бь we ньхөмандьне бенэ ньхөмандьне, кө эзе бемэ ньхөмандьне?»

Иса дө кора қөнц дькэ

(Марқос 10:46-52; Лука 18:35-43)

²⁹ Гава эвана жь Әриһайе дәрк'этын, ә'лалэтэкэ гьран да пәй ви чу. ³⁰ Дө кор сәр we р'е р'уньштьбун. Гава бьһистьн кө Иса дәрбаз дьбэ, кьрьнэ қир'ин у готье: «Хөдан*, Көр'е Дауьд, ль мә wэрэ р'ә'ме». ³¹ Ә'лаләте ль ван һьлат, кө дәнге хwэ бьбьр'ьн, ле вана һе кьрә қир'ин у готье: «Хөдан, Көр'е Дауьд, мә wэрэ р'ә'ме!» ³² Иса сәкьни, гази ван кьр у гот: «Һун чь жь мьн дьхwазьн кө эз бона wэ бькьм?» ³³ Вана жер'а гот: «Хөдан, бьра ч'ә'вед мә wэбьн». ³⁴ Гөне Иса ль ван һат у дәст дани сәр ч'ә'вед ван. Дәстхwәда ч'ә'вед ван дитьн, данә пәй Иса чун.

Иса бь р'умәт дьк'әвә Оршәлиме

(Марқос 11:1-11; Лука 19:28-38; Йһ'әнна 12:12-19)

21 ¹ Гава әв незики Оршәлиме бун, һатьнә гөнде Бәйтфаще, ч'ийайе^Ф Зәйт'уне. һьнге Иса дө шагьртед хwэ шандьн ² у ванар'а гот: «Һәр'ьнә ви гөнде пешбәри хwэ у һуне к'әрәкә гьредаи щә'шьк бәр бьбиньн. Ван к'әра wәкьн биньнә щәм мьн. ³ Һәгәр йәк wәр'а тьштәки бежә, һун бежьн: «Хөданр'а лазьм ьн» у әве зу ван бьшинә».

⁴ Әва өса қәwьми, кө әв готьна бь заре п'ехәмбәр бе сери:

⁵ «Бежьнә бажаре Сийоне^Ф:

«Ва П'адше тә те щәм тә,
шкәсти, ль к'әре

* 20:30 Нав дәстньвисаред һьнәкада «Хөдан» т'өнә.

у щэ'шька к'эре сийарбуйи»**».

⁶ Шагьрт чун у чава кӧ Иса т'эми дабу ван ӧса кьрын.
⁷ К'эр у щэ'шьк анин, к'ынщед хвэ авитьнэ сэр ван у эв
 ль ван сийар бу. ⁸ Э'лалэтэкэ гьран к'ынщед хвэ сэр р'е
 р'адьхьстьн, һнэка жи ч'ьрӧле дара дьбьр'ин у сэр р'е
 р'адьхьстьн. ⁹ Э'лалэта кӧ ль пешийа ви у ль пэй ви
 дьчу, дькьрэ қир'ин у дьгот: «һосанна^ф Кӧр'е Давьдр'а!
 Бьмбарэк э эве кӧ бь наве Хӧдан те!* һосанна Йе һэри
 Жорьнр'а!***»

¹⁰ Гава Иса к'этэ Оршэлиме, т'эмамийа бажер һ'эжийа у
 пьрсин: «Эв к'и йэ?» ¹¹ Э'лалэте гот: «Эва Исайте П'ехэмбэр
 э, жь Ньсрэта Щэлиле».

Иса п'арьстгәһеда

(Марқос 11:15-19; Лука 19:45-48; Йух'анна 2:13-22)

¹² Иса к'этэ п'арьстгәһе у һ'эмуйед кӧ п'арьстгәһеда
 т'ӧщарэти^ф дькьрын дәрхьстьн. Т'эхтед сәрафа у
 к'ӧрсийед кэвоткфьроша вэлгәр'андьн ¹³ у готэ ван:
 «Ньвисар э: «Мала мьн мала дӧа we бе һ'эсабе*», ле вэ эв
 кьрийэ «шкәфта қачаха»!***»

¹⁴ Ль вьр п'арьстгәһеда кор у сәдәт һатьнэ щәм ви
 у эви эв қәнщ кьрын. ¹⁵ Ле гава кӧ сәрәкед к'аһина у
 қанунзана эв к'эрәмәтед кӧ Иса кьрын дитьн у ӧса жи
 эв зар'ед кӧ п'арьстгәһеда дькьрынэ қир'ин у дьготьн:

* 21:5 Зәкәрийа 9:9.

* 21:9 Зәбуур 118:26.

** 21:9 Бь йунани хәбәр бь хәбәр аһа йэ: «һосанна бьльндайийеда».
 «Бьльндайи» бә'са щийе Хвәде дькә.

* 21:13 Ишайа 56:7.

** 21:13 Йерәмийа 7:11.

«Һосанна Көр'е Давьдр'а!» һерс к'этын ¹⁶ у готынэ ви: «Тö дьбьһейи эв чь дьбежын?» Иса ванар'а гот: «Бэле. Вэ қәт нэхвэндийә кө: «Тә бь заред т'ьфал у дэргуша пәсндайин ани сери?»»

¹⁷ У әви әв ль вьр һыштын, жь бажер дәрк'әт, чу Бәйтанийәе у шәв ль вьр ма.

Дара һежирейә һ'ышкбуйи

(Марқос 11:12-14, 20-24)

¹⁸ Сьбәһе зу, чахе әв вәгәр'ийа бажер, бьр'чи бу. ¹⁹ Сәр р'е дарәкә һежире дит, незики we бу, ле пештьри бәлга^ф тыштәки дьн пева нәдит у дарер'а гот: «Жь вьр шунда тө һ'әта-һ'әтайе бәр нәди!» У дар пер'а-пер'а һ'ышк бу.

²⁰ Гава шагьрта эв йәк дит, зәндәгьрти ман у готын: «Чава әв дара һежире пер'а-пер'а һ'ышк бу?» ²¹ Иса шаба ван да у гот: «Эз р'аст вәр'а дьбежым, һәгәр бавәрийа вә һәбә у дөдьли нәбьн, һуне нә т'әне чь кө һатә сәре ве дара һежире бькьн, ле һәгәр һун ви ч'ийайир'а жи бежын: «Р'абә хвә бавежә бә'ре», we бьбә. ²² һәгәр бавәрийа вә һәбә, һун чь кө нава дөада бьхвазьн, һуне бьстиньн».

Пьрса дәрһәқа һ'өкөме Исада

(Марқос 11:27-33; Луқа 20:1-8)

²³ Гава әв һатә п'арьстгәһе у щьмә'т һин кьр, сәрәкед к'аһина у р'успийед щьмә'те һатьнә щәм ви у готьне: «Тө бь чь һ'өкөми ван кьра дьки? У к'е әв һ'өкөм дайә тә?» ²⁴ Иса ль ван вәгәр'анд у гот: «Эзе жи тыштәки жь вә бьпьрсьм. һәгәр вә шаба мьн да, эзе жи вәр'а бежым эз бь чь һ'өкөми ван кьра дькьм. ²⁵ һ'өкөме ньхөмандьна

* 21:16 Зәбур 8:2.

Йуһ'әнна жь к'ө бу, жь э'змен бу, йан жь мэр'ва бу?»
 Эвана нав һэвда шешьрин у готын: «Һэгэр эм бежын:
 «Жь э'змен бу», әве мэр'а бежә: «Ле вә чьма бавәрийя
 хвә ши нәани?»²⁶ Ле һэгэр эм бежын: «Жь мэр'ва бу»,
 әм жь э'лаләте дьтърсын, чьмки һ'әмуйа қәбул дькьр кә
 Йуһ'әнна п'ехәмбәр бу». ²⁷ Вана шаба Иса да у готын: «Әм
 нъзаньн». Эви ванр'а гот: «Әз жи вәр'а набежым кә әз бь
 чь һ'өкөми ван кьра дькьм.

Мәсәлә дө көр'а

²⁸ һун чава т'эхмин дькьн? Дө көр'е мэр'вәки һәбун.
 Эви көр'е хвәйи мәзынр'а гот: «Лаво! Иро һәр'ә нав р'әз,
 шьхөл бькә». ²⁹ Эви ле вәгәр'анд у гот: «Әз начьм», ле паше
 п'ошман бу у чу. ³⁰ һынге бав чу щәм йе дьн эви жи аһа
 гот: «Бәле, әзе һәр'ым баво», ле нәчу. ³¹ Ньһа жь ван һәр
 дө көр'а к'ижани гөр'а^ф баве хвә кьр?» Вана готә ви:
 «Йе мәзын». Иса жи готә ван: «Әз р'аст вәр'а дьбежым,
 кә хәрщгьр у ч'әвдәр^ф we бәри вә бьк'эвьнә П'адшатийа
 Хвәде. ³² Чьмки Йуһ'әнна һат кә р'ийа р'астийе нишани
 вә кә, вә бавәрийя хвә ши нәани, ле хәрщгьр у ч'әвдәра
 бавәрийя хвә ши анин. Вә әв тышт дит жи, ле диса һун
 ль хвә мөкөр' нәһатьн, кә вә бавәрийя хвә ши банийа.

Мәсәлә р'әзе тьрийа у р'эзвана

(Марқос 12:1-12; Лука 20:9-19)

³³ Мәсәләкә дьн жи бьбьһен. Мэр'вәки хвәйимьлк'
 һәбу, р'әзе тьрийа дани, дора we сур кьр һ'әвзәки
 тьриһ'ынщьр'андьне теда к'ола, һеланәкә нобәдара чекьр
 у әв бь к'ьре да р'эзвана, чу вәлатәки дьн. ³⁴ Гава вәхте
 бәрдаине незик бу, эви хөламед хвә шандьнә щәм
 р'эзвана, вәки жь бәре р'әзе ви жер'а биньн. ³⁵ Р'эзвана

хөламед ви гьртън, йэк к'отан, йе дьн көштън у йэки дьн жи данэ бэр кэвьра. ³⁶ Эви хөламанэ дьн шандьн, жь йед пешьн гэлэктър у вана өса жи анинэ сэре ван. ³⁷ Ахьрийе, көр'е хвэ шандэ щэм ван у гот: «һьлбэт we жь көр'е мын шэрм бькьн». ³⁸ Ле чахе р'эзван ч'э'в көр'е ви к'этън, һэвр'а готън: «Эв э варе ви. Вэрьн эм ви бькөжън у бьбьнэ хвэйе мират'а^ф ви». ³⁹ У эв гьртън жь р'эз дэрхьстънэ дэр у көштън. ⁴⁰ Ле гава хвэйе р'эз бе, we чь сэре ван р'эзвана бькэ?» ⁴¹ Готънэ ви: «We қыр'а ван нәһәқа бинэ у р'эз бьдэ р'эзванед өса, йед кө we вэхтда бэре р'эзе ви бьдьне».

⁴² Иса готэ ван: «Wэ ньвисареда қэт нэхвэндийэ?

«Эв кэвьре кө хоста т'эхсир^ф кьр,

эв бу сэре э'нишке^ф.

Эв йэк жь алийе Хөданда қэшьми

у ль бэр ч'э'ве мә һ'эйр-һ'өжмэк'ар э!»*

⁴³ Бона ве йэке эз вэр'а дьбежъм, кө П'адшатийа Хвэде we жь вэ бе стандьне у мьлэтэки өсар'а бе дайине, вэки бона ви бэр бинэ. ⁴⁴ К'и кө бьк'эвэ сэр ви кэвьри, we һурдэхвэши бэ у эв кэвьр бьк'эвэ сэр к'е, we ви бьһ'ынщър'инэ».*

⁴⁵ Гава сэрэкед к'аһина у ферьсийа мәсәлед ви бьһистън, фэм кьрьн кө эв бона ван дьбежэ. ⁴⁶ Кьрьн кө ви бьгьрьн, ле жь э'лалэте тьрсийан, чьмки эв вэкэ п'ехәмбэрэки қэбул дькьрьн.

* 21:42 Зэбур 118:22-23.

* 21:44 Нав дәстньвисаред һьнәкада р'еза 44-а т'өнә.

Мэсэла дэ'wate

(Лука 14:15-24)

22 ¹ Диса Иса бь мэсэла ванар'а хэбэр да у гот:
² «П'адшати́а Э'змана мина ве йэке йэ: П'адшаки дэ'wата көр'е хwэ кър. ³ Э́ви хө́ламед хwэ шандьн кө́гази хwэндийед дэ'wate кьн, ле вана нэхwэстын бен.
⁴ Хө́ламанэ дьн шандьн у гот: «Хwэндийар'а бежьн: Мьн щанэга у h'эйванед хwэйэ дэрмаликьри сэржекьрьнэ у нане хwэ hazp кьрийэ, hэp тышт hazp э. Wэрьнэ дэ'wate!» ⁵ Ле вана пышт гө́не хwэ́ва авит, йэк чу э́рде хwэ у йе дьн т'ө́шарэти́а^ф хwэ. ⁶ Йед майин жи хө́ламед ви гьртьн, к'ө́тан у көштын. ⁷ Чахе п'адше бь́хист, герс к'эт, орди́а хwэ шанд қър'а э́вед кө́хлам көштын ани у бажаре ван шэwьтанд. ⁸ Ы́нге готэ хө́ламед хwэ: «Дэ'wat hazp э, ле хwэнди нэ heжа бун. ⁹ P'абьн hэp'ьнэ сэре р'ийа у hун к'е кө́ббиньн, т'э́глифи дэ'wate кьн». ¹⁰ У эw хө́лам дэpк'эты́нэ сэре р'ийа, к'и кө́ дитьн, қэнщ у хьраб, т'эв щьвандьн у мала дэ'wate бь хwэндийава т'ьжи бу.

¹¹ Ле гава п'адша чу hьндөp' кө́ хwэндийа бьбинэ, мэрвэк ль wьp дит кө́ к'ьнще дэ'wate ле т'өнэбу ¹² у готэ ви: «hэвал! Тө́ чава бе к'ьнще дэ'wate к'эти wьp?» Э́ви дэнг нэкър. ¹³ We гаве п'адше бэрдэстийар'а гот: «Дэст у п'ийе ви гьредьн, бьгьрьн бавежьнэ тэ́рийа дэрва. Ль wьp we бьбэ қир'ин у ч'ьркэ-ч'ьрка дьрана».

¹⁴ А́ва газикьри гэлэк ьн, ле бьжарти hьндьк ьн».

Пьрса хэрщдайин у нэдайине

(Маркос 12:13-17; Лука 20:20-26)

¹⁵ Ы́нге ферьси чун шешьрин, кө́ ви чава бь хэбэра бьгьрьн. ¹⁶ Вана шагьртед хwэ т'э́ви пыштгьред herодэс

шандьнэ щэм ши у готьне: «Дэрсдар! Эм заньн кө тө йэки р'аст и у р'ийа Хwэде р'аст хин дьки. Мьнэте жь кэси нагъри, чьмки нав мэрьвада фьрқийе данайни. ¹⁷ Ньһа бежэ мэ, тө чава т'эхмин дьки? Гэло р'аст э кө эм хэрщ бьдньэ Qэйсэр^ф йан на?»

¹⁸ Иса қэлпийа ван заньбу у гот: «Чьма һун мьн дьщер'ьбиньн, дөр'уно? ¹⁹ П'эре хэрщдайине нишани мьн кьн». У вана зивэк вир'а ани. ²⁰ Иса жь ван пьрси: «Эв ньвисар у сьфэт^ф йед к'е нэ?» ²¹ Вана гот: «Йед Qэйсэр ьн». һынге готэ ван: «Ава чь кө йед Qэйсэр ьн бьдньэ Qэйсэр у чь йед Хwэде нэ бьдньэ Хwэде». ²² Гава ван бьһист зэндэгърти ман, эw һыштын у чун.

Пьрса р'абуна мьрийа

(Марқос 12:18-27; Лука 20:27-40)

²³ We р'оже һьнэкэ жь садудийед кө дьготьн мьри р'анабын, һатьнэ щэм Иса же пьрсин ²⁴ у готьне: «Дэрсдар! Муса гот: «Һэгэр йэк безөр'эт бьмьрэ, бьра бьре ши жьна ши бьстинэ у ware бьре хwэ шин кэ». ²⁵ Ава һ'эфт бьра ль щэм мэ һэбун. Бьре мэзын зэwьщи, безөр'эт мьр, жьна ши бьре вир'а ма. ²⁶ Öса жи һатэ сэре бьре дөда у йе сьсийа, хөлэсэ һатэ сэре һэр һ'эфта жи. ²⁷ Ль пэй һ'эмуйар'а эw жьна жи мьр. ²⁸ Дэ ижар we Р'ожа^ф Р'абуна мьрийа эw к'өлфэте бьбэ жьна к'ижани жь ван һэр һ'эфта? Чьмки һ'эмуйа жи эw стандьбу».

²⁹ Иса ль ван вэгэр'анд у гот: «Һун хальфи нэ, чьмки нэ ньвисара заньн, нэ жи қəwата Хwэде. ³⁰ Р'ожа Р'абуна мьрийа нэ we бьзэwьщын, нэ жи мер кьн, ле эwe мина мьлийак'этед э'змен* бьн. ³¹ Ле дэрһəқа р'абуна мьрийада,

* 22:30 Нав дэстньвисаред һьнэкада аһа йэ: «Мьлийак'этед Хwэде».

чьма вэ эв хэбэра кё Хвэде вэр'а готьбу нэхвэндийэ?³² «Эз Хвэдейе Бьраһим, Хвэдейе Ишаq у Хвэдейе Аqубьм»*. Хвэде нэ Хвэдейе мьрийа йэ, ле Хвэдейе зендийа йэ».

³³ Гава э'лалэте эв тьшт бьхистьн, сэр хинкьрына ви зэндэгьрти ман.

Т'эмийа сэр т'эмийар'а

(Марqос 12:28-34; Луqа 10:25-28)

³⁴ Ле гава ферьсийа бьхист кё Иса садуqи дэнгбьр'и кьрын, һ'эму ль щики щьвийан.³⁵ Ынге жь ван qанунзана йэки пьрс да Иса кё ви бьщер'ьбинэ у готе:³⁶ «Дэрсдар. Qанунеда к'ижан э т'эмийа һэрэ мэзын?»³⁷ Иса готэ ви: «Хёдан Хвэдейе хвэ һ'эз бькэ бь т'эмамийа дьле^ф хвэ, бь т'эмамийа щанийа хвэ у бь т'эмамийа һ'эше хвэ»*.³⁸ Эв э т'эмийа пешьн у һэрэ мэзын.³⁹ У йа дёда жи мина ве йэ: «Һэвале хвэ вэкэ хвэ һ'эз бькэ»*.⁴⁰ Жь ван һэр дё т'эмийава һ'эму ньвисаред п'ехэмбэра у Qануне гьредаийи нэ».

Мэсиһ көр'е к'е йэ?

(Марqос 12:35-37; Луqа 20:41-44)

⁴¹ Гава ферьси щьвийан, Иса жь ван пьрси⁴² у гот: «Һун бона Мэсиһ чь дьфькьрын, т'эхмина вэ эв көр'е к'е йэ?» Жер'а готьн: «Көр'е Дауьд э».

⁴³ Иса готэ ван: «Ле чава Дауьд ви пе Р'өһ' Хёдане хвэ һ'эсаб дькэ? Чьмки ви гот:

* 22:32 Дэрк'этын 3:6.

* 22:37 Qануна Дёщари 6:5.

* 22:39 Qануна К'аһинтийе 19:18.

⁴⁴ Хөдан готэ Хөдане мьн:

Ль мьле мьни р'асте р'уне,

h'эта кө эз дьжмьнед тэ бькьмэ бьне п'ийед тэ»*.

⁴⁵ Hэгэр Дашьд ши Хөдан» h'эсаб дькэ, эв чава дьбэ көр'е ши?» ⁴⁶ У кэсэки нькарьбу щаба ши бьда у ль пэй we р'ожер'а кэсэки нэверьбу пьрсэк же бькьра.

Н'эвза хвэ жь қанунзан у ферьсийа бькьн

(Марқос 12:38-40; Лука 11:37-52; 20:45-47)

23 ¹ Hынге Иса э'лалэт у шагьртед хвэр'а хэбэр да у гот: ² «Қанунзан у ферьси ль сэр к'өрсийа Муса р'уньштьнэ. ³ Иди эвана чь wэр'а бежьн хвэй кьн у бьрэдиньн, ле мина ван нэкьн, чьмки эвана дьбежьн, ле накьн. ⁴ Баред гьран у зэ'мэт гьредьдьн, датиньнэ сэр мьлед мэрьва, ле эв хвэха нахвазын т'элийа хвэ жи бьдье. ⁵ Эв һэр тышти дькьн, кө бэр мэрьва бенэ к'ьфше. К'иськед мэзын ль мьл у э'нийед хвэва гьредьдьн* у р'ишийед к'ьнщед хвэ дьреж дькьн**. ⁶ Шайийада һэрэма^Ф жорьн h'эз дькьн, к'ьништада жи к'өрсийед пешьн, ⁷ базарада сылаве бьдье ван у мэрьв жи ванр'а

* 22:44 Зэбур 110:1.

* 23:5 Чава кө Қануна Дөщари 6:8-да ньвисар э, щьһуйа к'иськед мьл у э'нийед хвэда ньвисаред сэрэкэ у т'эмийед Хвэдейэ жь Пэймана^Ф Кэвьн хвэй дькьрьн. Эв ын эв ньвисаред жь к'ьтебед Муса кө гэлэки дькьрьнэ к'иська: Дэрк'этьн 13:1-10; 13:11-16; Қануна Дөщари 6:4-9; 11:13-21.

** 23:5 «Р'ишийед к'ьнщед хвэ дьреж дькьн», wэки бьдье к'ьфше, кө эв жь алийе Хвэдеда Хвэдер'а дайи у амьн ын (Жьмар 15:37-41; Қануна Дөщари 22:12).

«мамоста»^{*} бежын. ⁸ Ле б'ра вэр'а нэбежын: «Мамоста», чьмки дэрсдаре вэ йэк э* у хун һ'эму жи б'ра нэ. ⁹ Ль сэр дьне хун т'ө кэсир'а нэбежын: «Баво», чьмки Баве вэ йэк э, кө э'змана йэ. ¹⁰ Нэ жи вэр'а бежын: «Р'ебэр», чьмки Р'ебэре вэ йэк э, эв Мэсир э. ¹¹ Б'ра нава вэда йе һэри мэзын б'бэ бэрдэстийе вэ. ¹² К'и кө хвэ б'льнд кэ, эве ньмьз бэ, ле к'и кө хвэ ньмьз кэ, эве б'льнд бэ.

Вэй ль дөр'уйа

¹³ Ле вэй ль вэ қанунзан у ферьсийа! Дөр'уно! хун дэре П'адшатийа э'змана ль бэр мэр'ва дадьдын. Нэ хун дьк'эв'не у нэ жи дьһельн эвед кө дьхвэзын бьк'эв'не. ¹⁴ Вэй ль вэ қанунзан у ферьсийа! Дөр'уно! Аликива хун малед жьнэбийа һ'уфи хвэ дькын, алийе дьнва жи бь дөр'ути дөайе хвэ дьреж дькын. Бона ве йэке диwana вэ we he гьран бэ.* ¹⁵ Вэй ль вэ қанунзан у ферьсийа! Дөр'уно! хун бэр у бэже ль һэв дьдын, кө йэки нэбауэр биньн сэр р'ийа хвэ. Гава мэрэме вэ дьбэ, хун эви жь хвэ дө щара зедэтыр дькынэ п'ара щэ'ньме. ¹⁶ Вэй ль вэ р'ебэред кор, хун дьбежын: «К'и кө бь п'арьстгэһе сонд дьхвэ, нэ тыштэк э. Ле к'и кө бь зер'е ль нав п'арьстгэһе сонд дьхвэ, дьбэ дэйндар». ¹⁷ һэй беһ'ш у корно! К'ижан мэзын э, зер' йан п'арьстгэһ, кө зер' һ'элал^Ф дькэ? ¹⁸ Өса жи хун дьбежын: «К'и кө бь горигэһе сонд дьхвэ нэ тыштэк э, ле к'и кө бь һ'эдийа ль сэр горигэһе

* 23:7 Бь йунани хэбэр бь хэбэр аһа йэ: «Р'абби». «Р'абби» бь зьмане арами^Ф те фэ'мкьрыне: «Дэрсдар».

* 23:8 Нав дэстньвисаред һьнекада эв жи һэйэ: «Эв Мэсир э».

* 23:14 Нав дэстньвисаред һэрэ қэнцда р'еза 14-а т'өнэ.

сонд дьхвэ, дьбэ дэйдандар». ¹⁹ һэй корно!* К'ижан э мэзын? һ'эди йан горигәһ, кө һ'эдийе һ'элал дькэ? ²⁰ Ава к'и кө бы горигәһе сонд дьхвэ, эв һын бы we сонд дьхвэ, һын жи бы һ'эму тыштед кө сэр we һәнэ сонд дьхвэ. ²¹ К'и кө бы п'арьстгәһе сонд дьхвэ, эв һын бы we сонд дьхвэ, һын жи бы йе кө веда дьжи сонд дьхвэ. ²² У к'и кө бы э'змен сонд дьхвэ, эв һын бы т'эхте Хвәде сонд дьхвэ, һын жи бы йе кө ль сэр р'уныштийэ сонд дьхвэ. ²³ Вэй ль вэ қанунзан у ферьсийа! Дөр'уно! һун дәһәкә^ф пунге^ф, анисойе^ф у к'емуне^ф дьдһн, ле тыштед Қанунейә пеш, ава готи һәқийе, р'ә'ме у бавәрийе давежьнә пышт гөһе хвә. Вә гәрәкә эв йәк бькьрана у дәст жь йед майин нәк'ьшанда. ²⁴ Р'ебәред кор! һун к'әрмеша дьпарзһнһн, ле дәва дадьқөртинһн! ²⁵ Вэй ль вэ қанунзан у ферьсийа! Дөр'уно! һун т'ас у финщана р'уйе дәрвава пақьж дькһн, ле һндөр'ва т'ьжи тьмайи у ч'э'вбьр'чийи нә.* ²⁶ Ферьсийе кор! Пешийе һндөр'е финщан у т'асе пақьж кә, вәки ль дәрва жи пақьж бә. ²⁷ Вэй ль вэ қанунзан у ферьсийа! Дөр'уно! һун мина т'ьрбед сьпикьри нә, кө дәрвава бәдәв хөйа дьбһн, ле һндөр'ва бы һәстуйе мьрийа у бы һ'эму һ'эрабийева т'ьжи нә. ²⁸ Өса жи һун дәрва мәрьвава р'аст к'ьфш дьбһн, ле һндөр'ва һун дөр'у нә у нәһәқ ьн.

Иса ахьрийа ван ванр'а дьбежә

²⁹ Вэй ль вэ қанунзан у ферьсийа! Дөр'уно! һун мәхбәред п'ехәмбәра чедькһн у т'ьрбе йед р'аст дьхәмьлиһн ³⁰ у дьбежһн: «Һәгәр әм р'ожед бавед хвәда

* 23:19 Нав дәстньвисаред һнәкада аһа йә: «Һэй беһ'ьш у корно».

* 23:25 Аһа жи те фә'мкьрне: «Ле һндөр'ва бы тыштед зөлме у ч'э'вбьр'чийе қазьнщкьрива т'ьжи нә».

буна, мэ т'эви ван хуна п'ехэмбэра нэдыр'ет». ³¹ Иди хун ньһа хwэха дьднэ избаткърне, кö хун зар'ед ван бава нэ, йед кö п'ехэмбэр кöштнэ. ³² Дэ кемасийа хърабийед бавед хwэ т'эмам кын. ³³ Мэ'рно! Чежькед мэ'ра! һуне чава жь диwana доже^ф бър'эвн?

³⁴ Бона ве йэке эзе п'ехэмбэра, сэрwахта у қанунзана бьшиньмэ щэм wэ у һуне жь ван һнэка бькöжн, хач кын, һнэка жи нав к'ьништед хwэда бьднэ бэр қамчийа у бажар-бажар бьзеринын. ³⁵ Н'эму хуна бесуцэ кö сэр р'уйе эрде һатийэ р'етьне we бе сэр wэ, жь хуна һабиле^ф бесуц һ'эта хуна Зэкэрийае көр'е Бэрэхийа, эwe кö wэ нав п'арьстгәһ у горигәһеда кöшт. ³⁶ Эз р'аст wэр'а дьбежым, эв һ'эму хуне бе сэре ви ньсьли.

Иса ль сэр Оршэлиме дьловинэ

(Луқа 13:34-35)

³⁷ Оршэлим! Оршэлим! Тэ п'ехэмбэр дькöштн у шандийед щэм хwэ дьданэ бэр кэвья! Чэнд щара мын хwэст кö зар'ед тэ öса быцьwанда, чава мьришк щуцукед хwэ бьн баске хwэда дьщьвинэ, ле тэ нэхwэст! ³⁸ Аwa мала тэ we хърабэ у дэстжек'ьшанди бьминэ. ³⁹ Эз wэр'а дьбежым, иди жь вьр шунда хун мын набиньн, һ'эта кö бежн: «Бьмбарэк э эwe кö бь наве Хöдан те»».

Иса пешда дэрһэқа wеранбуна п'арьстгәһеда дьбежэ

(Марқос 13:1-2; Луқа 21:5-6)

24 ¹ Гава Иса жь п'арьстгәһе дэрк'эт чу, шагьрт чунэ щэм wi, кö авайийед п'арьстгәһе нишани wi кын. ² Иса ванр'а гот: «Һун ван һ'эмуйа дьбиньн? Эз р'аст wэр'а

* 23:39 Зэбур 118:26.

дъбежъм, эв һ'эмуйе жи ыеран бьн, ль вьр кэвьре ль сэр кэвьр нэминэ!»

Тэнгаси у зерандьн

(Марқос 13:3-13; Лука 21:7-19)

³ Чахе эв сэр ч'ийайе Зэйт'уне р'унышьтыбу, шагъртед ви т'эне һатьнэ щэм ви у же пьрсин: «Бежэ мэ, эв тышт ые к'энге бьрқэшьмын? У нишана һатьна тэ у ахьрийа ые дьнйайе ые чава бэ?» ⁴ Иса щаба ыан да у гот: «Һаш жь хвэ һэбын, кө т'ө кэс ыэ нэхапинэ, ⁵ чьмки гэлэк ые пе наве мын бен у бежьн: «Эз ым Мэсиһ» у ые гэлэка бьхальфиньн. ⁶ Һуне дэнге шэр'а у бэ'са шэр'а бьбьһен, ле һаш жь хвэ һэбын кө һун хвэ онда нэкьн. Гэрэке эв тышт бьрқэшьмын, ле эв һе нэ ахьри йэ. ⁷ Мьлэте р'абэ ль сэр мьлэт, п'адшати ль сэр п'адшатийе, щи-щийа ые хэлайи-щэлайе у э'рдһ'эже бьбын. ⁸ Ле эв һ'эму мина еша к'өлфэте йэ, кө дэстпедькэ пе дьгьрэ. ⁹ Һынге ые ыэ бьдынэ щэфе, ыэ бькөжьн у бона наве мын бэр ч'э'ве һ'эму мьлэта р'эш бьн. ¹⁰ Һынге гэлэке жь р'е бьк'эвын, нэмамыйа һэвдө бькьн у бэр ч'э'ве һэв бьк'эвын. ¹¹ Гэлэк п'ехэмбэред дэрэш ые дэрк'эвын у гэлэка бьхальфиньн. ¹² Жь дэст зедэбуна нэһэқийе һ'эзкьрьна гэлэка ые сар бэ. ¹³ Ле к'и кө һ'эта хьлазийе тэйах кэ, эһе хьлаз бэ. ¹⁴ У эв Мьзгинийа П'адшатийе ые ль нав т'эмамыйа дьнйайе бе даннасинкьрьне, кө һ'эму мьлэтар'а бьбэ шэ'дэти у һынге хьлази ые бе.

Һ'эраммийа Һеранкърне

(Марқос 13:14-23; Луқа 21:20-24)

¹⁵ Чахе һун Һ'эр'ммийа Һеранкърне* щийе пирозда сэкьни бьбиньн, чава кө Данийел п'ехэмбэр гот», (эве кө дьхунэ бьра ф'эм бькэ), ¹⁶ «һьнге эвед кө Щьһустанеда нэ бьра бьр'эвьнэ ч'ийа. ¹⁷ Эве кө сэр хани йэ бьра жорда нэе хваре кө жь мала хвэ тыштэки һьлдэ. ¹⁸ У эве кө к'эвшенда йэ бьра вэнэгэр'э кө п'оте хвэ һьлдэ. ¹⁹ Ле вэй ль һ'эмла у дэстдэргуша ван р'ожада! ²⁰ Дөа бькьн, кө р'эва вэ нэк'эвэ зьвьстане, йан жи р'ожа шэмийе. ²¹ Чьмки һьнге тэнгасикэ өса мэзьн ве бьбэ, кө жь дэстпебуна дьнйайе һ'эта ньһа мина ве нэбуйэ у нэ жи ве бьбэ. ²² һэгэр эв р'ож кьн нэбуна, т'ө кэс хьлаз нэдьбу, ле бона хатьре бьжартийа эв р'оже кьн бьн.

²³ һьнге, һэгэр йэк вэр'а бежэ: «Ва йэ Мэсһ ль вьр э», йан жи «Ва йэ ль вьр э», бавэр нэкьн. ²⁴ Чьмки мэсһ у п'ехэмбэред дэрэв ве дэрен, нишан у к'эрэмэтед мэзьн бькьн, кө бькарьбьн бьжартийед Хвэде жи бьхальфиньн. ²⁵ Ва йэ мьн пешда вэр'а гот. ²⁶ һэгэр эвана вэр'а бежьн: «Ва йэ Мэсһ бэр'ийеда йэ», дэрнэк'эвьн, йан: «Ва йэ, эв фьлан одеда йэ», бавэр нэкьн. ²⁷ Чьмки чава бьруск жь р'оһьлате бьрқ дьдэ у һ'эта р'оавайе хөйа дьбэ, ве һатьна Көр'е Инсан жи өса бэ. ²⁸ Бэрэт'э^ф к'идэре һэбэ, тэйре жи ль вьр бьщьвьн.

Һатьна Көр'е Инсан

(Марқос 13:24-27; Луқа 21:25-28)

²⁹ Ль пэй тэнгасийа ван р'ожар'а,

* 24:15 Данийел 9:27; 11:31; 12:11.

р'уйе р'ойе we бе гьртъне
 у hive жи р'онайа хwэ нэдэ,
 стэйрке жь э'змен бьк'эвьн
 у т'опед э'змана we жь * р'ийед хwэ дэрэн. **

³⁰ Ынге нишана Көр'е Инсан we ль э'змен хойа бэ у h'эму
 мьлэтед дьнйайе we шине бькьн, гава бьбиньн Көр'е
 Инсан ль сэр э'wред э'змен бь qəwat у р'умэта мэзын те.

³¹ Эwe мьлийак'этед хwэ бь бор'ийа дэнге бьльнд бышинэ у
 we бьжартийед wi жь һэр чар qəлба бэрэв кьн, жь п'эр'эки
 э'змана h'эта п'эр'е дьн.

Дэрсa дара һежире

(Марқос 13:28-31; Лука 21:29-33)

³² Жь дара һежире дэрсэке hin бьн. Чахе ч'ьрьлед we
 тэр' дьбьн у бэлгед we дьбьшкьвьн, иди һун заньн кө
 һавин незик э. ³³ Өса жи гава һун ван h'эму тышта
 бьбиньн, бьзаньбьн кө эв тышт* незик э, ль бэр шемике йэ.

³⁴ Эз р'аст wэр'а дьбежьм, эва ньсыла дэрбаз набэ, h'эта кө
 эв h'эму тышт нэдэwьмьн. ³⁵ Э'рд у э'змане дэрбаз бьн, ле
 готьнед мьн т'ө щар дэрбаз набьн.

Р'ож у сьһ'эт нэ э'йан э

(Марқос 13:32-37; Лука 17:26-30, 34-36)

³⁶ Ле бона we р'оже у we сьһ'эте т'ө кэс ньзанэ, нэ
 мьлийак'этед э'змана, нэ жи Көр'*, ле т'эне Бав. ³⁷ Чава кө

* 24:29 Аһа жи те фэ'мкьрьне: «Qəwateд э'змана we бьһ'эжьн».

** 24:29 Ишайа 13:10; 34:4.

* 24:33 Аһа жи те фэ'мкьрьне: «Эw, аwа готи Мэсiһ незик э, ль бэр шемике йэ».

* 24:36 Нав дэстньвисаред һьнэкада «нэ жи Көр'» т'өнэ.

р'ожед Нөһда^ф қәшми, һатна Көр'е Инсан жи we өса бьқәшмә. ³⁸ Чәва кө ван р'ожед бәри тофане мәрва дьхарьн, вәдхарьн, дьзәшцин у мер дькьрн, һ'эта we р'ожа кө Нөһ к'этә гәмийе ³⁹ у мәрв пе нәһ'әсийан, һ'эта кө лейи р'абу у һ'әму жи хәньқандьн. һатна Көр'е Инсан жи we өса бә. ⁴⁰ Ынге дө мәрв we нав әрде хвәда бьн, йәке бе һьлдәне у йе дьне бе һьштьне. ⁴¹ У дө к'өлфәте сәр дәстар'әки бьн, йәке бе һьлдәне, йа дьн бе һьштьне. ⁴² Ава һ'ышйар бьминьн, чьмки һун ньзаньн Хөдане вәйе к'ижан р'оже бе. ⁴³ Ле ве йәке бьзаньбьн. һәгәр хвәйе мале бьзаньбуяа кө дьзе к'ижан дәма шәве бьһата, we һ'ышйар бьма у нәһьшта кө мала ви дәрәвәкьра. ⁴⁴ Бона ве йәке һун жи һазьр бьн, чьмки Көр'е Инсан we сьһ'әтәкә өсада бе, кө һун нә ч'ә'внһер'и нә.

Хөламе амьн у хөламе беамьн

(Луқа 12:35-48)

⁴⁵ Ава к'и йә әв хөламе амьн у сәрвахт, кө ахайе ви әв сәр хөламед хвә сәрвер к'ьфш кьр, кө вәхтда хварьна ван бьдә ван? ⁴⁶ Хвәзи ль ви хөлами, кө чахе ахайе ви бе, әви өса бьбинә. ⁴⁷ Әз р'аст вәр'а дьбежьм, әве ви бькә сәрвере т'әмамияа һәбука хвә. ⁴⁸ Ле һәгәр хөламе хьраб дьле хвәда бежә: «Ахайе мьн һатна хвә дәрәнги ехьст» ⁴⁹ у дәстпекә ль хөлам-һәвалед хвә хә у т'әви йед сәрхвәш бьхвә у вәхвә, ⁵⁰ ахайе ви хөлами we р'ожәкә өса бе, кө әв нә һивийе йә у сьһ'әтәкә өса, кө әв ньзанә. ⁵¹ Әве ви қәт-қәти кә у п'ара ви we т'әви дөр'уйа кә. Ль вьр we бьбә гьри у ч'ьркә-ч'ьрка дьрана.

Мэсэла дэһэ қизед бьк'ьр

25 ¹ һынге П'адшати́я Э'змана we мина ве йэке бэ: Дэһэ қизед бьк'ьр ч'ьред хwэ һьлдан пешийа зэ'веда чун. ² Жь wан пенщ сэрwахт бун, ле пенщ бэфэ'м. ³ Бэфэ'ма ч'ьред хwэ һьлдан, ле р'ун хwэр'а һьлнэдан, ⁴ ле сэрwахта т'эви ч'ьра р'ун жи дэрданада хwэр'а һьлдан. ⁵ Гава зэ'ва дэрэнги к'эт, һ'эму жи һеньжин у хэwр'а чун. ⁶ Ниве шэве дэнгэк һат: «Ва йэ зэ'ва те! Пешийа wiда һэр'ьн!» ⁷ һынге һ'эму бьк'ьр р'абун ч'ьред хwэ саз кьрын. ⁸ Бэфэ'ма готэ сэрwахта: «Жь wi р'уне хwэ бьдьнэ мэ жи, чьмки ч'ьред мэ ведьсьн». ⁹ Ле сэрwахта щаба wан да у готьн: «На хер, эв р'ун we т'ера мэ у wэ нэкэ. Қэнщ э кө һун һэр'ьнэ щэм йед кө дьфьрошьн хwэр'а бьк'ьр'ьн». ¹⁰ Гава эw чун бьк'ьр'ьн, зэ'ва һат у эwед һазьр т'эв wi к'этьнэ дэ'wате у дэри һатэ гьртьне. ¹¹ Паше бьк'ьред дьн һатьн у готьн: «Эм хөлам, Эм хөлам! Дэри ль мэ вэкэ!» ¹² Ле эwi щаба wан да гот: «Эз р'аст wэр'а дьбежьм, эз wэ нас накьм». ¹³ Аwa һ'ьшйар бьминьн, чьмки һун нэ р'ожа һатьна Көр'е Инсан заньн, нэ жи сьһ'эте.

Мэсэла се хөлама

(Луqа 19:11-27)

¹⁴ Wi чахи П'адшати́я Э'змана we мина ве йэке бэ: Мэрвьэк кө we дэрк'эта р'ешитийе, гази хөламед хwэ кьр у һэбука хwэ спартэ^ф wан. ¹⁵ Пенщ тэлант* данэ йэки, дө тэлант данэ йэки у тэлантэк жи да йэки, һэр кэсир'а wэкэ қэwата wi у зу р'ек'эт чу. ¹⁶ Эwe кө пенщ тэлант стандьбун, пер'а-пер'а чу бь wан к'ьр'и у фьрот,

* 25:15 Қимэте тэлантэки һэфе п'алэки панздэһ сала зедэтьр бу.

пенщед дьн жи қазьнщ кьрьн. ¹⁷ Өса жи әве кө дө тәлант стандьбун, дөдөйед дьн жи қазьнщ кьрьн. ¹⁸ Ле әве кө тәлантәк стандьбу, чу әрд к'ола у зиве ахайе хвә теда вәшарт.

¹⁹ Пәй гәләк вәхтр'a ахайе ван хөлама һат у хвәст һәқ-һ'әсабе хвә т'әви ван р'аст кә. ²⁰ Әве кө пенщ тәлант стандьбун пешда һат, пенщ тәлантед майин жи анин у гот: «Ахайе мьн, тә пенщ тәлант дабунә мьн. Мьн сәр ванда пенщед дьн жи қазьнщ кьрьн». ²¹ Ахайе ви готеда: «Ә'фәрьм, хөламе қәнщ у амьн! Тө нав тыштед һьндькида амьн майи, әзе тә дайнъмә сәр гәләк тышта. Бьк'әвә шайийа ахайе хвә!»

²² Әве кө дө тәлант стандьбун жи һат у гот: «Әз хөлам! Тә дө тәлант дабунә мьн. Мьн дөдөйед дьн жи ль сәр ванда қазьнщ кьрьн». ²³ Ахайе ви готе: «Ә'фәрьм, хөламе қәнщ у амьн! Тө нав тыштед һьндькида амьн майи, әзе тә дайнъмә сәр гәләк тышта. Бьк'әвә шайийа ахайе хвә!»

²⁴ Ле әве кө тәлантәк стандьбу һат у гот: «Ахайе мьн, мьн заньбу кө тө мәрвьәки һ'ышк и. Жь ви щийе тә нәчандийә дьдьруйи у щийе кө тә нә р'әшандийә бәрәв дьки. ²⁵ Әз жи тьрсийам у чум тәланте тә әрдеда вәшарт. һане мале тә тәр'a бә». ²⁶ Ахайе ви ле вәгәр'анд у готе: «Хөламе хьраб у хвәр'анәдити! Тә заньбу әз жь ви щийе кө мьн нәчандийә дьдьрум у жь ви щийе кө мьн нәр'әшандийә бәрәв дькьм, ²⁷ тә чьма зиве мьн нәда сәрафа у әз бьһатама мьн мале хвә бь сәләф бьстанда? ²⁸ Ньһа тәлант жь ви бьстиньн у бьдьнә әве кө дөһә тәлантед ви һәнә. ²⁹ Чьмки йе к'е кө һәйә, вир'a we бе дайине у сәрда зедә бә, ле йе к'е кө г'өнә, чь һәйә жи we же бе стандьне. ³⁰ Ле әв хөламе бекер бавезьнә тә'рийа дәрва. Ль вьр we бьбә гьри у ч'ьркә-ч'ьрка дьрана».

Р'ожа^Ф Ахрәте

³¹ Гава Көр'е Инсан т'эви һ'әму мьлайк'әта у р'умәта хwәва бе, һынге we сәр т'әхте хwәйи р'умәте р'уне ³² һ'әму мьлэт we ль бәр wi быцьвьн. Әwe wана жь һәв башqә кә, чава шьван пез жь бьзьна вәдьqәтинә. ³³ Әwe пез ль мьле хwәйи р'асте бьдә сәкьнандьне, ле бьзьна ль мьле хwәйи ч'әпе. ³⁴ һынге П'адша we йед ль мьле хwәйи р'астер'а бежә: «Wәр'н бьмбарәкбуйийед алийе Баве мьнда! Әw П'адшатийа кә бона wә жь wәхте ә'фьрандьна дьнийайеда һазьр буйә war бьн. ³⁵ Чьмки әз бьр'чи бум wә хварьн да мьн, әз т'и бум wә ав да мьн, әз хәриб бум wә әз qәбул кьрьм, ³⁶ әз тә'зи бум wә әз к'ьнщ кьрьм, әз нәхwәш бум һун сәр мьнда һатьн, әз кәледа бум һун һатьнә щәм мьн». ³⁷ һынге йед р'аст we wir'а бежьн: «Хөдан, мә к'әнге тө бьр'чи дити у хварьн дайә тә? Йан мә тө т'и дити у ав дайә тә? ³⁸ Мә к'әнге тө хәриб дити у тө qәбул кьри, йан жи тө тә'зи дити у тө к'ьнщ кьри? ³⁹ К'әнге мә тө нәхwәш йан кәледа дити у әм һатьнә щәм тә?» ⁴⁰ П'адшайе жи wanp'а бежә: «Әз р'аст wәр'а дьбежьм, һәгәр wә qәнщи жь ван хушк-бьред мьнә йе һәри бь'чук йәкиp'а кьр, wә мьнр'а кьр».

⁴¹ һынге әwe йед мьле хwәйи ч'әпер'а бежә: «Ньфьр'лебуйино! Дури мьн һәр'ьн нава агьре һ'әта-һ'әтайе, кә бона Мирещьн у мьлайк'әтед wi һазьр буйә. ⁴² Чьмки әз бьр'чи бум wә хварьн нәда мьн, әз т'и бум wә ав нәда мьн, ⁴³ әз хәриб бум wә әз qәбул нәкьрьм, әз тә'зи бум wә әз к'ьнщ нәкьрьм, әз нәхwәш у кәледа бум һун сәр мьнда нәһатьн». ⁴⁴ һынге әwe wir'а бежьн: «Хөдан! Мә к'әнге тө бьр'чи йан т'и, йан хәриб, йан бе сьт'ар, йан нәхwәш, йан кәледа дити у мә алик'ари нәда тә?» ⁴⁵ Wi

чахи эве шаба ван бьдэ у бежэ: «Эз р'аст вэр'а дьбежым, хэгэр вэ қэнци жь эвед һэри бьч'ук йэкир'а нэкр, вэ мьнр'а жи нэкр». ⁴⁶ У эве һэр'ьнэ щэфе һ'эта-һ'этайе, ле йед р'аст we һэр'ьнэ жийина һ'эта-һ'этайе».

Гьртгьн, хачкьрнь^ф у р'абуна Иса

Шевьра косьтна Иса

(Марқос 14:1-2; Лука 22:1-2; Йуһ'энна 11:45-53)

26 ¹ Гава Иса эв һ'эму хэбэр хьлаз кьрньн, шагьртед хвэр'а гот: ² «Һун заньн кө we дө р'ожа шунда Щэжьна^ф Дэрбазбуне бэ. У Көр'е Инсан we бе дайине кө бе хачкьрньне».

³ Ынге сэрэкед к'аһина у р'успийед щьмэ'те сэрайа сэрэкс'аһинда кө наве ви Қэйафа бу щьвийан ⁴ у ль һэв шевьрин кө Иса дьзива бь фелбазийе бьгьрньн, бькөжьн. ⁵ Ле вана дьгот: «Бьра эв йэк щэжьнеда нибэ, вэки щьмэ'т р'анэбэ сэр ньга».

Иса Бэйтанийаеда те р'ункьрньне^ф

(Марқос 14:3-9; Йуһ'энна 12:1-8)

⁶ Чахе Иса ль Бэйтанийае мала Шьмһ'уне к'отида бу, ⁷ к'өлфэтэкэ кө дэрданэкэ вейэ алабастьрейи р'уне бинхвэш һэбу, һатэ щэм ви у чахе эв ль сэр сьфре р'уньшьтбу, эве эв р'ун р'етэ сэр сэре ви. ⁸ Гава шагьрта эв йэк дит, ль ван хвэш нэһат у готьне: «Чьма эва зийана бу? ⁹ Эва р'уна^ф we қимэтэки бьһа бьһата фьротане у фэқирар'а бьһата бэлакьрньне».

¹⁰ Ле эв йэк Исава э'йан бу у ванар'а гот: «Чьма һун хатьре we к'өлфэте дьк'эвьн? Эве тьштэки қэнц бона мьн

кър. ¹¹ Фэцире һэр гав т'эви вэ бһн, ле эзе һэр гав т'эви вэ нибьм. ¹² Эве бона дэфьнкьрьна^ф мьн эв р'ун р'етэ сэр бэдэна мьн. ¹³ Эз р'аст вэр'а дьбежьм, дьнайеда к'идэре эва Мьзгинийа бе даннасинкьрьне, ве кьрьна ве к'олфэте жи бона биранина ве бе готье».

Щьһуда нэмамийа Иса дькэ

(Маркос 14:10-11; Лука 22:3-6)

¹⁴ Ёнге йэк жь һэр донздэһа кё Щьһудайе Исхэрийоти дьһатэ готье, чу щэм сэрэкед к'аһина ¹⁵ у гот: «Һуне чь бьдье мьн, вэки эз ви бьдье дэсте вэ?» У вана си зив жер'а соз дан. ¹⁶ Жь вьр шунда эв мэщалэке дьгэр'ийа кё чава Иса бьдэ дэсте ван.

Иса т'эви шагьртед хвэ шива

Щэжьна Дэрбазбуне дьхвэ

(Маркос 14:12-21; Лука 22:7-13; Йуһ'энна 13:21-30)

¹⁷ Ль р'ожа пешьнэ Щэжьна^ф Нане Шкэва, шагьрт һатьнэ щэм Иса у жер'а готьн: «Тё ль к'ё дьхвази Шива Щэжьна Дэрбазбуне бьхви, вэки эм тэр'а һазьр кьн?» ¹⁸ Эви жи гот: «Һэр'ьнэ бажер, щэм фьлан мэрьви у бежьнэ ви: «Дэрсдар дьбежэ: Р'ожа мьн незик э. Эзе т'эви шагьртед хвэ мала тэда Щэжьна Дэрбазбуне дэрбаз кьм». ¹⁹ У шагьрта өса кьр, чава кё Иса ванар'а э'мьр кьрьбу у шива Щэжьна Дэрбазбуне һазьр кьрын.

²⁰ Еваре т'эв һэр донздэһа сэр сьфре р'унышт. ²¹ Гава вана һе дьхвар, Иса гот: «Эз р'аст вэр'а дьбежьм, йэки жь вэ ве нэмамийа мьн бькэ». ²² Шагьрт гэлэки бэр хвэ к'этын у һэр йэки жь ван готэ ви: «Хёдан, дьбэ кё эз ьм?» ²³ Эви ль ван вэгэр'анд у гот: «Эве кё пэ'рийе хвэ т'эви мьн т'аседа кьр, эве нэмамийа мьн бькэ. ²⁴ Р'аст Көр'е

Инсан we öca һәр'э чава кö бона wi һатийэ нъвисаре, ле вэй ль wi мәръве кö нэмамийа Көр'е Инсан бькэ! Wir'a he қәнщ бу кö әw қэт дьне нэк'эта». ²⁵ Щьһудайе кö we нэмамийа wi бькьра, ле вэгәр'анд у готе: «Дәрсдар, дьбэ кö эз ьм?» Иса wir'a гот: «Тэ бь дэве хwэ гот».

Шива Хөдан

(Марқос 14:22-26; Луқа 22:14-23; 1 Корьнт'и 11:23-25)

²⁶ Аwa гава вана he нан дьхвар, Иса нан һьлда шькьри да, кәркьр да шагьрта у гот: «Һан һьлдын бьхьын. Эва бэдэна мьн э».

²⁷ Пэйр'а к'ас һьлда шькьри да, да ван у ванар'а гот: «Һун һ'эму жи жь ве вэхьын, ²⁸ эва хуна мьн э бона пэймане^ф», кö бона бахшандьна гөнед гэлэка те р'етьне. ²⁹ Ле эз wәр'а дьбежьм, иди эз жь вьр шунда жь бөре ве мewe вэнахьм, һ'эта we р'ожа кö эзе т'эви wә П'адшатийа Баве хwэда жь йа ну вэхьм».

³⁰ Паше вана зэбурәк^ф стьра, дәрк'этын чунэ чийайе Зэйт'уне.

Иса дәрһэқа инк'арийа Пэтрусда дьбежэ

(Марқос 14:27-31; Луқа 22:31-34; Йух'әнна 13:36-38)

³¹ Ёнге Иса ванар'а гот: «Ишэв һун һ'эмуые жи жь мьн п'ьшк бьн һәр'ьн, чьмки нъвисар э: «Эзе ль шьвен хьм у пэзе жи бэла-бэлайи бэ». ³² Ле гава кö эз жь мьрьне р'абьм, эзе бэри wә һәр'ьмэ Щэлиле». ³³ Пэтрус ле вэгәр'анд у готе: «Һэгәр һ'эму жи жь тэ п'ьшк бьн һәр'ьн, ле эз т'ö щар жь тэ начьм». ³⁴ Иса wir'a гот: «Эз р'аст тәр'а

* 26:28 Нав дэстньвисаред һьнэкада «пэймана ну» һэйэ.

* 26:31 Зэкэрийа 13:7.

дъбежъм, һәма ишэв һе бәри бангдана дик, те се щара мьн инк'ар ки». ³⁵ Пәтрус wir'а гот: «һәгәр щи бе, эзе т'эви тә бьмьрм жи, ле т'ө щар тә инк'ар накъм». Һ'әму шагърта жи өса дьгот.

Иса ль Гетшәманийе дөа дькә

(Марқос 14:32-42; Лука 22:39-46)

³⁶ һынге Иса т'эви ван чу ви щийе кө жер'а Гетшәмани дьбежын у шагъртар'а гот: «Вьра р'унен, һ'эта эз һәр'ым дэра һан дөа бькъм». ³⁷ Әви т'эви хвә Пәтрус у һәр дө көр'ед Зәбәди һьлдан, к'әсәр һате у бәр хвә к'әт. ³⁸ һынге Иса ванар'а гот: «Дьле мьн һақас дәрд у к'әдәр э, мина бәр мьрне. Вьра бьминьн у т'эви мьн һ'ышйар бьн».

³⁹ һьнәки пешда чу хвә дэвәр'уйа авит дөа кьр у гот: «Баве мьн! һәгәр дьбә, бьра эв к'аса щәфе сәр мьнр'а дәрбаз бә. Ле нә кө чава эз дьхвазъм, ле бьра хвәстьна тә бә».

⁴⁰ Паше һатә щәм шагърта, әв р'азайи дитьн у готә Пәтрус: «Wә нькарьбу кө сьһ'әтәке һун т'эви мьн һ'ышйар бьмана? ⁴¹ Һ'ышйар бьминьн у дөа бькьн, wәки һун нәк'эвьнә нава щер'ьбандьне. Бәле р'өһ' р'ази йә, ле бәдән сьст ә».

⁴² Щарәкә дьн жи Иса чу дөа кьр у гот: «Баве мьн! һәгәр набә кө эва к'аса щәфе жь мьн дәрбаз бә һ'эта кө эз we вәхьмь, бьра ә'мьре тә бә».

⁴³ Иса һат, әв диса хәведа дитьн, ч'ә'вед ван жь хәве вәнәдьбун. ⁴⁴ У әв һьштьн чу, щара сьсийа дөа кьр, диса әв хәбәр готьн.

⁴⁵ һынге һатә щәм шагърта у ванар'а гот: «Һун һәла һе р'азайи нә у р'ьһ'әт дьбьн? Wәхт пер'а гьһишт кө Көр'е

Инсан бьк'эвэ дэсте гөнэк'ара. ⁴⁶ Р'абьн эм хэр'ьн. Ва йэ эве кё нэмамия мьн дькэ незик бу».

Гьртъна Иса

(Маркос 14:43-50; Лука 22:47-53; Йуһ'энна 18:3-12)

⁴⁷ Эви he хэбэр дьда, Щьһудайе кё йэк жь ван донздәһа бу һат. Эви т'эви хвэ жь алийе сэрәкед к'аһина у р'успийед щьмэ'теда э'лалэтэкэ гьран анибу, бь дара у шура. ⁴⁸ Ава нэмаме ви э'шэрэт дабу ван у готьбу: «Эз к'ижани кё р'амусьм, эв э, ви бьгьрьн».

⁴⁹ Ынге Щьһуда незики Иса бу у готе: «Сьлав ль тэ, дэрсдар!» у р'амуса. ⁵⁰ Иса wir'a гот: «Һэвал, те чь бьки зу бькэ!»* We гаве эв пешда һатьн, дэст авитьнэ Иса у эв гьртън. ⁵¹ Йэки жь эвед кё т'эви Иса бу, р'абу шуре хвэ к'ьшанд ль хёламе сэрәкк'аһин хьст у гөһе ви пәканд. ⁵² We гаве Иса wir'a гот: «Шуре хвэ бькэ щи. К'и кё шур һьлтинэ, эве бь шур хэр'э. ⁵³ Тэ т'ьре эз нькарьм жь Баве хвэ бьхвазьм wәки пер'а-пер'а донздәһ ордийа зедәтьр мьльйак'эт бьгьһинэ мьн? ⁵⁴ Ле ньвисар we чава бенэ сери кё дьбежьн, гэрәке һ'эму аһа бьн?»

⁵⁵ We гаве Иса э'лаләтер'а гот: «Те бежи wә сэр қачахәкида гьртийэ, кё һун бь дара у шура һатьнэ мьн бьгьрьн? Нэ эз хэр р'ож т'эви wә п'арьстгәһеда р'удьньштъм мьн һун һин дькьрьн, ле wә эз нәдьгьртъм. ⁵⁶ Ле эв һ'эму тышт қәwьмин, кё ньвисаред п'ехәмбәра бенэ сери». We дәме һ'эму шагьрта эв һьштън у р'эвин.

* 26:50 Аһа жи те фэ'мкьрьне: «Һэвал, тё бона чь һати?»

Иса ль бэр щьвина^Ф гьрэгьра

(Марқос 14:53-65; Лука 22:54-55, 63-71; Йух'анна 18:13-14, 19-24)

⁵⁷ Йед кө Иса гьртън, эw бьрьнэ щэм Qэйафайе сэрэкк'ахин, ль wi щийе кө қанунзан у р'успи щьвийабун. ⁵⁸ Пэтрус жи дурва h'эта h'эwша сэрэкк'ахин п'е-п'е пэй wi чу к'этэ һьндөр' у ль нав нобэдара р'уньшт, кө бьзаньбэ ахьри we чава бэ. ⁵⁹ Сэрэкед к'ахина у т'эмамийа щьвина^Ф гьрэгьра жи мьқабыли Иса шэ'дэтикэ дэрэw дьгэр'ийан кө wi бькөжън, ⁶⁰ ле нэдитън. Гэлэк шэ'дед дэрэw жи hatън, диса нэдитън. Паше дө шэ'дед дэрэw пешда hatън ⁶¹ у готън: «Эви гот: «Эз дькаръм п'арьстгәһа Хwэде һьлшиньм у нава се р'ожада диса we чекъм»».

⁶² Сэрэкк'ахин^Ф р'абу сэр п'ийа у wir'а гот: «Бона ван шэ'дэтийа кө эвана мьқабыли тэ дьдън тө чьма щабөке нади?» ⁶³ Ле Иса дэнге хwэ нэкьр. Сэрэкк'ахин диса wir'а гот: «Эз тэ бь Хwэдейе сах дьдъмэ сонде. Мэр'а бежэ, тө йи Мәсиһ, Көр'е Хwэде?» ⁶⁴ Иса готэ wi: «Тэ бь дэве хwэ гот. Ле эз wэр'а дьбежъм, жь вьр шунда һуне Көр'е Инсан ль к'еләка^Ф Йе һәри Зор, ль мьле wийи р'асте р'уньшти у ль сэр э'wред э'змен те бьбиньн».

⁶⁵ һьнге сэрэкк'ахин к'ьнщед хwэ қалаштън у гот: «Эви к'ьфьри кьр! Иди шэ'дэ чи мэр'а нэ? Ва йэ wэ ньһа к'ьфьрийе wi бьһист? ⁶⁶ Wэва чава хойа дькэ?» Wана жи ле вэгэр'анд у готън: «Wir'а көштън дьк'эwэ».

⁶⁷ We гаве т'уйи р'уйе wi кьрън, бь к'өлма лехьстън, һьнәка жи шәмақ ле дьдан ⁶⁸ у дьготъне: «Мәсиһ, п'ехәмбәртийе мэр'а бькә, к'а к'и бу кө тэ хьст?»

Пэтрус Иса инк'ар дькэ

(Марқос 14:66-72; Лука 22:56-62; Йһ'әнна 18:15-18, 25-27)

⁶⁹ Уи чахи Пэтрус дэрва ль һ'эвшеда р'уньшт'бу. Щарик һатэ щэм уи у готе: «Тө жи т'эви Исайте Щэлиле буйи». ⁷⁰ Ле эви ль бэр һ'эмуйа инк'ар кър у гот: «Эз ньзаньм тө чь дьбежи».

⁷¹ Чахе эв чу бэр дэргәһ, йэкэ дьн эв дит у готэ эвед кӧ ль вьр бун: «Эве һан жи т'эви Исайте Ньсрәте бу». ⁷² Эви диса бь сонд инк'ар кър гот: «Эз уи мәрви нас накьм». ⁷³ Хеләке шунда эвед кӧ ль вьр бун чунэ щэм Пэтрус у готьне: «Һэбэ-т'өнэбэ тө жи жь ван и, чьмки хэбәр дана тэ шә'дэтийа тэ дьдә». ⁷⁴ Һьнге эви ньфьр' хвэ кър, сонд хвар у гот: «Эз уи мәрви нас накьм».

Уе гаве дик банг да ⁷⁵ у Пэтрус эв готьна Иса ани бира хвэ кӧ вьр'а готьбу: «Бәри банг дана дик, те се щара мьн инк'ар ки». Дәрк'этэ дэрва у к'элэ-к'эл гьрийа.

Иса дьбьнэ бэр Пилато^ф

(Марқос 15:1; Лука 23:1-2; Йһ'әнна 18:28-32)

27 ¹ Гава сьбәһ сафи бу, т'эмамия сэрәкед к'аһина у р'успийед щьмә'те ль һэв шешьрин кӧ Иса чава бьдьнэ кӧшт'не. ² Эв гьредан, бьрн данэ дэсте Пилатойе^ф вәли.

Ахьрийа Щьһуда

(К'аред Шандийа 1:18-19)

³ Һьнге Щьһудайе кӧ нэмамия уи кър, дит кӧ Иса һатэ гьрт'не, п'ошман бу, эв си зив вэгәр'андэ сэрәкед к'аһина у р'успийа ⁴ у гот: «Мьн гӧнэ кър. Эз бумэ сәбәбе хуна бесущ». Вана жи готэ уи: «Чи мәр'а нэ? Тө зани».

⁵ Эви жи эв зив авитьнэ нав п'арьстгэһе, дэрк'эт чу хвэ хэньқанд.

⁶ Сэрэкед к'аһина зив һылдан у готын: «Нэ р'аст э кө эм ван бькынэ нав хьзна п'арьстгэһе, чьмки эв һэде хуне йэ». ⁷ Ђнге эв ль һэв шевьрин у бь ван зива Э'рде Ахинкэр к'ьр'ин, бона т'ьрбед хэриба. ⁸ Лэма эв э'рд һ'эта иро жи «Э'рде Хуне» те готыне. ⁹ Ђнге эв готына бь заре Йерэмийа п'ехэмбэр һатэ сери: «Си зив қимэт дан, вэкэ ви қимэте кө зар'ед Исраеле қайл бун ¹⁰ у эв данэ Э'рде Ахинкэр, чава кө Хөдан мьнр'а э'мьр кьр»*.

Пьрса Пилато

(Марқос 15:2-5; Луқа 23:3-5; Йуһ'анна 18:33-38)

¹¹ Иса бэр вэли сэкьни, вэли жь ви пьрси у гот: «Тө йи П'адше щьһуйа?» Иса wir'а гот: «Тэ бь дэве хвэ гот». ¹² Ле чахе сэрэкед к'аһина у р'успийа давитьнэ ви, эви қэт шаба кэсэки нэда. ¹³ Ђнге Пилато wir'а гот: «Тө набьһейи чьқас щькийате^ф тэ дькьн?» ¹⁴ Эви диса шаба кэсэки нэда, һ'эта вэли жи шаш ма.

Диванеда һ'өкөме көштыне ль сэр Иса дэрдьхьн

(Марқос 15:6-15; Луқа 23:13-25; Йуһ'анна 18:39-19:16)

¹⁵ Э'дэте вэли бу кө ль щэжьнеда бь хвэстына э'лалэте гьртик ванр'а бэр'да. ¹⁶ Ђнге гьртики вани к'ьфш һэбу, кө наве ви Барабас бу. ¹⁷ Гава кө эвана щьвийан, Пилато ванар'а гот: «һун к'ижани дьхвазьн кө эз бона вэ бэр'дьм, Барабас йан Исайе кө Мэсиһ те готыне?» ¹⁸ Эви заньбу кө жь дэст һ'эвсудийе Иса дабунэ дэсте ви.

* 27:10 Зэкэрийа 11:12-13; Йерэмийа 32:6-9.

¹⁹ Гава эw ль һэрэма диwane р'уньштъбу, к'олфэта wi щаб шанд у гот: «К'аре тэ эwi бесуц нэк'этийэ, чьмки ве шэва дэрбазбуйи хэwнеда бона wi гэлэк тышт сэр мьнр'а дэрбаз бун». ²⁰ Ле сэрэкед к'аһина у р'успийа э'лалэт р'ази кър, кө Барабас бьхwазьн у Иса онда кьн. ²¹ Wэли диса wанар'а гот: «Һун жь ван һэр дөйа к'ижани дьхwазьн кө эз wэр'а бэр'дьм?» Wана жи гот: «Барабас!» ²² Пилато wанар'а гот: «Ле эз Исaйе кө Мэсiһ жер'а дьбежьн чава бькьм?» И'эмуйа жи гот: «Бьра бе хачкърьне!» ²³ Wэли гот: «Ле эwi чь хьраби кърыйэ?» һьнге wана һе кърэ қир'ин у готьн: «Бьра бе хачкърьне!»

²⁴ Пилато жи дит, wэки тыштэк к'аре надэ, ле һе шэр' у дэ'w дэстпедьбэ, ав һьлда ль бэр э'лалэте дэстед хwэ шуштьн у гот: «Эз жь хуна wi бесуц ьм. һун хwэха бьньһер'ьн». ²⁵ У т'эмамыйа щьмэ'те щаба wi да у гот: «Бьра хуна wi ль сэр мэ у ль сэр зар'ед мэ бэ!»

²⁶ һьнге Пилато Барабас wанар'а бэр'да, ле Иса да бэр қамчийа у да дэсте wan кө бе хачкърьне.

Эскэр қэрфе хwэ ль Иса дькьн

(Марқос 15:16-20; Йьһ'энна 19:2-3)

²⁷ һьнге эскэред wэли Иса бьрьнэ һьндөр'е қэсьре у т'эмамыйа р'эфа эскэра сэр wi щьвийа. ²⁸ К'ьнще wi же ехьстьн у чөхэки соре гэwэз ле кърьн. ²⁹ Паше т'ашэк жь стьрийа wэгьртьн данэ сэре wi у қамишэк жи данэ дэсте wийи р'асте. һьнге бэр wi чок дан, қэрфе хwэ пе кърьн у готьн: «Хwэш бэ, П'адше Щьһуда!» ³⁰ Т'уйи wi кърьн, қамиш һьлдан сэре wi хьстьн. ³¹ Пэй қэрфкърьнер'а чөхе сор жь wi ехьстьн у к'ьнще wi лекърьн у данэ пешийа хwэ бьрьн кө wi хач кьн.

Хачкърьна Иса

(Марқос 15:21-32; Лука 23:26-43; Йух'анна 19:17-27)

³² Чахе эв дэрк'этьнэ дэрва, эскэра йэки курени дит кө наве ви Шьмһ'ун бу, п'ейи сэр ви кърьн кө хаче ви һьлдэ. ³³ Эвана гьһиштънэ ви щийе кө жер'а Голгота дьготън, кө те фэ'мкърьне: «Щийе Қафа». ³⁴ Шэрава зьрав т'эвкьри дане кө вэхвэ. Ле чахе эви тэм кър, нэхвэст вэхвэ.

³⁵ Эв хач кърьн, сэр к'нще ви п'эшк авитън у ль нав хвэда бэла кърьн». ³⁶ Паше ве дэре р'уньштън у нобэдари ль ви кърьн. ³⁷ Нэхэдийа ви нъвисин данин феза сэре ви: «ЭВ ИСА, П'АДШЕ ЩЬҺУЙА ЙЭ».

³⁸ Ђнге дө качах жи т'эви ви хатънэ хачкърьне, йэк мьле р'асте у йе дън мьле ч'эпе. ³⁹ Эвед кө вьрр'а дьчундъхатън ч'ер'и ви дькърьн, сэре хвэ дьһ'эжандън ⁴⁰ у дьготъне: «Нэ тэйе п'арьстгәһ һьлшанда у се р'ожада чекьра? Дэ хвэ хьлаз кэ, һэгэр тө Көр'е Хвэде йи! Жь хач вэрэ хваре!» ⁴¹ Оса жи сэрэкед к'аһина, қанунзана у р'успийа т'эвайи қәрфе хвэ ви дькърьн у дьготън: ⁴² «Хэлқ хьлаз кър, ле хвэ нькарэ хьлаз кэ! Эв нинэ П'адше Израеле? Дэ бьра ньһа жь хач бе хваре у эме бавэрийа хвэ ви бинън. ⁴³ Гөмана хвэ дани сэр Хвэде, дэ бьра ньһа ви хьлаз кэ, һэгэр Хвэде жь ви р'ази йэ, чьмки дьгот: «Эз Көр'е Хвэде мэ»». ⁴⁴ Качахед кө т'эви ви хатънэ хачкърьне, вана жи өса тән ль ви дьхьстън.

* 27:35 Нав дэстньвисаред пашвэхтийеда эв жи һэйэ: «Кө готъна п'ехэмбэр бе сери: «К'нщед мьн ль нав һэвда бэла кърьн у сэр чөхе мьн п'эшк авитън»» (Зэбур 22:18).

Мьрьна Иса

(Маркос 15:33-41; Лука 23:44-49; Йух'анна 19:28-30)

⁴⁵ Нивро жь сьһ'эта донздәһа һ'эта сьһ'эта сьсийа т'эмамайя эрде бу тәри. ⁴⁶ Незики сьһ'эта сьсийа Иса бь дэнгәки бьльнд кьрә қир'ин у гот: «Ели, Ели, лама сабахтани?» кә те фә'мкьрьне: «Хвәдейе мьн, Хвәдейе мьн, тә чьма эз һьштъм?»* ⁴⁷ Әве кә незик сәкьнибун, гава әв хәбәр бьһистьн, готьн: «Әв гази Елийас дькә». ⁴⁸ Йәк жь ван бь ләз бәзи, луфька^ф бә'ре һьлда сьркеда кьр, ль сәр қамишәкива дани у да ви кә вәхвә. ⁴⁹ Ле һьнәкед дьн готьн: «Бьсәкьнә. Әм бьбиньн, к'а Елийасе бе ви хьлаз кә?»

⁵⁰ Иса диса бь дэнгәки бьльнд кьрә гази у р'өһ'е хвә да.

⁵¹ һьнге п'әр'да п'арьстгәһе жь сери һ'эта бьни қәльши, бу дө тиша^ф. Әрд һ'әжийа, кәвьр қәльшин, ⁵² т'ьрб вәбун у гәләк мьрийед бөһөрти р'абун. ⁵³ Әв жь т'ьрба дәрк'әтьн пәй р'абуна Исар'а, чунә Бажаре Пироз у гәләка әв дитьн.

⁵⁴ Чахе сәрсәд у әвед кә т'әви ви нобәдарийа Иса дькьрьн, эрдһ'әж у әв һ'әму тьште қәвьми дитьн, р'ьсасе әв гьртьн у готьн: «Р'асти жи әва Көр'е Хвәде бу!»

⁵⁵ Ль we дәре гәләк к'өлфәт жи һәбун, кә дурва дьньһер'ин. Әв жь Щәлиле ль пәй Иса һатьбун, бәрдәсти вир'а кьрьбун. ⁵⁶ Мәрийәма Мәждәлани, Мәрийәма дийа Ақуб у Усьв^ф у дийа һәр дө көр'ед Зәбәди ль нав ванда бун.

* 27:46 Зәбур 22:1.

Дэфынкърьна Иса

(Марқос 15:42-47; Лука 23:50-56; Йух'энна 19:38-42)

⁵⁷ Бәре еваре мәрвәки дәвләти жь Аримәтйәйе һат, кә наве ви Усвь^ф бу. Әв жи йәк жь шагъртед Иса бу. ⁵⁸ Әв чу щәм Пилато у щьнйазе Иса жь ви хвәст. Ве гаве Пилато ә'мьр кър кә щьнйаз бе дайине. ⁵⁹ Усвь щьнйаз һьлда, қәдәке к'ътанийи пақьжда к'әфән^ф кър ⁶⁰ у дани нав т'ърба* хвәйә ну кә қәйеда к'олабу. Паше әви кәвьрәки мәзын холи бәр дәре т'ърбе кър у чу. ⁶¹ Мәрийәма Мәждәлани у Мәрийәма дьн ль ве дәре бун у пешбәри т'ърбе р'уньштьбун.

Нобәдаред т'ърбе

⁶² Р'ожа дьн кә пәй р'ожа^ф т'ьвдарәккърьне* бу, сәрәкед к'әһина у ферьсийа ль щәм Пилато щьвийан ⁶³ у готьн: «Әм хөлам, те бира мә, кә әви дәрәвин сахтийа хвәда дьгот: «Әзе р'ожа сьсийа жь мьрьне р'абьм». ⁶⁴ Ньһа ә'мьр кә кә һ'әта р'ожа сьсийа мьқати т'ърбе бьн, нәбә кә шагъртед ви бен ви бьдзьн у щьм'тер'а бежьн: «Әв жь мьрьне р'абуйә». Иди хальфандьна пашийе жь йа пешийе хьрабтьр бә». ⁶⁵ Пилато ванр'а гот: «Ва нә вәр'а әскәрәд нобәдар. һәр'ьн чава кә һун заньн өса жи мьқати т'ърбе бьн». ⁶⁶ Әв жи чун мьқати т'ърбе бун, кәвьр мор кърьн у әскәрәд нобәдар ль бәр данин.

* 27:60 Т'ърба Иса мьхарәк бу. Щьһуйа һьнге дәсте к'ева бьһата мьрийед хвә дькърьнә мьхара. Әв йан шкәфт бун йан жи қәйада дьк'олан.

* 27:62 «Р'ожа т'ьвдарәккърьне» р'ожа инийе бу.

Иса жь мьрьне р'адьбэ

(Марқос 16:1-8; Лука 24:1-12; Йух'энна 20:1-10)

28¹ Пэй шэмийер'а, р'ожа йэкшэме* сэре сьбэһе зу Мэрийэма Мэждэлани у Мэрийэма дьн һатьн кө т'ьрбе бьбиньн. ² Ньшкева э'рд қайим һ'эжийа, чьмки мьльйак'этэки Хөдан жь э'змен һатэ хваре, кэвьр жь бэр т'ьрбе веда кьр у сэр р'унышт. ³ Диндара ви мина бьруске бу у к'ьнще ви мина бэрфе сьпи бун. ⁴ Нобэдар жь тьрса ви т'эвиһэв бун у бунэ мина мьрийа. ⁵ Мьльйак'эт ван к'өлфэтар'а гот: «Нэтьрсьн! Эз заньм һун ль ви Исайи дьгэр'ьн, йе кө һатэ хачкьрьне. ⁶ Эw нэ ль вьр э, чьмки эw жь мьрьне р'абуйэ, чава кө эви готьбу. Wэрьн ви щийе кө эw* п'алдайи бу бьбиньн. ⁷ Зу һэр'ьн бежьнэ шагьртед ви: «Эw жь мьрьне р'абуйэ у эве бэри wэ һэр'э Щэлиле. Ль wьр һуне ви бьбиньн». Ва йэ мьн wэр'а гот».

⁸ Эw бь хоф у эшқэкэ мэзын лэз жь т'ьрбе дэрк'этьн у лэзандьн кө шагьртар'а бежьн. ⁹ Ньшкева Иса р'асти ван һат у гот: «Сьлав ль wэ!» Эwана незики ви бун, хwэ авитьнэ ньгед ви гьртьн у сэре хwэ бэр данин. ¹⁰ Ынгге Иса ванар'а гот: «Нэтьрсьн! һэр'ьн бежьнэ бьред мьн, кө эw һэр'ьнэ Щэлиле у ль wьр we мьн бьбиньн».

Нобэдар тенэ р'өшэткирьне^Ф

¹¹ Чахе кө к'өлфэт чун, һьнэк жь нобэдара һатьнэ бажер у тьштед кө қэwьмибун сэрэкед к'аһинар'а готьн. ¹² Сэрэкед к'аһина т'эви р'успийа щьвийан у шешьрин.

* 28:1 Бь йунани хэбэр бь хэбэр аһа йэ: «Р'ожа һ'эфтийейэ пешьн», чьмки бона щьһуйа, р'ожа һ'эфтийейэ пешьн йэкшэм бу, ава готи «лэ'д».

* 28:6 Нав дэстньвисаред һьнэкада «Хөдан» һэйэ.

Паше вана гэлэк п'эрэ данэ нобэдара ¹³ у готын: «Бежн: <Чахе эм хэведа бун, шагъртед ви хатын эв дьзин». ¹⁴ У хэгэр эв тышт быгънижэ гөһе вэли, эме ви р'ази кын у вэ бехэм кын». ¹⁵ Вана жи п'эрэ һьлдан у өса кърьн, чава кө хатъбунэ хинкърьне. У эв готын ль нав щьһуйада һ'эта р'ожа иро бэла буйэ.

Иса хвэ нишани шагъртед хвэ дькэ

(Марқос 16:14-18; Лука 24:36-49; Йух'энна 20:19-23; К'аред Шандийа 1:6-8)

¹⁶ һэр йанздәһ шагърт жи чунэ Щэлиле ви ч'ийайе кө Иса ванр'а готъбу. ¹⁷ Гава кө дитьн, сәре хвэ бәр ви данин, ле һнэк жи дөдьли бун. ¹⁸ Иса незики ван бу, ванр'а хэбәр да у гот: «һ'эму һ'өкөме э'рд у э'змен мьнр'а һатэ дайине. ¹⁹ Ньһа һәр'ьн һ'эму мьлэта һин кын у вана бь наве Бав, Көр' у Р'өһ'е^ф Пироз бьньхөминьн^ф ²⁰ у ван һ'эму т'эмийед кө мьн данэ вэ мьлэта һин кын, вэки эв хвэй кын. Эз ирода т'ьме һ'эта ахьрийа дьнйайе т'эви вэ мэ!» Амин!